

مالیه کتبخانه‌سی : عددی ۹

اصول محاسبه

مالیه مکتبک « مأمورین خزینہ » صنفندہ بربریان افندی
طرفندن تقریر اولئان درسلدردر .

عددی محدود ومالیه مکتبک مهرینی حاوی اولئان نسخهلر ساختهدر .

طابع وناشری
قناعت کتبخانه‌سی صاحبی الیاس



بحقوق محفوظدر




برنجی طبعی

در سعادت — مطبعه « قدر »

۱۳۲۸





حساب و محاسبه

۱. — محاسبه حساب بالاشمق، قارشولقی حساب طوتمق دیمکدر .
حساب ایسه تعداد و مقایسه دیمکدر .

۲. — تعداد و مقایسه انسانه ایچونه بر احتیاج طبیعیه بر
حال ابتدائیده منفرداً یشایان بر آدم ، کونک برنده قارشوسنده ایکی
آدم کورنجه، محافظه نفسه اولان سوق طبیعیه سی اقتضاسنجه، عیبا انلردن
کندوسنه بر ضرر کلوب کله میه جگنی دوشونمسیله برابر کندوسنک
یالکز اولدیغنی وقارشوسنده ایسه کندو کبی بر و آنک یاننده بر ده
بولدیغنی تقدیر ایدم جکدر . کذلک آجلغنی دفع ایتک ایچون بوکا
خادم اوله بیله جگنی تجربه لرله ا کلامش اولدیغنی بر قوشی طوتار ، یر ؛
قط بویله بر آو تحریرسند ایکن ایشنه الویره جک اولان قوشلردن
ایکی ویا اوچ دانه سنی الده ایده بیلور ایسه ، بوکون دونکی یدیکندن
پردانه ، بردها و بردها ییه بیله جگنی تقدیر ایدم جکی کبی ؛ بونلردن
برینی یدکدن صکره قرنی طویوبوده دیکر لرینی یمکه ارزوسی قالمسه ،
ایرتسی کونلرده ارتق آو تحریری ایچون بشقه جه اختیار زحمتیه
مجبور اولیه جغنی تقدیر ایدر . ایشته بوتقدیر انسانک احتیاج طبیعی
الجابسیله همان بلا اختیار اجرا ایتدیکی تعداد و مقایسه نک اک بسیط
بر درجه سی ، اک ابتدائی بر صفحه سیدر .

۳ — انسانك اشیای خارجیہ ایلہ و امثالہ مناسبت و علاقہ سی توسع ایتدجکہ تعداد و مقایسہ یہ اولان احتیاجنك ده او نسبتده کسبہ اهمیت ایدہ جکفی شو مثال اثباتہ کافی در . حالوکه انسان ایچون هر درلو احتیاجات مادیہ و معنویہ سنی دفعہ چالشمق محافظہ موجودیتده کی حق طبعیہ سـنـك مقابلی اولان بر وظیفہ اساسیہ اولدینی کی ؛ بو وظیفہ یی ممکن مرتبه از کفـتـلـه ایـفا ایدہ بیلمسی ایچون، صرف ایتدیکی مساعی ایلہ استحصـال ایلدیکی نتایجی و بونلرک احتیاجاتنه درجہ خدمت و کفایتی تعداد و مقایسہ ایتسی لازم کله جکدرکه بو قضیه ده تعداد و مقایسہ نك یعنی حسابك انسان ایچون نفسہ قارشو بر وظیفہ اولدینی اثبات ایدر .

۴ — فقط مناسبات بشریہ نك بر درجہ دها توسعیله اعمال و مساعینك انقـسـامی نتیجہ سی اوله رق آخرك مالی ده اداره ایتلری لازم کلان آدمـلـر ایچون حساب و محاسبه بر احتیاج طبعی و بناء علیه نفسہ قارشو بر وظیفہ درجہ سنده قالمیوب، اصل مال صاحبـلـرینـه قارشو بر وظیفہ قانونیه حالتی اکتساب ایدر .

۵ — ایتدی حساب بر آدمك کوردیکی و ایدندیکی شیلری ، کچوردیکی مدتلری ، یایدینی ایشلری تعداد و مقایسہ ایتسی در . محاسبه ایسه یکدیگریله تعاطی اعمال و مساعی ایدن ، و یا یکدیگری نامه ایفای خدمت ایلان ایکی و یا دها زیاد ، کیمسه لرك حسابلرینی قارشو لاشدیروب ایدر لنده تعاطی ایدیلان ایشلرک کیتلرینی مقایسه ایتلریدر .

۶ — تعاطی ایدیلان اشیای و خدماتك کیتلرینی هر وقت عینی

اولجو ايله اولچمك ممكن اوله ميوب ، ذاتاً ايكي ودها زياده كي مسه لرك
يكدى كريله تعاطى ، اعمال و مساعى ايتلىرى ، هر برينك استحصال ايتدىكى
اشيانك ، ايضا ايتدىكى خدماتك ديكرينك ككندن فرقل اولسيله
اره لرنده مبادليه احتياج كورمه لرينه متوقف بولندينى جهتله ؛ مبادله
ايديله جك مختلف الجنس اشيا و خدماتك كيتلىرىنى مقايسه ايتمك
ايچون بو اشيا و خدماتك جمله سسنه قابل تطبيق عمومى بر مقياس
بولنق لازم كلشدر كه بوده قيمت در .

۷ — محاسبه نك ايستانستيفره فرقى . — بيان اولنان مقتضاي حاله
كوره ، محاسبه مبادله ايريله قيمتدر مقننه حساب يورتمك ، حساب
كورمك ديمك اولور . واقعا كورديكمز ، ايدنديكمز هر شئي كچور-
ديكمز مدتلى ، تابع اولديغمز وقوعاتى مختلف نقطه نظر لردن
تعداد و مقايسه ايديله يلورز . حسابك بيان اولنان تعريف عموميسنه
كوره ، بويولده ياپيله جكمز تعداد و مقايسه لرك هر بر درجه سندن
بر صورتله استفاده ايتكل ككمزده طبيعى در . فقط محاسبه ، مبادله
ايديلان قيمتلك تعداد و مقايسه سيله نتيجه سنك قارشولاشديرلى
جهته ، منحصر قالب ، بونك خارجنده ياپيله بيله جك تعداد و مقايسه يه
ايستانستيفه دنيلور .

۸ . — فن محاسبه . — يكدى كريله معامله و مناسبتى اولان ايكي كيمسه
هر هانكى بر زمانده اره لرنده هر هانكى بر صورتله و يادقلى ايشلرك
هر هانكى بر جهتي حقنده حساب كوره بيلورلر ، بويولده حساب
كورمه لرينه محاسبه دنيله بيلور . فقط بو طرز محاسبه بر فن دكلدر .

چونکه بر معامله ، بر ایش فن اولق ایچون اسباب معقوله یه مستند و هروقت قابل تطبیق و تکامل قواعد اوزرینه مؤسس اولق و مسائل مختلفه سی هر وقت او قواعد تطبیقاً قابل حل و تسویه بولنق لازم کلور .

۹ — . فنك شو الجاء عمومیسنی محاسبه یه تطبیق ایدر ایسه ك کورورزكه : محاسبه نك فی اولمی ایچون ، موضوعی اولان مبادلاتك ، یعنی حرکات قیمة نك ، بر انتظام تحتده تضيف ایدیلهرك هر وقت و هر کسجه بالسهوله اكلاشیله بیله جك بر قاعده تحتده مقایسه ایدلمی ، و بو صورتله تضيف و مقایسه ایدیلان حرکاتك محتسده ترده محل بر اقیه جق اوراق مثبته یه مستند بولنمی لازم در . حرکات قیمة نك تصنیفنده ارانیلان انتظام و بونلرك مقایسه سنده تأسیسی ایدیله بیله جك اولان قاعده ایسه ، بالطبع عندی اوله میوب ، هر حاله قابل تطبیق و طبیعت مصالحندن مقتبس بولنق اقتضا ایدر .

۱۰ — . کوریلان ، الده ایدیلان اشیا یی تعداد و مقایسه ایتمك . بر احتیاج طبیعی اولدینی کی ؛ بر آدمك لزوم اوزرینه ایدینوب تعداد ایتدیکی اشیا یی حفظ ایتمی ، و حفظ ایتدیکی بر شینی دائماً یرنده آرامی ، و شاید یرنده بوله ماز ایسه عجیبا نره یه و یردیکنی دوشنمی دخی او احتیاجك بر نتیجه طبیعیه سیدر . مثلاً بر آدم صباح جینه بشیوز غروش قویوب بعض مبیعات ایچون چارشویه چیقه ، برشی آلوبده اثاثتی و یره جك اولدجه ، لزومی اولان پاره یی چیقارمق ایچون الی ستره سنك ارقه جینه کوتورمز . پاره یی هانکی جینه فویق معناد ایسه الی او جینه کوتورور ، والی او جینه کوتوردکجه اورادم

پاره‌سنى تمام بولمق استر.) برطامق مبايعاتدن صكره اوه كلوب‌ده چيندم.
يالكز يوز نروش قالدبغنى كورور ايسه ، ارده‌كى درت يوز غروشى
نرهبه صرف ايتديكى دوشونور ، ومبايعاتنك تمام درتيوز غروشلق
اولديغنى تعين ايتدجكه راحت ايتمز . بالفرض

۱۲۰ غروشله درت جلد كتاب

» بش طاووق ۵۰

» بر چفت پوپين ۸۰

» اون قبه ياغ ۱۵۰

۴۰۰

المش ايسه ارتق بونلردن هيچ برينى چيندم ارايه‌ميه جغنى كى . بونلرك
جهله‌سنى برارده بولنديرمى دخی ممكن اوله‌ميوب ، كتابلى كتيخا-
نه‌سند ، طاووقلى كومسده ، ياغى كيلارده ، وبوطيني‌ده طولابند
حفظ ايتمى ، ولزم اولدجكه هر برينى كندو يرند اره‌مى طبيعيدر .

۱۱ — . ايمدى بو آدم اوكون درتيوز غروش صرف ايتديكى
يعنى درتيوز غروشلق مبادل ياپديغنى قيد ايتك ايجون ، ذكر اولنان
صرفياتى قلم‌قلم قيد ايدوبده هر بر قلمك نرهبه صرف ايدديكى يازماز
ايسه ، بش كون صكره بونلردن هانكى قلمك كتاب پاره‌سى هانكيسنك
ياغ پاره‌سى اولديغنى بالطبع اونوده جغنى جهته ؛ يامش اولديغنى قيدلر
قورى رقلردن عبارت قالوب معاملاتى تعداد ومقايسه ايجون النده
هيچ بر عنصر بولنماش ديمك اولور ؛ ينى ياپديغنى قيدك هيچ بر
فائده‌سى اولماساز . كذلك بوكون جنبه بشيوز غروش قويئش وبو
بشيوز غروشدن اقشامه قدر درتيوز غروشنى صرف ايدوب اقشام

جبنده یوز غروش قالمشدر . یابه جفی قید جبنك شو حالنی کوستره . بيلمك ایچون جبنه قویدینی بشیوز غروشی بر طرفه ، وبوندن صرف ایتدیکی درتیوز غروشك قیدلرینی ایلر بر طرفه یازمسی ، یعنی جبنه قویدینی یاره لرك یکونتی جبندن چیقاردینی یاره لرك یکونته قاریشدر . میوب ایلر ایلر جمع و مقایسه ایتسی لازم کلور .

۱۲ — . فقط جبنه کیرن وجبندن چیقان یاره لری بو صورتله قید ایدوب ، جبنه کیرن یاره لرك هر بر قلمنك نه جهتدن کلدیکی وجبندن چیقان یاره لرك هر قلمنك نره یه ویرلدیکی کوسترمکله برابر ، کتاب واثواب و مطبخ ایچون وقوع بولان صرفیاتنی ایلر ایلر یورویتمز و طولایماز ایسه ، سنه نهایتنده اودفترك ویره جکی نتیجه معلومات ، بر سنه ظرفنده او آدمك شو قدر غروش آلمش ، شو قدر صرف ایتش وجبنده شو قدر غروش قلمش اولدینندن عبارت قالور . او آدمك بر سنه ظرفنده کتاب ایچون نه قدر ، مطبخ ایچون نه قدر ، اثواب ایچون نه قدر و الحاصل انواع احتیاجاتنك هر بری ایچون نه قدر اچقه صرف ایتش اولدینی اکلماق ایچون ، دفترده مقید اولان صرفیاتی یکی باشند قلم قلم تدقیق ایدوب انواعنه آیرمق ، وهر بر نودن بولدیغمز صرفیاتی آیلر آیلر طولایماق ، یعنی یکی باشند حساب یایمق لازم کلور .

۱۳ — . اوت ، مبادله مادامکه بر قیمت ویروب مقابلنه دیگر دیگر بر قیمت آلمقدر ، یاییلان بر مبادله یی تماماً قید ایتش اولمق ایچون ویردیگمز قیمتلی نوعلرینه کوره طولایوب قید ایتك لازم کله جکی کبی ؛ بونك مقابلنده الدیغمز قیمتلی دخی نوعلرینه کوره

طوبلايوب قيد ايتمكلكمز اقتضا ايده جكدر. يعني حركت يردكشدير مك
ديمك اولديني جهته؛ حركتي تمقيب ايتك ايچون، حركت ايدن
شيتك نه اولديغني وزه دن چيقوب نزمه كيتديكني ياخود هانكي
شكلدن چيقوب هانكي شكله كيرديكني قيد ايتمكلكمز لازم كلور.
جيمدن يوز يكرمي غروش چيقاروبده درت جلد كتاب آلدېغ زمان
يوز يكرمي غروشلق بر قيمت حركت ايتمش اولدى؛ وبو حركت
قيمت مذكور مك پاره لرمدن اكس-يلوب كتابلر مه انضمام ايتمش،
وتعبير ديكرله، يوز يكرمي غروشلق بر ثروتمك مسكوكات شكلندن
چيقوب كتاب شكلنه انقلاب ايتمش صورتيه واقع اولدى. شو
معامله ده، ياللكز جيمدن يوز يكرمي غروش چيقديغني قيد ايدر
ايسه، ياپديغ بر مبادلنهك انجق ياريسى قيد ايتمش اولورم. جيمدن
چيقان يوز يكرمي غروش قيد ايتمك، جيمك حسابى بيلمك ايچون
نصل لازم ايسه؛ جيمدن چيقارديغ يوز يكرمي غروشله درت جلد
كتاب الديقى يعني كتاب شكلنده بولنان ثروتمه يوز يكرمي غروشلق
بر قيمت انضمام ايتديكني قيد ايتمكلكمده كتابلر مك حسابى بيلمك
ايچون اودرجه لازمدر. زيرا نقد حالنده اوله رق الله كلان ثروتى
جيمده ياخود قاصه مده ارامقلم طبعى بولنديغني كې، نقودمدن كتابه
انقلاب ايتديكني كوره جكم مقداري نه كتبخانه مده يعني كتاب شكلنده كي
قسم ثروتمى كوستره جك اولان حسابده ارامقلم طبعى در.

۱۴ — ايشته حركات قيمه نك ماهيته و تعداد و مقايسه ده كي
احتياجك الجاء طبعيسنه مستند اولان شو ايضاحاتدن مستفاد اوله.

جني وجهه ، هر مبادله حرکت ايدن قيمتلك چيقدقلى محللر ايله كيردكلرى محللر يعنى ترك ايتدكلرى شكللر ايله منقلب اولدقلى شكللر ارسنده مطلقا رياضى بر مرازه حاصل اوليوركه ، بوموازنه يي كوستره جك صورتده بر معادله قوريلوبده بو معادله نك هرردى جمع ايدلدكجه ياييلان معاملات حقننده سهل التفهم تمام بر قدر ويرمك يعنى محاسبه ياقى ممكن اوله ميور . بناء عليه محاسبه نك فنى اولسى ايچون ايشك بو مقتضاي طبعيسى يعنى هرلث قيمده هابكبر اولده معادله رياضىي تعقيب ايرك هررد ممانده سنى جمع ومقايسه ايتمى لازم كلور .

۱۵ — . فقط حرركات قيمه بو صورتله مقايسه ايدلمككه برابر بو اعمدات ومقايسه يي مابين اولان قيودك صحتندن شبهه ايديله بيلور . حالبوكه محاسبه دن مطلوب اولان فائده نك حصولى ايچون قيودينك صحتته قناعت لازمدر ؛ يعنى قيود محاسبه ده كورينه جك حرركات قيمه نك تمام قيد اولندينى مقدارلر اوزرينه وقوع بولديغنى هر وقت اثبات ايديله جك اوراق و رتائوه استحضار ايديله رك ، اوراق و وثائق مزبورده نك ياييلان قيود ايله متناظر بر ترتيب و انتظام تحتنده حفظ اولمى ده فن محاسبه نك شرائط اساسيه سندن برى اولق اقتضا ايدر .

۱۶ — تعريف فنى . — فن محاسبه نك بربرر ايضاح وتدقيق ايديلان مقتضياته نظراً فن محاسبه شو صورتله تعريف اولنور :

» فن محاسبه ، بر شخصك دبا بر جمعيتك نصرف و اداره ايتديكى

رودتدره معاملات اقتصادی و مناسبات اجتماعی نتیجه مندره حاصل اولاده
تبدیلانی هر وقت صورت واضحه و مقننه اراء اتمک ایجوده هر درلو
حرکات قیمده آلمی اولاده بر ویا منعد هردوک ویریمی اولاده بر
ویا منعد هردوه صورت تقابلی متادیا تعقیب ایدرک حرکات مذکوره
ده کی معادل ریاضی و انلک موازنه متادیه سی اراء اتمکدر .
بوتعریفی بر درجه دها تلخیص ایدرک : فن محاسبه ، قیمتلک حرکاتنده
هابیکر اولاده معادل ریاضی تعقیب ایدرک حرکات مذکوره نلک نصرف
داره ایدرله رودتدره کی تأثیراتی هر وقت صورت مقننه
اراء ایدر بلهکر » دیرز .

۱۷ . — ایضاحات سالفه دن ترکیباً استخراج ایدیکمز بوتعریفی
بر کرده تحلیل ایدلم :

اولا « مبادل ایدیلان قیمتلک حرکاتنده » دیورز . زیرا فن
محاسبه نلک موضوعی یعنی تعداد و مقایسه ایده جکی شی حرکت ایدن
قیمتلدرز . شو قدرکه حرکت تبدیل مکانه منحصر اولیوب ، قیمتک
تبدیل شکل اتمی دخی حرکت دیمک اوله جنی کبی ، بر قیمتک یرینی
و شکلی تبدیله حاضر لائمی یعنی بر قیمتی ویرمک ویا آلق اوزره
تعهد کیریشلمسی دخی محاسبه یه موضوع اوله جق حرکاتندر .

ثانیاً حرکات مذکوره ده بر معادل ریاضیه تعقیب ایدیله جکنی
کوستریورز . زیرا بو معادل ریاضیه تعقیب اولمخده محاسبه نلک طبیی
بر قاعده مستند بر فن اولسی ممکن اولیه جقدر .

ثالثاً « جایگزین » اولان معادله ریاضیه دیورز . زیرا بو معادله ریاضیه ایجاد و احداث اولمبور ؛ حرکات قیمیده اساساً موجوددر . فن محاسبه آنی کشف و اظهار ایدیور .

رابعاً حرکات مذکورمک « تصرف و اداره اولنان ثروتلر اوزرنده کی تأثیراتی ارانه ایتک » دیورز . زیرا محاسبه دن مقصد بو تأثیراتی آ کلامقدر و بو تأثیرات آ کلاشلمدقجه محاسبه فائده سز قالور .

خامساً « هروقت » دیورز . زیرا یاپیلان بر محاسبه دن تأثیرات مقصوده مک یالکز او آنده ویا یالکز او محاسبه یی یاپان شخص ویا هیئت طرفدن آ کلاشلمسی کافی اولمیوب ؛ کرک او محاسبه یی یاپانلر وکرک بشقه لری هر نه وقت او قیده مراجعت ایدزلر ایسه ، حرکات واقعه ایله بونلرک تأثیرات مذکورسنی آ کلایه بیلملری لازمدرکه ، محاسبه مک بر قاعده طبعیه اوزرینه مؤسس اولمسی ده بو مقصد ایچوندر . سادساً « صورت مقنعه » قیدندن مقصد ، قیود واقعه ایله ارانه ایده جکلری نتایجک حقیقت حاله موافقتنده شبهه ایدیه مامکدرکه بوده قید ایدیه جک هر حرکتک مطلقاً اوراق مثبیه مستند بولنسیله حاصلدر .

اصول دفتری

۱۸ . — فن محاسبه و اصول دفتری و اصول محاسبه ناملریله ویا بونلره مماثل ناملر ایله السنه مختلفه دن ساحه انتشاره وضع ایدلمش اولان کتابلرک پک چوغنده نه فن محاسبه نه ده اصول دفتری حقنده ،

افرادینی جامع اغیارینی مانع بر تعریف فنی کوسترلیهرک فن محاسبه ایله اصول دفتری آره سنده بر فرق کوزه دلاماش اولمغله ؛ فن محاسبه دفتر طوتمقدن عبارت ظن اولمش ، ودفتر طوتمقدمه فن محاسبه نك پیدرینی نظر دفته النه کلان مقتضیاتنه کوره وجوده کتوریلان اصلاحات اطرافنده بك چوق مباحثات وقوعبولمشدر .

۱۹ . — واقعا فن محاسبه نك موضوعی اولان حرکات قیمیه یی تعریف اولنان مقتضیات فنه کوره تعقیب و ارائه ایده بیلیمك ایچون دفتر طوتمق لازم در . دفتر طوتمدقجه محاسبه وجود بولماز ؛ و فن محاسبه نك قواعدی حرکات قیمیه نك مقتضیات طبیعیه سنه مستندبولندیغی جهتله ؛ محاسبه ایچون طوتیله حق دفترلرک عددینی ، نوعلرینی ، هربرینک طرز تحریرینی تعیین ایتمك ایچون ده مطلقا قواعد مذ کوره یه تبعیت لازم کله چکی درکاردر . فقط محاسبه یالکوز دفتر طوتمقغه ، یعنی برویا متعدد دفترلره قیدیورویتمکله حاصل اوله میوب ؛ از جمله دفترده کی قیودك حقیقت حاله مسوافق اولدیغی اثبات ایده جك اولان اوراق مثبتته نك ترتیب و تعاطی و حفظ اولنمی ماده لر ی دفتره ادخال ایدیله . میه جك اولان خصوصاتدن اولمغله ، محاسبه نك دفتر طوتمقدن عبارت اولمدینی تظاهر ایده چکی کبی ؛ فن ایله اصول تعبیرلری آره سنده کی فرق اساسی دخی فن محاسبه نك اصول دفتری یه قاریشدرلمسنه مانع اولق لازم کلور .

۲۰ . — فن ، بر ایشی اداره ایدن ، بر اثری وجوده کتورن قوانیر طبیعیه نك هیئت مجموعه سیدر . اصول ایسه ، اوایشی اداره

ایدن او اثری وجوده کتورن قوانین طبیعیه حقنده کی درجه معلوماته کوره ، او ایشی اداره ایتک او اثری وجوده کتورمک ایچون تطبیق ایدیلان صور عملیه نک هیئت مجموعه سیدر . فن حقنده کی معلومات نه قدر از اولور ایسه ، اکا تابع اولان آناری استحصال ایچون تطبیق ایدیلان صور عملیه او قدر ناقص اولور . فنک احتوا ایلدیکی قوانین طبیعیه نه قدر صحتله کشف اولور ایسه ، صور عملیه سی اودرجه تکامل ایدر . مع هذا قوانین طبیعیه یی کشف ایتک ویا کشف ایدلش اولان قانونلری اکلا یوب اره لرنده کی مناسباتی تصور ایتک ، اول قوانین طبیعیه دن اقتباساً تطبیقی لازم کله جکی تظاهر ایدن ویا تجربه و قوف حاصل ایدیلان صور عملیه یی تحصیله نسبتله دهها زیاده مطالعه و تتبعه وزحمت و مشقته متوقف اولمغله ؛ صور عملیه تعمم ایدوب ، نظریات فنیه از کیمسه لره مختص قالور . بناءً علیه اصول دفتری هیج بر وقت فن محاسبه دیمک اوله ماز .

۲۱ . — فن محاسبه نک موضوعی حرکات قیمیه یی تعقیب و ارانه ایتکدر . حرکات قیمیه یی حصوله کتورن معاملات اقتصادیه و مناسبات اجتماعیه ایسه بک مختلفدر . مثلاً : اوفاق بر دکانده کتابجیلیق ایله اشتغال ایدن بر آدمک وجوده کتوره جکی حرکات قیمیه ، پاره سیله کتاب صاتون الهرق صاتق اوزره دکانه یرلشدیرمک ، کلان مشترییه ایستدیکی کتابی صاتوب پاره سنی آلمق و بلسکه بعضاً امنیت ایتدیکی آدملره ویره سیله صاتوب پاره سنی صکره ایسته مک معامله لرندن ؛ یعنی نقددن عبارت بر سرمایه قویوب نقدینی کتابه ، کتابخی نقده ویا ذمه ، و ذمی نقده تحویل ایتمکدن عبارتدر . فقط سرمایه سی برار

توسع ايدوبده اوزاق مملكتلردن سپارش قبول ايتسه ، ويا كتاب
تأليف ايدنلرك مؤلفاتنى كندو حسابنه طبع و تمثيل ايتك اوزره
صاتون آلسه ، ويا خود مؤلفات مذكوره يى طبع و تمثيل ايدوب صاندقجه
حاصلاتندن يوزده شو قدرى مؤلفه ويرمك اوزره مقاولات مخصوصه
ايله تمهيداتده بولنسه ، نقدى كتابه كتابى نقده تحويل ايتمكدن بك
فرقلى معاملات ايضا ايتمش اوله جنى كې ؛ بويولده معاملات اجرا
ايدن بر كىتابچىنىك ، معاملەسى حاضر كتاب آلوب صاتمقدن عبارت
اولان ديكر بر كىتابچىدن ده زياته دفترلر طومتغه ، ودفترلرنده ده
زياده حسابلر آچغه مجبور اوله جنى طبعيدر . كذلك كتاب وسائر
طبع ايتك اوزره بر بنا انشا ايدوب درونسه آلات وادوات
وما كنهلر وضع ايدن وبونلرى ايشاتمك ايچون بر چوق عماله
واوستلر استكرا ، و فابريقه نك محتاج اولدنى ياغ وكور كې مستهلكاتنى
طوبدن اولوب ادخار ايدن بر مطبعه جىنىك معاملاتى ، بر معدنچىنىك
ويا بر مكتب مديرىنىك معاملاتنه بگزمه يه جكى كې ؛ مطبعه ده طوتيله جق
دفترلر دخى معدنچىنىك طوته جنى دفترلردن ، وبونلر دخى مكتب
مديرىنىك طوته جنى دفترلردن فرقلى اوله جق ؛ هر برىنىك دفترلرنده كى
حسابلرده بر برندن فرقلى بولنه جقدر . الحاصل هر ايشده او ايشك
ايچابنه يعنى او ايشده حركت ايدمك اولان قيمتلىك نوعلرینه
و حركات قيمه نك صورت وقوعنه كوره دفتر طوتيله جقدر كه اكر
فن محاسبه اصول دفتريدن عبارت بولنمش اولسه ايدى ، فن محاسبه نك
ايشه كوره تخالف ايتمى ، يعنى بر فن اولماسى لازم كلور ايدى .

حالبوکه فن محاسبه بر در . هر ایشده او ایشک ایجابنه کوره دفترک
نصل ترتیب ایدمک لازم کله جگنی فن محاسبه تعیین ایدر . فن محاسبه
هر ایشک اصول دفترینی وضع ایدم جکدر . هر بر ایشده تطبیق
ایدله کلان اصول دفترینک نواقصنی واسباب تکاملنی فن محاسبه
تعیین واره ایدم جکدر .

۲۲ — . ایدم اصول دفتری یی فن محاسبه ایله قاریشدر مق ،
وبالخاصه فن محاسبه یی اصول دفتریدن عبارت ظن ایتک کلیاً خطا
اولدینی کبی ؛ اصول دفتری دیو عمومی بر اصول فرض ایتک یعنی
تفرعاته قدر هر ایشه قابل تطبیق بر اصول دفترینک موجودینه
ذاهب اولمق دخی خطادر . مع هذا اصول دفتری تعبیرینک مجرد
السنة ناسده پک چوق استعمال اولنمش اولسنه نظراً فن نقطه نظرندن
معناسز بر اقلمامش اولسی ایچون تعریفی لازم کلور ایشه ، اصول
دفتری ، بر مؤسسه دفتر عبرتلاسه حرکات قیمی یی فن محاسبه نک کرستر
دیکی قواعده تطبیقاً دفترله ارزنده قیر و رقیم ایتک صنعتی در .
دیمک اقتضا ایدر . وشو تقدیرده حرکات قیمیه یی وجوده کتورن
معاملاتی بر برینه مشابه اولمیان مؤسسات مختلفه نک اصول دفتریلری ده
بشقه بشقه اولمق لازم کلور .

۲۳ — . فن محاسبه ایله اصول دفتری آرمسندنه کی بو فرق
اساسی اکلاشیله مامش اولسندن منبعث در که محاسبه دخی اصول دفتری
کبی ارزویه کوره قابل تعدیل و تغییر ظن اولنمش و مؤسسات عمومیه
و خصوصیه نک پک چوغنده محاسبه نک موقع واهیتی تقدیر ایدله مامشدر .

۲۴ — فن محاسبه‌نك اصول دفتریدن و محاسبك دفترطوتاندن فرقى ، برينك ديكرينه نظراً درجه اهميتى تماميله اكلاشيله بيلمك ايجون ، ايضاحات مسروده يى تلخيصاً شوراسنى تكرر و اخطار ايدرم كه : اصول دفترى فن محاسبه يه موافق و يافن محاسبه‌نك ايجاباتى تماماً جامع اولمدينى حالده دخى يورويه بيلور . بر مؤسسه ده طوتيلان دفترلك شكل و عددى و صور املائييه سيچون تعقيب ابديلان اصول نه قدر ناقص اولور ايسه اولسون ، او مؤسسه‌نك اصول دفتريسى دنبل بيلور و بونك اثرى مؤسسه مديرينك هرطائى بر وهره تقبير ايتكسرين بالكنز انك ايضا ايلديكى معاملاتى انك ارزرسى وهره قير ايتكسره عبارت قالور . شو اعتبار ايله ، دفتر طوتان شخص دخى مؤسسه مديرينك هر صورتله امرينه تابع بر مأمور صفتنده بولنور . فن محاسبه ايسه بر مؤسسه ده ايضا ايديله جك اولان معاملاتنه كوره نه كجى دفترلر طوتلسى وهر قيدك نه كجى اوراق مثبتيه مربوط اولمى لازم كله جكنى تعيين ايدوب ، مؤسسه مديرينك معاملاتنه محاسبه تعلق ايدره شرائطى رضع و تقرير ايدره بكننده ، محاسب دخى بومقتضيات فيديى تطبيقه مأمور اولور و هر معامله ده شرائط مذكوره يى تعقيب و عندالاجاب مديره اخطار ايدره بكنور .

اصول محاسبه مالىه

۲۵ — اصول محاسبه مالىه — كه اصل درس مزر — فن محاسبه‌نك خزينه دولتك معاملاتنه صور تطبيقه يى ديمكدر ؛ يعنى خزينه دولتك

محاسبه سنی یورو تمک ایچون طوتیله جق دفاتر ایله استحضار اولنه جق اوراق مثبت حقدمه فن محاسبه نك مقتضیاتنه موافق اولمق اوزره اتخاذا اولنمش اولان قواعدك هیئت مجموعه سی در . خزینه نك محاسبه سنه محاسبه عمومی دنیلدیکی کبی اصول محاسبه مالیه یرینه ده اصول محاسبه عمومی دیمك دها طوغریدر .

۲۶ — ملكتمزده اصول محاسبه عمومی نك اسكیدن برو نه کبی حاللر لچورمش ونه صورتله جریان ایتمش اولدیندن بحث ایتمیه جكم . یالكز شو قدرینی سويلك استرم كه : بزده محاسبه اك کیروده قالمش اولان فنوندن بری اولوب ، بالخاصه معاملات دولنده همان هیج بر زمان حسن تطبیقه اعتنا ایلامش ، ومحاسبات عمومی دواثرینك تشکیلاتی صیق صیق تبدلاته اوغرامشدر . بر چوق سنه لر حساب قطعی یایلامش وآره لقدم بعض سنه لرك حساب قطعیمی نامیله بر خلاصه حسابیه چیقارلمش ایسه ده ، مذکور سنه لره عائد بر چوق صرفیات سند اتنك هنوز حسابلرینه محسوب ایلمیه لرك حساب خارجنده قالمش اولدینی مخبرات جاریه ایله مثبت اولدینی جهته ؛ طوتیلان حسابلرك نه قدر فیه موافق ، چیقاریلان خلاصه حسابیه لرك حقیقت حاله نه درجه مطابق اولدینی محتاج ایضاح دکلدر .

۲۷ . — مشروطیت اداره نك تأسسی متعاقباً خزینه ده اجرا قلنان تشکیلات اخیرده ، بو نقصانك اكلانه چالشیله رق اصول محاسبه عمومی بیدربی وضع وتأسیس ایلمكده ، وبونك مقتضیات فیه به ممکن مرتبه موافق دوشورلمسینه اعتنا قلنمده اولدینی جهته ؛ بوراده کی

درسمنز دخی بروجہ مذکور پیدرپی وضع و تاسیس ایتمکده اولدیغمنز
 اصول محاسبه عمومیه ایله بونک فته تعلق ایدن اسباب موجبہ سنہ
 منحصر بولنه جقدر .

۲۸ . — فقط بو بحثہ شروع ایتزدن اول اصول مضاعفہ
 و اصول بسیطہ دنیلان اصول قیدیدن براز بحث ایتک ایسترم .

اصول مضاعفہ

۲۹ . — اصول مضاعفہ نك مقتضاسی ، هر معامله ده حرکت
 ایدن قیمتلك نرمه دن چیقوب نرمه التحاق ایتدیکنی ؛ هانکی
 شکلی ترك ایدوب هانکی شکله انقلاب ایتدیکنی تعیین ایدرك ،
 بر مدت معینه ظرفیده هر برینك نه معامله کوردیکنی يك نظرده
 کوره بیله جك صورتده قید ایتمکدر . بونک ایچون قبول ایدلمش اولان
 صورت ایسه ، بر مؤسسه ده حرکت ایده جك اولان قیمتلك مماثل نوع
 و شکلرینه کوره تفریقی لازم کلان طاقلدن هر برینی برر شخص
 کبی طانیوب ، هر برینك نامنه برر حساب آچق ، و معاملات واقعه ده
 بو حسابلدن هانکیسنه بر قیمت التحاق ایدر ایسه ، التحاق ایدن
 قیمتی او حسابہ ذمت یازمق ، و هانکیسندن بر قیمت اکسیلور ایسه ،
 اکسیلان قیمتی او حسابہ مطلوب یازمقدر .

۳۰ . — ذمت و مطلوب تعبیرلری وهله پك معناسز کورینور
 ایسه ده حقیقتده او یله دکلدر . بالاده دخی ایضاح اولندیغنی اوزره ،
 جیمه بشیوز غروش قویدقدن صکره مذکور بشیوز غروشی دائما
 جیمده بولق ایسترم ، او بشیوز غروشی جیمده ارارم ؛ یعنی جیم

بكا بشيوز غروش بورجلى ، بن جېمدن بشيوز غروش آله جقلى
اولورز . بوكا مقابل جېمدن پاره چيقاروب بعض اشيا ، مبايمه ويا
برطاقم تأديات اجرا ايتدكه ، جېمدن الديغم مقدار بالطبع جيمك بكا
اولان بورجندن وبنم جېمدن اولان اله جفمدن ا كسيلور ، يعنى اولكى
حالك عكسى واقع اولور وتعبير اخرله جيم بنسدن اله جقلى اولور .
شو قدركه جېمدن چيقارديغم پاره لر ايله بر طاقم مبايعات وتأديات اجرا
ايتديكمدن ، جېمدن اولان مطلوبك ا كسيلان مقدارنجه بشقه بريده
مطلوبم حاصل اولمش اولمى لازم كلور . مثالا بو بشيوز غروشندن

۱۲۰	غروشله درت جلد كتاب
۵۰	غروشله بش طاووق
۸۰	» بر جفت پوپين
۱۵۰	» اون اوقه ياغ مبايمه ايدوب
۴۰۰	غروش صرف ايلديكم حالده

جېمده اولان مطلوبمدن درت يوز غروشك ا كسلمسسه مقابل كتبخا-
نده كومسده اثواب طولابنده و كيلارده اكا معادل مقدارده مطلوب-
باتم حاصل اولمش اولور ؛ ونقد شككنده كي ثروتمى كوسترمك اوزره
جب ويا قاصه ويا وزن ناملرنندن برى تحتنده اوله رق شخصيت ويرديكم
حسابك مطلوبسسه مقابل ، كتبخانه وكومس واثواب طولابى و كيلار
كبي مائىل اشيايى جمع ايدمك اولان محللرنامه ايرواسمىله شخصيت
ويرمك مخلف حسابلر بورجلى اولور . زيرا بو معامله نتيجه سنده
جېمدن ا كسيلان پاره نك معادلى قدر قيمت انلره التحاق ايتدى .

ارتق جیمده درتیوز غروش اکسیک ارایه جفم وانك مقابلنی كته بخا-
 نده كومهده وکیلارده آرایه جفم . بناء علیه بشیوز غروشی جیمه
 قویدینم زمان، اوبشیوز غروشی هروقت جیمده آرامغه حقم اوله جفته
 نظرأ بشیوز غروشی جیمه ذمت وكنندیمه مطلوب قید ایدرم. جیمدن
 چیقاروب صرف ایتدیکم درتیوز غروشی ده آرتق جیمده آرامغه
 حقم قالمدینفندن، جیمه مطلوب وهانکی حسابلرده آرایه بیله جك ایسه
 او حسابلره ذمت قید ایدرم .

۳۱ . — واقعا بر شخصه اقراض ایتدیکم بر مبلغی اول شخصدن
 آرامقدمه کی حقهله، قاصمه قویدینم بر مبلغی قاصمهده آرامقدمه کی حقم
 آرمسنده هیچ بر فرق یوقدر . اقراض ایتدیکم مبلغی مستقرضه
 ذمت قید ایتدیکم کی، قاصمه قویدینم پاره بی ده قاصمه، ذمت قید ایتدیکم
 طبعیمیدر. كذلك بر شخصه اقراض ایدوب اكا ذمت قید ایتدیکم پاره لردن
 بر مقدارینی استرداد ایتدیکم زمان، اول شخصك ذمتی اعاده ایتدیکی
 پاره قدر تناقص ایدر؛ و تعبیر دیگرله ذمتنه قارشو ویردیکی مبلغ قدر
 بنده بر مطلوبی حاصل اولور . بناء علیه اقراضدن تحصیل ایتدیکم
 پاره بی مستقرضك حسابنه مطلوب قید ایدرم .

۳۲ . — دنیله بیلورکه: بندن یوز لیرا استقراض ایدن شخصك
 حسابنه یوز لیرایی ذمت قید ایدینم طوغری ایسهده، بونك یکر می
 بش لیراسنی استرداد ایتدیکم زمان بنم او آدمه قارشو بر بورجم
 اولیور، بالعمکس ده ایتمش بش لیرا آله جفم قالیور، بناء علیه ایدینم
 یکر می بش لیرایی نیچون اكا مطلوب قید ایدهیم؛ طوغریدن طوغری

ذمتدن تزیل ایدرم . — اوله بیلور . فقط دقت ایتملی که : یوز لیرا ذمت قید ایتدیکم بر آدمک حسابنه تحصیل ایتدیکم یکریمی بش لیرایی مطلوب . قید ایدر ایسم ، مجرد بو قیدمدن طولایی کندوسنه یکریمی بش لیرا ویرمکلکم لازم کلیه جکدر . او آده قارشو نه وضعیتده بولندیغمی . آکلامق ایچون هر نه وقت حسابی آچار ایسم ، ذمتلرینی قیده . تخصیص ایتدیکم محله یوز لیرا و مطلوبلرینی قیده تخصیص ایتدیکم محله یکریمی بش لیرا کوره جکم ؛ و عینی زمانده کورینه جک اولان شو حالدن بئم او آدمده دهها یتمش بش لیرا الهجم قالدیغنی دفعه . آکلایه جقم ؛ فضله اوله رق بر مدت معینه ظرفنده اقراض و تحصیل . ایتدیکم . بالفک یگونلرینی ده آرو آرو یگون ایده بیله جکم ؛ یکدیگرندن آرو ایشلر اولان اقراض و تحصیل صورتلرنده کی حرکات قیمیه نک مقدارینی آرو آرو کوره بیله جکم ؛ یعنی حرکات قیمیه نک هر بری ایچوره قوردیغقم معادل لک مدرد معاند سنی طرف طرفه جمع ایدرک . بر مدت معینه ظرفنده کی معاملونک هیتت مجموعه سنی ده بر معادل ریاضیه شکنده کورنده بیدریمکم .

۳۳ . — قالدیکه هر بر حسابک آلوب ویرمسی برر صورته . واقع اولوب ، مثلاً وزنه حسابنک معامله سی وزنه نقد کیرمک و وزنه دن نقد چیقماق صورتلرندن عبارت اولدیغنی حالده ؛ استخدا ایتدیکم مأمور لرمه اوله جق معاملاتم ، آنلرک ایفای خدمت ایتلری و خدمت لینه مقابل اوقات معینه ده اجر تیلرینی بندن آللری صورتنده واقع اوله . جفتدن ؛ و کذلک هر هاندی بر شخص ایله آره مزده وقوعوبه جق

معاملات ایسه ، بکا نقدآ بر پاره اقراض ، ویا بندن نقدآ بر پاره
استقراض ، ویا بنم حسابمه بر یردن پاره تحصیل ، ویا بنم حسابمه
بریره پاره تأدیه ، ویا بکا بر مال فروخت ، ویا بنم حسابمه بر مال مبیاعه
وبوکا مقابل بنم اوزریمه بر پولیچه کشیده ایتک کبی مختلف صورتلرده
واقع اوله جغندن ؛ ذمت و مطلوب تعبیرلری استعمال ایدلار ایسه ، بو
حسابلردن هر برینک الدیفنی ویردیکنی موازنه ایتک ایچون ، تخصیص
ایده جکم صحیفه لرك هر برنده مختلف تعبیرات ایله سرنامه لر آچمه
مجبوریت حاصل اوله جق ؛ بر مدت معینه ظرفنده هر برینک آلدیفنی
ویردیکنی مقدارلر مختلف سرنامه لر آلتنده کورنمک لازم کله جکدر .
ذمت و مطلوب تعبیرلری ایسه عمومی یعنی ههر حسابک هره صورتده
اولور ایسه اولسوه آلوب ویردیکنه قابل تطبیق اولدیفنی جهتله ،
بو تعبیراتک استعمالنده — بونلرك معناسی بر کره ایوجه آکلاشلدقدن
صکره — آرتق هر حسابک تعریفی تسهیل ایدلمش اولغله برابر ، بر
مدت معینه ظرفنده وقوعبولان حرکاتک عمومی طرف طرفه طوبلایوب
مطلوب اولان موازنه نی تشکیل ایتک دخی ممکن اولور .

۳۴ . — بر حسابک ذمتیه مطلوبی بر ترازونک ایکی کفه سی
کبی در . بر حسابک معاملاتی قید ایتک ایچون بر صحیفه تخصیص
ایدلدیکی حالده ، صحیفه نی ایکی به تقسیم ایدوب بر طرفنه ذمتلرینی
دیگر طرفه مطلوبلرینی یازمق لازم کله جکی درکاردر . ذمت ایله مطلوبی
بر برینه قاریشدیر مقسزین آرو آرو قید ایده جک اولدقدن صکره
بر حسابک ذمتی صاغ طرفه مطلوبی صول طرفه ویا بر عکس قید

ایتمکده هیچ بر فرق یوقدر . فقط بر دفترده آچلمش اولان متعدد حسابلردن برینک ذمتنی صاغ مطلوبنی صول طرفه، و دیگر بر حسابک ذمتنی صول و مطلوبنی صاغ طرفه قید ایتمک کبی اطرادسزلق وقوعه کتوریلور ایسه ، اثنای قیدده هانکی حسابک صاغی ذمته هانکیسنک صولی ذمته تخصیص ایدلیدی دفته تعیین ایدیلهمیه رک، بر طاقم خطالر وقوعبولسی طبعی بولندیفی جهته؛ ذمت ایله مطلوبک یرلری هر حسابده عینی اولق لازم کلمش ، و مطلقا ذمته بر نجیلک و یریلهرک یازومزک صاغدن صوله یازلدیغنه نظراً، هر حسابک صاغی ذمته صولنی مطلوبه تخصیص ایتمک بزده عادت اولدیفی کبی؛ یازوسی صولدن صاغه یازیلان ملتدرده هر حسابک صولنی ذمته صاغنی مطلوبه تخصیص ایتمک عادت اولمشدر .

۳۵ . — مطلوبه نظراً ، ذمته برنجیلک و یرلمسی ایسه ذمتله مطلوبی تصور ایچون اک اول ماده آلیجی و یرجی اولان حسابلردن مقایسه یه باشلانلسندن ، و از جمله قاصیه بر یاره قونلدیقه اورادن بر شی چیقارلق ممکن اوله مامسندن ایلرو کلشدر دنیله بیلور .

۳۶ . — ایشته بو صورت قیده فرانسزجه « Comptabilité à parties doubles » ویا « tenue des livres à parties doubles » تعبرینک ترجمه سی اوله رق « اصول مضاعفه » ویا « قید مضاعف » دنیلمکده ایسه ده ؛ بو صورت تسمیه طوضری دکلدرد . زیرا مضاعف تعبرندن قیدک تضعیف ایدلمکده اولدیفی یعنی مکرر قید یاپلیدیفی بولنده بر معنی چیقار . حالبوکه یازیلان قیدده مکررک یوقدر .

۳۷. — بر معاملته نك لا اقل ايكي يره، يعنى بر حسابك مطلوبه و ديكر بر حسابك ذمته قيد ايدلسى، معامله واقعه ده حركت ايدن قيمتى تعقيب ايتمك مجبوريتندن متولد اولوب، قيمتك حركتى ايسه مطلقاً بر يردن چيقوب ديكر بر يره التحاق ايتمك صورتنده واقع اوله جفتدن؛ حركت ايدن بر قيمتك مثلاً يالكز چيقيدينى يره اكسليديكى قيدايدوب ده التحاق ايتديكى يره كيفيت انضمامنى قيد ايتسه ك، يابديمز قيد معامله واقعه نك آنجق ياريسنى افاده ايتمش اولور، و فن محاسبه نك آرادينى معادله رياضيه نك يالكز بر طرفى تشكيل ايدلمش اوله رق ديكر طرفى آچيق بر اقلمش اولور. بناءً عليه حقيقت حالى تعقيباً و يالكز حقيقت حالى تماماً افاده ايتمك اوزره ياييلان صورت قیده مضاعف اسمنى ياشديروبد، كويا بسط و تسهيل ممكن، مكرر بر صورت قيد كې كوسترله نك نه قدر معناسز اولدينى دركارد.

۳۸. — لئوتهيك كتابنده تعبير مذكور ك شو اويغونسز لغندن بحثله بو صورت قیده « Digraphie » يعنى « قيد مثنى » اطلاق ايدملك ايتنلشمش ايسه ده، بزجه « قيد مثنى » دخى معناده قيد مكرردن يك آز فرقلى اولوب، مقصد حقيقى و صورت قيدك مستند اولدينى لزوم طبيعى ي افاده يه غير كافى اولديندن؛ قيم متوازنه ويا اصول متوازنه « Equigraphie » تعبيرى لك موافق كورينور.

۳۹. — قيم مثنى تعبيرندن ايكي يره قيد يابدينى آكلاشيله - بيلور ايسه ده، نه ايچون اوچ يره قيد ايدلديكى آكلاشيله ماز. مع هذا حركت ايدن بر قيمتك بر يردن چيقيدينى حاليه تماماً ديكر بر يره

التحاق ایتیموبده ایکی اوج یره طاغلمسی دخی ممکن اولدیغندن؛ وشو کبی بر حال وقوعنده حرکت ایدن قیمتک تمامی بر حسابیه مطلوب قید اولنسنه مقابل، یالکیز بر حسابیه ذمت قید ایتیمکله آرانیلان معادله قورلمش اوله میوب، بر یردن چیقان قیمتک صورت انقسانه کوره متعدد حسابلره ذمت قید ایدمک لازم کله جکندن؛ بر حرکتندن طولایی هر وقت ایکی دکل، بمضاً واکثریا اوج، درت ودها زیاده قید یاییله جقدرکه بو کبی بر حاله قارشو قیر مثنی تعبیری مقصدی افاده ایده مز.

۴۰. — قیر متوازنه تعبیرندن ایسه، هر معامله ده بر موازنت آرانیه جنی و یاییلان قید نه مضاعف نه مکرر نه ده ایکی ویا اوج کبی بر عدد ایله محدود اولیوب مجرد آرانیه ده معدله ریاضیه استمهال ایدلیمیه قدر قیر یاییلمیه لازم کله جکی آکلایشیلور.

۴۱. — مع هذا قیر متوازنه ویا اصول متوازنه تعبیرلری دخی فرانسزجه اکیفرافی تعبیری کبی قیصه و ترکیب و اضافیه مساعد اولدیغندن Géographie یی جغرافیا Cosmographie یی قوزموغرافیا اوله رق تلغراف و تلفون کله لرینی و امثالنی عیناً قبول ایدوب استعمال ایتیمکده آلدیغمز کبی Equigraphie تعبیرنی ده اکیفرافیا دیو قبول ایدوب استعمال Compte équigraphique معناسنه اوله رق حساب اکیفرافی دیو ترکیب یاییلمیه ترجیح ایدرم.

اصول بسیط

۴۲ . — اساسنی تعریف ایتدیگمز قیدمتوازن اصولنه معارض اولانلر « اصول بسیطه » ناميله یاد ایتدکری بر اصولی مدافعه ایدرلر ایسه ده ، بوکا دائر هیچ بر یرده بر تعریف فنی کوره مدیکم جهته ، بو اصولک نه اولدیغنی بوراده دخی بالطبع تعریف ایده میه جکم .

۴۳ . — یدمزه تودیغ اولنان بر ثروتی نصل اداره ایتدیگمزی بر وقت معینده کوستره بیلیمک ، یعنی محاسبه یا بق ایچون ، مطلقا آلدیغمزله و یردیگمزی و و یردکارمژک یرینه نه قویدیغمزی متوازن بر صورتده کوسترمکده کی مجبوریتم انکار اولنه میه جی کبی ؛ هر معامله مزی بویله متوازن بر صورتده قید ایتمکده کی مجبوریتم دخی انکار اولنه ماز . حرکت ایدن بر قیمتک نره دن چیقدیغنی قید اولنمسه مقابل نره یه التحاق ایتدیگنک قید اولنمی ، ویا بالعکس نره یه التحاق ایتدیگی قید اولنمسه مقابل نره دن چیقدیغنک قید اولنمی مکرر و زائد بر مشغله عد ایدیلوب ده ، یالکز قیمت مذکورمک نره دن چیقدیغنی ویا یالکز نره یه التحاق ایتدیگنی قید ایتمکه اکتفا ایدمک ایستیلور ایسه ، بو صورت ایشی بسط و تسهیل ایتمک دکل ، یابیلان بر معامله نک یاریسنی قید ایدوب یاریسنی قید ایتمامک ، یعنی قیدی یاری بر اقق دیمک اوله جفنده شبهه یوقدر .

۴۴ . — حالبوکه یاریده بر اقبالان قید اکمال ایدمکجه محاسبه یا بق ممکن اوله میه جندن ؛ هر دفعه محاسبه یا بق ایچون ، صوک محاسبه

تاریخندن بر و کچن مدت ظرفنده قید ایدلیان نصف معاملات قید اولان دیگر نصف حتمده کی مشروحات و ایضا حاندن اقتباساً جمع و قید ایتمه مجبوریّت حاصل اوله جقدرکه شو حالده ، زائد دیو و قتیله ترك ایدلمش اولان ایشینه یا پلقه یكون اعتباریله برشی قزانلمش اولدقدن بشقه ، آلتی آیلقی و یا بر سهك متراکم ایشلری طار ، صیقی بر زمانده یا پیغه مجبوریّت حاصل اوله رق ، آره یرده بر چوق خطالر وقوعی و بو خطالری بولوب تصحیح ایتك ایچون دها بر چوق زمانلر غائب ایدلمی و هر حالده ایستلدیکی زمان حساب و یریه مامسی طبیعی در .

۴۵ . — ذاتاً « اصول مضاعفه » نامی تحتند طانیدقلری قید متوازن اصولنی بکنمیوبده — اصول بسیطه اوزره دفترطو تارز — دیه نلرك طو تدقلری دفترلرده دخی ، مثلاً : وزنه به کیرمن پاره ایله وزنه دن چیقان پاره بر آره به قید ایدلیوب مقبوضات و مدفوعات سرنامه لری تحتند آرو آرو یورودلدیکی کی ؛ وزنه به کیرن پاره لردن هر بر قلمك نه جهتدن متحصل اولدینی تعین ایدیلررك انواع وارداتدن هر بری نامه آچلمش حسابلره تحصیلات قید ایتمكدن صرف نظر ایدیله مامكده اولدینی جهتله ، اصول متوازنه علیهدارانك طرفدارى بولندقلری « اصول بسیطه بی تعریفه و حرکات قیمیه ده جایکیر اولان معادله ریاضیه بی تعقیب ایتمکمزین بر اصول قید بولندقلرینی اثباته هیچ بر وقت موفق اوله میه جقلری بدیهیدر .

بناءً علیه برکونه قید احتیاطی به لزوم کورمکمزین دیه بیلورزکه :
اصول بسیطه یوقدر ، محاسبه مطابقاً قید متوازنه مترقضر . اصول متوا .

زنه نك خارچنده هر نه كې بر صورت قيد تعقيب اولور ايسه محاسبه يه غير كافي اولوب، هر هانكي بر زمانده محاسبه يايق ايجون مطلقا ا كمال قيود ايله استحصال توازن لازم اوله جق، و اثنای معاملاتده تصرف ايديلور ظن ايديلان مساعينك يرينه محاسبه زماننده ايكي مثلي اسراف ايديله جكدر . اصول بسيطه طرفداري يز ديه نلر بيلميه رك قيد متوازن يايق ايستيورلر . فقط اصول متوازنه نك اساسي و مقتضاسي آ كلا . مدقلى جهته قيدلرنده موازنه مطلوبه يي تماماً تعقيب و تأسيـس ايدمه يه رك زياده يوريلور .

۴۷ . — ديكر طرفدن شوراسني ده سويلك لازم كلور كه :
 اصول متوازنه طرفداراني اكثريله اصول مذكورهي اصول دفتری كيتابلرنده كوردكاري شكلده بر دفتر كبير ايله بر يوميه دفترينه متوقف و دفاتر مذكوره ده هر معامله نك على المفردات قيدينه وابسته كې تلتي ايدوب بر مؤسسه ده معاملاتك درجه وسعت و كثرتي نه اولور ايسه اولسون مذكور دفترلى هر حاله قابل تطبيق ظن ايتمه ليله اعتراـضات واقعيه قارشو اصول متوازنه يي لايقيه مدافعه ايدمه ماشـلر .
 و اصول بسيطه طرفدارانك اعتراضاتنه اك زياده اصول متوازنه طرفدارانك بو صورت تلقيلري سبب اولمشدر .

حساب اکیفرافی = Compte équigraphique

و

دفتر کبیر = Grand livre

۴۸ . — حساب اکیفرافی حرکات قیمیه بی قید ایتک ایچون تعقیب ایدیله جک اولان معادلات ریاضیه نک آلیجی و ویریحی اولان حدود مماثله سنک بهر طاقنی تشخیص ایتدیره جک اولان اسمدر درکه بر مؤسسه ده تصمیم ایدی لان معاملات کوره تعاطی ایدیله جک قیمت لک انواعی اعتباریله و حرکات مذ کوره نک صورت وقوعه کوره حدود مماثله دن هر بر طاقنی نویسم ایله هر برینک الیغنی و ویردیکنی یعنی زمینی و مطلوبی قید ایتک اوزره بر محل تخصیصی کیفیتنه ده حساب آیهی و بر مؤسسه ده آچیله جق اولان حساب لک عمومی احتوا ایدوب صره سیله کوستره جک اولان دفترده دفتر کبیر اطلاق اولنور .

۴۹ . — فرضا زید کتابجیلیق ایده جک. کتابجیلیق ایتک ایچون اول امرده بر دکان کرا لامق ، بر مقدار کتاب صانون آله رق دکانه یرلشدرمک و فقط بونلری یایه بیلیمک ایچون ده ده اول بر سرمایه کتورمک لازمدر. ایمدی زید بویله جه کتابجیلیق یایمق ایچون موجود پاره سندن یکرمی بیک غروشنی بو ایشه مخصوص سرمایه اولمق اوزره تفریق ایدوب قاصه سنک بر طرفنه قویسه، او دقیقه دن اعتبار آ— اوصاف سائر سندن قطماً نظر— برده کتابجیلیق صنعتنی طاقتمش دیمکدر. اوصاف

و مناسب عمومی مدنیسی اعتباریله بر زیر آ موجود ایدی ؛ شمدی برده کتابچی زیر ب وجود بولدی. کتابجیلوق یایمق اوزره تفریق ایتدیکی یکر می بیک غروش اموال سائره سندن بشقه بر ماهیته کیردی . بشقه بر حکمه تابع اوله جقدر. او دقیقه دن اعتباراً او یکر می بیک غروش کتابجیلوق ایشنده استعمال ایدیله جک یعنی او یکر می بیک غروشی زید ب نصرف ایدوب حسابی زید آیه ویرم جکدر . ایدمی زید آ سرمایه صاحبی در . زید ب سرمایه بی ایشده جک اولان کتابچی در . «کتابجیلوق ایچون یکر می بیک غروش سرمایه قوندی» دیمک سرمایه دار زید آ کتابچی زید ب یه یکر می بیک غروش ویردی دیمکدر . بناء علیه حرکت قیمیه یکر می بیک غروشک زید آدن زید ب یه ویرلمسی صورتیله واقع اولدیغندن زید ب بورجلی ، زید آ اله جقلی اولدیلر . دکانده زید آ سرمایه دار صفتنده کورینه چکی جهته زید آیی سرمایه نامی تحتنده تشخیص ایدر ایسه ک زید ب ده دکانک موجودی صفتنده قالب موجودک انواعه کوره اسملر ایله تشخیص ایدمک لازم کلور . سرمایه اوله رق قونیلان یکر می بیک غروشلق ثروت — فرضمه کوره — کاملاً نقد اولدیغندن زید آنک یعنی سرمایه دارک و — اختصاراً — سرمایه نک اله جنی اولان یکر می بیک غروش کاملاً زید ب نک یعنی دکانک نقد طاقنده یعنی قاصه سنده در .

۵۰ . — ایشته شو ایلک معامله نک تحلیلندن ایکی حسابک لزوم

کشادی تظاهر ایتدی که بونلرک بری سرمایه دیگر قاصه در .

۵۱ . — سرمایه اوله رق قونیلان یکر می بیک غروشلق قیمت

کاملاً نقد اولیوبده اون بش بیک غروشی نقد، بش بیک غروشی ده کتاب حالنده اولسه ایدی قیمتلرک نقدطاقنی کوسترن قاصه صایب یالکز اون بش بیک غروش ایچون بورجلی اولوب کتاب شکلنده اولان باقی بشبیک غروش ایچون کتاب شکلنده کی قیمتلردن مسئول دیگر بر بورجلی ارانیه جقدی که اکاده ایشک ماهینه کوره صایلم کتابلر یاخود دهها عمومی بر تعبیر ایله صایلم امتعه ویا — بالاختصار — امتعه اسمنی ویرمک لازم کلور.

۵۲. — سرمایه اوله رق قونیلان نقددن بر مقدار ویریلوب کتاب الندجه، نقد کتابه انقلاب ایدم جکندن؛ قاصه و امتعه حسابلری معاملات واقعیه قیده کفایت ایدم جکدر. فقط اون غروشه آلدیم بر کتابی اون ایکی غروشه صا دینم وقت، واقع اولان اون ایکی غروشلق حرکت قیمه دن نقد حسابنه التحاق ایدن اون ایکی غروشه مقابل، کتاب یعنی امتعه حسابندن اکسیلان قیمت یالکز اون غروش اولدینی جهته، باقی ایکی غروشی ده قید ایدم جک بر حساب لازم اوله جقدر که اکاده لار دیمک لازم کلور. کذلک اون غروشلق، یعنی اون غروشه آلمش اولمقدن طولایی اون غروش فیثاتله امتعه حسابنه مال اولمش اولان بر کتابی بالایجاب سکز غروشه صا تارایسم، امتعه حسابندن اکسیلان اون غروشلق قیمتدن طولایی حساب مذ کوره مطلوب قیدی لازم کلان اون غروشه مقابل قاصه، یالکز سکز غروش ذمت قید ایدم بیه جکمدن، باقی ایکی غروشی ده قید ایتیمک ایچون بر حساب لازم اوله جق که اکاده ضرر دیه جکم.

۵۳. — دنیله بیلورکه : قاصه دن اون غروش چیقاروب اون غروشلق برکتاب ساتون الندیفی زمان ، سرمایه تبدل ایتیوب معامله یالکیز سرمایه نك نقدلرندن بر قسمنك امتعهیه تحولندن عبارت قالقده ایسه ده ، اون غروشلق برکتاب اون ایکی غروشه ساتلیدیفی زمان معامله اون غروشلق امتعه نك نقده تحولندن عبارت قالیوب ، سرمایه نك هیئت عمومیه سی ایکی غروش قدر زایدایدیور ؛ بناء علیه بو ایکی غروشی سرمایه نك مطلوبه قید ایتیوب ده کار نامیله بشقه بر حساب کچورمکه نه سبب واردر ؟ - بو ایکی غروشی سرمایه نك مطلوبه کچیره میز زیرا سرمایه حسابی سرمایه دار اولان زید آبی کو ستر . زید آیه بوایشه قاریشمدی . معامله یی یاپان زیدب در . زیدب زید آنك خارجنده در . زید آیه حساب ویره جکی زمانه قدر یایدینی معاملات و بونلرده حاصل اولان هر درلو لار و ضرر لر هب زید ب نك حسابنده کورنك لازم کلور .

۵۴. — ساتیلان کتابك ائماننی پشین المیوبده ویره سیه ساتدیغمز زمان امتعه و کار حسابلری نك مطلوبه قید ایده جکمز قیمتك معادلنی بالطبع قاصه حسابنه ذمت قید ایده میه جکمز جهتله ، ویره سیه آلان مشتری نك ذمتنده کی آلا جغمزی کو ستره جك بر حساب لازم اوله جقدرکه بوکاده بو حالی ایضاح ایده جك بر اسم بولهرق مثلاً ویره سیه صانسه ویا ذمم دیه جکمز .

۵۵. — دکان ایچون یکیدن کتاب سپارش ایدوبده هنوز کتابلر تسلیم ایدلمزدن اول بر مقدار پشین پاره ویرمك لازم کلسه ،

ویردیکمز پارہ بی قاصہ نک مطلوبہ قید ایدہ جکزر . فقط دکانہ ہنور
امتہ کیرمدیکی جھتلہ مقابلہ بالطبع امتہ حسابہ ذمت قید ایتیموب ،
انی قبول ایدہ جک بشقہ برحساب لازم کلہ جکدرکہ آکادہ ینہ ایشک
ماہیتہ نظرآ سہارسہ حسابی دیمک لازم کلہ جکدر .

۵۶ . — کذلک صائشہ مقابل نقدیرینہ اوراق تجاریہ قبول
ایتسہک ، ویا سپارش ومبارمہ ایتدیکمز کتابہ مقابل نقدیرینہ اوراق تجاریہ
ویرسہک ، بونلر دہ ماہیۃ نقدایلہ جمع ایدیلہ بیلہ جک حدوددن اولمدقلری
جھتلہ ، بالطبع قاصہ حسابہ قید اولنہ میہ جققرندن ؛ بونلر ایچوندہ
تحصیل سنداتی و تأریات سنداتی نامرلہ آرو آرو حسابلر آجق
لازم کلور .

۵۷ . — معاملات مذکورہ نک ایفاسندہ دکان کراسی ، بکچی
وخدمہ اجرتی ، تمتع ویرکوسی وامثالی برطاقم مصارف تأدیہ اولنق
لازم کلہ جکندن ، بونلر ایچون مصارف نامی تحتندہ برحساب آچلمق ،
ومصارفک طوغریدن طوغری استحصال ثروتہ خادم معاملاتک اجرا-
سندن طولایی اختیار ایدیلانلریلہ سرمایہ دارک احتیاجات ذاتیہ ویتیہ
سنہ متعلق اولہرق اکثریا سرمایہ نک ایشلتدیرلسی معاملاتنہ تعلق
اولیان مصارف دہ ماہیۃ مشابہ اولمدیقندن ، برنجی طاقنہ مصارف
تجاریہ ویا مصارف ارارہ وایکنجی طاقنہ مصارف ذاتیہ ویا مصارف
بینہ دیمک لازم کلور .

۵۸ . — اوفاق برکتابجی دکانندہ واقع اولہ جق معاملاتہ کورہ

ایضاح اولان شو نظریه دن آکلاشیلورکه هر هانکی بر مؤسسه ده یاپیله جق معاملاتک نه اوله جنی بیله نرک معاملات مذکوره ده قیمت لرك وقوعه بوله جق صورت حرکاته کوره وجود بوله جق حدود ممانله نی کوستره جک اسملر تحتنده حسابلر آچلمق لازم کله جکدر .

۵۹ . — سو حالده فی محاسبه نك ایجاب ایدره هکی حساب اکیفرا- فیلرک عددی واسملری تعیین و تمیز ایدره مز . شو قدرکه حسابات مذکوره نك انواعی تعیین و تصنیف ایتک ممکندر .

۶۰ . -- آ . — معلوم درکه واسطه مبادله نقدر . هر معامله نقدک ویا بونک نقل و تعاطیسی تسهیل ایچون احداث ایدلمش اولان اوراق تجاریه نك توسطیه واقع اولور . یعنی هر مبادله ده پاره آلنه جق ، پاره ویریه جک ، امر مزه پولیچه ویا چک کبی بر تحصیل سندی آله جفز ، ویا آخرک امرینه پولیچه ویا چک کبی بر تادیه سندی امضا ایده جکزر . بناء علیه هر مؤسسه نك دفترنده وسائط مبادله اولان نقود ایله اوراق تجاریه نك حرکاتی کوستره جک برر حساب آچلمق لازم کله جکدر .

۶۱ . -- ب . — هر درلو مبادلات نقدک توسطیه واقع اولور ایدسه ده ، اکثریا مبیاعه ایدی لان بر شئیک اثمانی ویا ایفا ایدی لان بر خدمتک بدلی در حال ویرلیوب ، بر مدت صکره ویرمک لازم کلورکه شو حالده بر طاقم کیمسه لره بورجلی و بر طاقم آدم لردن ده اله جقلی بولنق طیمیدر . بناء علیه هر مؤسسه نك دفترنده مؤسسه یه قارشو بورجلی و مؤسسه دن آله جقلی اشخاص ناملرینه ویا بورجلی لری بر طاقم واله جقلیلری دیگر

بر طاقم اوله رق مجتمعا کوستره جک برر اسم جمع تحتده اوله رق حسابلر بولنق اقتضا ایدر .

۶۲ . ج . — هر مؤسسه نك برطاقم مصارفی اوله جقدر . واقعا برتجارخانه نك مصارفی ایله برعائله رئیس نك مصارف ذاتیه ویتیه سی ویا تجاری اولیان براداره نك مصارفی آره سنده فرق واردر . شویله که : برتجارخانه نك مصارفی برسرمایه نك تمیه سی ، یعنی کار قصدیه ایقاسی تصمیم ایدیلان معاملات تجاریه نك وجوده کتوریه بیلمسی ایچون اختیار اولنور . برشخصك مصارف ذاتیه ویتیه سی ویا براداره نك مصارفی ایسه بویله طوغریدن طوغری مادی برکار حصوله کتورمك قصدینه مستند واکا خادم اولیوب ؛ برشخصك ، برعائله نك بر قومك بر ملتك احتیاجات مادیه ومعنویه سی اوغرنده واقع اولور . فقط کرک مصارف تجاریه ده کرک مصارف ذاتیه ویتیه واداره ده ویریلان نقدك مقابلنده انسان شئك ویا خدمتك ، ینه مبادله نقده تحویل ایله برکار حصوله کتوره بیله جک برشی اولیه جفته نظراً ، ماهیتده فرق یوقدر . قالدیکه : برتجارخانه نك مصارفنده دخی تصمیم ایدیلان معاملات تجاریه نك ایفا اولنه بیلمسی اوغرنده اختیاری ضروری اولان مقدارك احتیاج مادییه کوره تعیین پك متعسر اولوب ، تجارخانه یی اداره ایدن شخصك احتیاجات ذاتیه ویتیه سی حقنده کی صورت ودرجه تلقیس نك تأثیرندن تجارخانه مصارفی خالی قالماز . بناء علیه ویریلان بر قیمت مقابلنده انسان قیمت ینه مبادله تابع قیلنرق برکار استحصال ایدمك قصدیه آلمش ایسه ، یاییلان مبادله

بر معامله تجاریه دیمك اولوب آلنان قیمت امتعه تجاریه دن معدود اولور . فقط ویریلان بر قیمت مقابلنده آلنان قیمت آرتق مبادلهیه تابع قلمیهرق مؤسسه نك یعنی تجارتخانه نك ویا شخصك ویا عائله نك احتیاجنده استعمال اولنق ایچون آلتش ایسه، آلنان قیمت آلانك نزدنده امتعه تجاریه دن معدود اوله میه جنی کی؛ ا کا مقابل بر قیمتك ویرلمسنده مصرف دنیلور . از جمله حاضر اثواب آلوب صاتان بر آدمك صاتمق اوزره اثواب مبايعه ایتمی بر معامله تجاریه در . بو مقصدله آلدینی اثواب امتعه تجاریه در . فقط کندوسنك ویا چوققلرینك کیسی ایچون اثواب مبايعه ایتمی مصرفدر .

۶۳ . — مفروشات و آلات و ادوات صناعیه مبايعه سی دخی مصرف ایتك دیمكدر . فقط مفروشات و آلات و ادواتك استهلاکی اوزون مدته محتاج اولدینی کی؛ بر عائله رئیسك ویا بر اهل صنعتك مفروشات و آلات و ادواته اولان احتیاجی یومی ویا شهری ویا سنوی اولهرق حساب اولنه میوب ، اون اون بش سنه استعمال ایدیله بیله جك مفروشات و آلات و ادواتك اکثریا دفعه تدارك واستحضار ایدلمسی لازم کله جکی جهته، بو نوع استهلاکاتك استلزام ایدله جکی مصارف ایدله . ا کولات و ملبوسات و محروقات و امثالی قیصه مدتله اوزرینه حساب ایدیلا استهلاکات ایچون لزوم کوریله جك مصارف آره سنده اهمیتلی بر فرق واردر . ایدمی هر مؤسسه ده مصرف حسابلری بولنه جق و بومیانده مؤسسه نك معاملاتنه تعلق ایدن مفروشات و ادوات و ما کنه لر باشلوجه بر قسم تشکیل ایده جکدر .

۶۴. — هر مؤسسه ده بر طاقم واردات ویا تمتع کتورن معاملات بولنه جقدر . بر مأمورك معاشی و معاشندن تصرف ایده . بيله چکی مبالغه فائضی ، بر صاحب املاک ایرادی ، خزینهنک تکالیفی ، تجارک اخذ و اعطا ايله استحصال ایده چکی تمتعات هپ بو قییلدن در .

۶۵. — ذکر اولنان واردات و تمتعات نوع و صورت استحصال نقطه نظرندن بر برندن پک فرقلی اولدینی کبی ، اقسام تجارتنک هر برنده ده تمتعاتک صور استحصالیه سی بر برندن پک فرقلی معاملات و شرائطه تابعدر . مثلاً بر کتابچینسک ویا بر ماليفاطوره چینک تمتع کتورن معاملات ، بر مالی بر یردن آلوب دیگر بر یرده صاتمقدن عبارت اولدینی حالده ، آلدینی اشیانک شکلی و محل استعمالی تبدیل ایدوب صاتمق صورتیه استحصالیه تمتع ایدن بر قابریقه چینک کار کتورن معاملات یالکیز بر مالی آلوب صاتمقدن عبارت قالیوب ، بر طاقم عمله چالشدیرمی بر طاقم ماکنه لر ایشلنمسی بدخی او میانه داخل اولور . عمله اجوراتی و ماکنه لرنک مصارف تحریکیه سی اجزای اصلیه اثمانیه برابر مال فیثاتی ترکیب ایده چک عناصردن معدود اولور .

۶۶. — کوریلپورکه تعداد اولنان انواع واردات و تمتعاتدن . بر طاقمی طرغریدن طوغری عاملک عملندن تکون ایدر . بر طاقمی ایسه عاملک عملنک بر ماده ايله امتزاجندن حاصل اولور . مثلاً بر مأمورك معاشی او مأمورك بر وقت معین ظرفیده ایفای خدمت . ایلنسک ویا خدمته مهیا بولنسنک مقابلی اوله رق طوغریدن طوغری ، یدینه واصل اولور .

بر طبيك اجرتى، بر قومسيونچينك قومسيونى دخى بوقيلدندر.
بر تاجرك بر قابريقهجينك تمتى ايسه آلوب صاتيغى ويا اعمال
ايتديكى اشيا نك صاتش فيئانندن ترشح ايدر .

۶۷ . — ايمدى هر مۇسسەنك دفتريده واردات و تمتع حسابلىرى
بولنه حق ، فقط واردات و تمتعاتى بر طاقم اشيا مبايعات و اعمالاتى
ايچندن كچهك اولان مۇسسائده انواع واردات و تمتعاته مخصوص
حسابات ايله ا كتفا اولنه ميوب ، بونلرله برابر واردات و تمتعاتى حصوله
كتورن اشيا و خدماتك انواعنه كورده حسابلىرى بولنه جقدر كه بونلر
دخى واردات و تمتعات حسابلىرى نك اقسامندن معدود بولنه جقدر .

۶۸ . — هر هانكى بر مۇسسەده اولور ايسه اولسون، مذكور
درت طاقم حسابات معاملات واقعه ي قيد و تلخيصه كفائيت ايد بيلور
ايسده؛ قيودك تماماً دقيق و واضح اوله بيلمى ايچون بشنجى بر طاقم
حسابلىر دها آچلمق لازم كلورك بونلرله حسابات متوسط Comptes
d'ordre ديلور .

۶۹ . — مثلاً بر تاجر تجارخانه اتخاذ ايلديكى محلى بش سنه مدته
استيجار ايدوبده بش سنه لك بدل ايجارى پشين و ير مش اولسه،
برنجى سنه نهايتنده قطع ايلديكى حسابده او سنه ظرفنده و ير مش
اولديغى بش سنه لك بدل ايجارى بردن مصرف كوستروبده كارلرندن
تزييل ايدمهز . زيرا بويله بايدىغى تقديرده ، برنجى سنه نك مصرفى
فضولاً قبارتمش اوله حق ، و بالعكس ايرتسى سنه لك مصارفى مقدار
حقيقيدن نقصان كورينه جكدرك . بوكا محل قالماق اوزره ، بش سنه لك

بدل ایجار اوله رق ویریلان مبلغدن — که حقیقته مصرفدر — سنه جاریه نهایته قدرکی مدته عائد مقدارینک اوسنه حسابنده مصرف کوستر — لمسی، و باقیسنک تعلق ایتدیکی سنه لر حسابلر نده مصرف کوستر ملک اوزره — عادتاً اقراض اولمش کی — بر حساب مخصوصه و از جمله یسین بر بیدره سنین آتیه مصارفی نامیله بر حساب کچور لمسی اقتضا ایدر . ایشته بونام ایله آجیله حق حساب بر حساب متوسطدر .

۷۰ . — کذلک قطع حساب تاریخنده جزئاً نمزده هنوز وعده لری حلول ایتماش بر چوق تحصیل سنداتی بولنه بیلور که ، بونلری او کون، یعنی قطع حساب تاریخنده، نقده تحویل ایتک لازم کلسه، حلول وعده یه قدر قالان کونلرک فائضی قدر نقصان طوته جقلری طبعیدر. یعنی قطع حساب تاریخنده حلول وعده یه هنوز التمش بر کون ایستیان یوز لیرالق بر بونو حساب قطعی یه تمام یوز لیرا اوله رق داخل ایدیلور ایسه، بلانچونک موجودی مذ کور یوز لیرانک آلتمش بر کونلک اسقونطوسی قدر فضله حساب ایدلمش دیمک اولور. ایدی بوصورتله تمتی مقدار حقیقیدن فضله کور نامک ایچون، سنین آتیه ده وعده لری حلول ایتدکجه کار کوستر ملک اوزره فرق مذ کور مثلاً ایام مقدره اسقونطوسی نامیله بر حساب آلسه، ایشته بو حساب دخی بر حساب متوسط اولمش اولور .

۷۱ . — خزینهنک مراکز و شباتنک دفترلرنده زیرده کوره - جکمز وجهه واردات عمریه واردات مردوعه، مدت مقیمه محصله رتی مدت منم تأدیات ناملریله آچلمش اولان حسابات دخی بر حساب متوسطدر

بونلرك تعيين و انتخابنده كى اساس ايسه بر مؤسسه ده وقوع بوله حق معاملاتك انواعنه كوره بولنه حق حسابات اصليهك مناسبته و محاسبك مألوف اولدينى درجه دقت و انتظامه تابعدر .

٧٢. — ايضاحات سالفه دن مستبان اوله جنى اوزره، هر هانكى بر مؤسسسه آچيله حق حسابات باشلوجه ايكي قسم در . برنجيسى حسابات اصليه Comptes réels و ايكنجيسى حسابات متوسطه Comptes d'ordre و يا diaires intermé -

٧٣. — حسابات اصليه باشلوجه درت طاقم در .
برنجى طاقم : واسطه مبادله اولان اشيا حسابلى
وزنه ، تحصيل سنداتی ، تأديه سنداتی کي .
ايکنجى طاقم : اشخاص حساباتی . — سرمايه دارى کوسترن
سرمايه حسابى اشخاص حساباتك الك برنجيسى در .

مصارف ذاتيه و يتيه مصارف تجاريه و اداريه ضايعات و صاتش زيانلرى مفروشات و آلات و ادوات يعنى تيمورباش	اوچنجى طاقم : مصارف حسابلى
--	---------------------------------------

دردنجى طاقم : واردات و تمتعات و معاملات انتفاعيه حسابلى در .

بونلرده باشلوجه ايكي نوع اولوب
برنجيسى : نتيجه حسابلى . — فائض ، اسقونطو ، قومسيون ،
تقليه ، دلايه ، معاش ، اجرت ، كار ، ايراد ، تكاليف ، رسومات كى

ایکنجیسی : اشیا و معاملات انتفاعیه . — امتعه ، اجزای اصلیه ، اعمال ، نقلیات ، سپارشات ، خدمات استحصالیه کبی

۷۴ . — شوراسنی شایان دقندرکه : مبادله النان برشینک هانکی طاقم حسابیه داخل اوله جغنی تعیین ایتک ایچون ، اول شینک عیننه دکل انک محل استعمالنه ، سبب تدارکنه باقلمق لازم کلور . مثلاً کراسته کراسته جینک عندننده صاتیلوب کارچیقاریله جق برمتاع اولدینی جهته ، کرسته جینک دفترنده امتعه حسابنه یازلمق لازم کلورکن ، مارا نفوزک النده اجزای اصلیه در . کاغد کاغد جینک امتعه حسابنده ، مطبعه جینک اجزای اصلیه حسابنده کورینه جک ایکن ، احتیاجنه صرف ایتک اوزره مبايعه ایتمش اولان براداره نك مصرف حسابنده کورینه جکدر .

۷۵ . — بر مؤسسه ده معاملات نه قدر تنوع و تکثر ایدر ایسه حساباتکده او قدر متنوع و متعدد اولسی طبیعیدر . ویره سیه آالش ویرش ایتیمان بردکانجینک دفترنده سرمایه دن بشقه بر حساب شخصی بولنه ماز ایکن ، بر جوق ویره سیه سی اولان بردکانجینک دفترنده ویره سیه مال الان اسخاصک عددنجه اشخاص حسابلری بولنق لازم کله جکدر . یالکمز پموق اخذ و اعطاسیله اشتغال ایدن بر تاجرک دفترنده پموقدن بشقه امتعه حسابی بولنه ماز ایکن ، پموق ، تفتیک ، افیون ، بغدادی ، ارپه و امثالی اشیا اوزرینه ایش یایان بر تاجرک دفترنده امتعه مذکورهدن هربری ایچون برر حساب بولنق ضروریدر . معاشندن بشقه ایرادی اولیان برعائله رئیسک دفترنده کی واردات حسابی معاشندن و مصارفی ده ماکولات ، ملبوسات ، خانه ایجاری ، خدمتچی ، جبری ، مصارف تعلیمیه ،

مصارف صحیبه کبی ماده لردن عبارت بولنق لازم کلور ایکن ؛ فائضه یاره سی، اسهامی، عقاراتی اولان بر صاحب ایرادک دفترنده انواع تمتعات مذکورهنک هربری نامنه برر حسابله برابر؛ بوتمتعاتی حاصل ایدن نقود و اسهام و غیر منقولاتک مقدارینی کوستر اشیمای انتفاعیه حساباتی، و ماکولات و ملبوسات و امثالی کبی مصارف بیتهدن ماعدا عقاراتک ویرکولرینی، مصارف تعمیریه سنی، بونارک اداره سیچون استخدام ایده چکی مأمورلرک معاشاتی کوستره چک بر چوقده مصرف حسابلری بولنه جقدر.

۷۶. — حسابلر تزايد ایتدکجه دفتر کبیره کسب جسامت ایدر. فقط دفتر کبیر بیودکجه استعمالی مشکل اولور. زیرا ایکی یوز اوچیوز ویا بیک حسابی محتوی بردفتره مذکور حسابلرک هر برینه تعلق ایدن معاملات یومیه یی برر برر قید ایتمکه بالطبع بر آدم یتشه من. برده دفتر کبیره آچلمش اولان حسابلرک بر وقت معینده یکونلری جمع ایدلدیکی تقدیرده سریع بر نظر ایله ایشک احوال عمومیه سی حقنده بر فکر محمل حاصل ایتدیره بیله چک بر حالده بولنمی لازم کلور. حالبوکه دفتر کبیره آچلمش اولان حسابلرک عددی بویله یوز یوز اللی ویا دهها زیاده بلغ اولور ایسه بو قدر حسابی محتوی اوله رق چیقاریله جق خلاصه دن یک نظرده ایشک عمومیتی حقنده بر فکر حاصل ایتک ممکن اوله ماز. مثلاً قرق اللی نوع امتعه تجاریه اوزرینه ایش یابان بر تاجرک دفتر کبیرنده امتعه مذکورهدن هر بر نوعی ایچون بر حساب آچلمش بولنور ایسه، اود دفتر کبیردن چیقاریله جق

خلاصه ده امتعه مذکوره دن هر بر نوعنك كيرن و چيقان مقدار لريله موجودلری آبرو آبرو کورینه جکدرکه، بو خلاصه یی تدقیق ایدن تاجر مغازه سنده نه قدر موجود مالی اولدیغنی ا کلایه بیلیمک ایچون، مذکور خلاصه اوزرنده انواع امتعه دن هر برینك كيرن و چيقان و موجود مقدار لرینی جمع ایتمی لازم کله جکدر. کذلک یوزاللی ایکی یوزکشی به ویره سیه مال صاتان بر تاجرك دفتر کیرنده ویره سیه مال آلان اشخاصك هربری نامنه برر حساب اچلمش اولور ایسه، بر وقت معینده دفتر کیرندن چیه ره جنی خلاصه ده اشخاص مرقوم و ده دن هر برینك ویره سیه مبايعاتيله دینلرینه مقابل وقوعبولان تأدیاتی و بقیه دیونی آبرو آبرو کورینه جک، و فقط اجر مرقوم ویره سیه صائشدن جماعاً قاج غروش بقیه مطلوباتی اولدیغنی ا کلامق ایچون، مذکور یوزاللی ایکی یوز اسامینك خلاصه ده کورینان یگونلرینی آبروجه جمع ایتمه مجبور اوله جقدر.

۷۷. — بو محاذیری دفع ایچون مثلاً بموق، تفتیک، ایون، بغدادی، اره کبی متنوع امتعه اخذ و اعطاسیله اشتغال ایدن بر تاجرك دفتر کیرنده انواع مذکوره نك جمله سنی جامع اولق اوزره بر امتعه عمریه حسابی اچیلهرق انواع امتعه دن هر برینك معاملاتنی کوسترمک ایچون برر معاونه دفتری طوتیلور. کذلک ویره سیه مال آلمق صورتيله مؤسسه یه هر وقت مدیون قالان اشخاصك عمومیه شامل اولق اوزره دینر کیرده بر ذمم و یا ویره سیه صائش حسابی اچیلهرق، اشخاص مرقومه دن هر برینك معاملاتنی کوسترمک ایچون لزومه کوره معاونه دفتزلری طوتیلور.

۷۸. — ایسته حرکات قیمیه نك حدود مائله سندن انواع مختلفه یی احتوا ایده جك صورتده اتخاذ ایدیلان حساباته حسابات جامع Comptes collectifs دینلورکه ، بر مؤسسه ده معاملات نه قدر تنوع وتعدد ایدر ایسه ، دفتر کبیرده حرکات قیمیه ده کی حدود مائله دن ممکن مرتبه چوق نوع احتوا ایده بیله جك حسابات جامع اتخاذیله ، حسابلرک عددی آزالتمق، وبوکا مقابل بر حساب جامع داخل اوله جق انواع حدود ایچون معاونه دفتر لریخی تزیید ایتک لازم کله جکدر .

۷۹ . — مع هذا شوراسی شایان دقتدرکه: حسابات جامع تعبیری اضافی بر معنایی افاده ایدر . چونکه ذاتاً صاب اکیفرافی حرکات قیمیه ده کی حدود مائله یی جمع ایتک ایچون آچیله جنی جهتله ، احتوا ایده جکی حدود آره سنده کی مماثلت نه قدر صیتی اولور ایسه اولسون آره لرنده شکل و قیمت ومنشأ ومحل استعمال نقطه نظرندن آز چوق فرق بولنه جفندن ، بر حساب اکیفرافی آز چوق بر حساب جامع دیمکدر . مثلاً آمریقانه بزی دیو بر حساب آچلمش بوحساب آمریقان بزینک اوجوزینی بهالیسنی هر نوعی احتوا ایده جکدر . دیگر طرفدن یالکز آمریقان بزندن بشقه امتعه ایله ایشی اولمیان بر تاجرک دفتر کبیرنده امتعه عمومی دیو بر حساب آچلمش اولسه ، مذکور حساب آمریقان بزندن بشقه بر قیمت قید ایدلمش اوله میه جفندن ، اوراده امتعه عمومی حسابی یالکز بر نوع مالک وقوعاتی کوسترر بر حساب بسیط حکمنده بولنش اولور .

۸۰ — دفتر کبیرده اچلمش اولان حسابلر نه قدر واسع، یعنی نه قدر چوق انواع مختلفه یی محتوی اولور ایسه، دفتر کبیرك خارجنده قاله جق مفردات و ایضا حات او قدر چوق اولور. مثلاً یموق، افیون تفتیک، بغدادی، ارپه تجارتیه مشغول اولان بر تاجرك دفتر کبیرنده امتعه عمومیه نامیه بر حساب جامع اچلمش اولدینی تقدیرده، دفتر کبیردن چیقاریله جق ایلوق ویا سنه لك خلاصه نك امتعه عمومیه حسابی نامنه کوریله جك اولان حرکاتدن یموق و تفتیک و افیون و بغدادی و ارپه کبی انواع امتعه یه عائد مقدارلری آ کلامق ایچون، بونلردن هر برینك حرکاتی اورو اورو کوستره جك بر دفتر طو تلتش اولاق لازم کلور. قالدیکه دفتر کبیرده امتعه عمومیه نامی تحننده بر حساب جامع اچلمش اولمیوبده، امتعه مذ کوره دن هر بری نامنه بر حساب اچلمش اولسه دخی، بونلردن هر برینك بر طاقم مفردات و اوصافی واردرکه بونلری دفتر کبیرده صره ایله کورمك ممکن اوله ماز. مثلاً یموغك، تفتیکك، افیونك، بغدادیک بر طاقم انواع مختلفه سی اوله جنی کبی، عینی جنسدن اولان افیونك یکی سنه محصولی ایله اسکی سنه محصولی اره سننده نفاست و خاصه جه و بناء علیه فیثا تجه فرق بولنه جق، هر بری بشقه بشقه شرائط تحننده مبايعه ایدلمش اوله جق، بونلردن هر برینی صاتار ایکن فیثاتی تعین ایتمك ایچون بو کبی خصوصیتلرینی نظر اعتباره آلمق لازم کله جکدرکه بو خصوصیتلری امتعه مذ کوره نی بالکیز قیمت عمومیه اعتباریله جمع ایده جك اولامخ دفتر کبیرده کوره بیلمك ممکن اوله ماز. بناء علیه

دفتر کبیره آچلمش اولان حسابات نه قدر بسیط اولور ایسه اولسون، هر برینک احتوا ایده جکی اشیا و خدماتک اجناسیه خصوصیت حالرینی کوسترمک ایچون دفتر کبیرک خارچنده بر طاقم مفردات دفترلرینه لزوم واردرکه بونلره دفاتر معارنه Livrese auxiliaires دنیلور؛ و فقط دفتر کبیره آچلمش اولان حساباتک شعولی یعنی احتوا ایده جکی حدود آره سنده کی مائتک نه قدر توسع ایدر ایسه دفاتر معاونه تک اوقدر تعدد وتنوع ایتمی لازم کلور .

۸۱. — بواضا خاندن مستبان اوله جنی اوزره بر حسابک معاونه دفتری او حسابک دفتر کبیره تفصیلی نمکن اوله میان مفردات وانواعی و هر برینک خصوصیت حالرینی کوسترمک ایچون طوتیه جنی جهته، معاونه دفترینک قیدنده دخی دفتر کبیرک قیدنده تطبیق لازم کلان قاعده دن بشقه بر طریق تعقیب ایدیله من . بناءً علیه دفتر کبیر بر حسابک آلدیغنی ویردیکنی آرو آرو کوستروب موازنه ایده بیلمک اساسی اوزرینه مؤسس اولدینی کبی؛ معاونه دفترینک قیدنده دخی او اساس تعقیب اولمق لازم کلور . شو قدرکه دفتر کبیره کی بر حساب تعلق ایتدیکی انواع قیماک حرکات عمومیه سنی جمع و تلخیص ایلدیکی حالده معاونه دفتری دفتر کبیرک او حسابنده مقید حرکاتک تعلق ایتدیکی اشیا و خدماتی علی المفردات کوستروب انواعنه کوره تصنیف و هر برینک مستند اولدینی اوراق مثبتیه دخی ارائه و ایضاح ایده جکندن، معاونه دفترلرینک صحیفه لری کوسترمسی لازم کلان خصوصیتلره کوره برچوق ستونلره منقسم اولمق اقتضا ایدر .

۸۲. — بناءً عليه معاونہ دفترلینک عدد و صورت ترتیدلری صورت مطلقہ تعیین و تحدید ایدیلہ مزایسہدہ؛ دفتر کبیر حسابلرینی اساس اعتباریلہ تعیین و تصنیف استدی کمز کی، معاونہ دفترلری حقندہ دخی بر وجه زیر قواعد عمومیہ وضع ایدہ بیلورز .

۸۳. — برنجی قاعدہ. — معارفہ دفتری دفتر کبیرک انواع مختلفینی جامع اولادہ برصابی ایچورہ طریلور . مثلامؤسسہنک ویرہسیہ صانتشدن طولای بر طاقم اشخاصدہ بولنہ حق آلہ جقلرینی قید ایتک ایچون دفتر کبیردہ اشخاص مرقومہنک ہربری نامنہ بر حساب آچیلمش اولیوبدہ، جملہ سنہ شامل اولق اوزرہ بر ذم حسابی آچیلمش اولسہ، مذکور حسابدہ کورینہ جک اولان مبالغ کیمارک ذمتلری اولدیغنی کوسترمک ایچون آرو جہ بز ذم دفتری طوتلق لازم کلور . فقط دفتر کبیردہ اشخاص مرقومہنک ہربری ایچون آرو حساب آچیلمش اولور ایسہ، دفتر کبیردہ مؤسسہدن ویرہسیہ آلس ویریش ایدنلرک ہر برینک آلدینی ویردیکی آرو آرو کورینہ جکندن، بشقہ جہ بردہ ذم دفتری طوتمنہ بالطبع لزوم قالماز .

۸۴. — ایکنجی قاعدہ. — دفتر کبیردہ کی حسابلردہ معارفہ دفتریہ امنیت کورسترنہ برصابک بر معارفہ دفتری بولنلی . شہہ یوقدرکہ بر معارفہ دفتری بولنلی دیمکدن مقصد دفترک مطلقا بر جلد اولسلی، ذکل نوعی و صورت ترتیبی اعتباریلہ بر اولمقدردہ از جملہ بالادہ کی مثالہ کورہ دفتر کبیرک ذم حسابی ایچون بر معاونہ دفتری طوتلق لازم در . بالطبع اصحاب ذم بر جلد دفترک استیعاب ایدہ میہ جکی قدر چوق اولور ایسہ ہر برینک

نامنه اولان حساباری طوتمق ایچون استعمال ایدیله جک اولان دفترلر قاج جلد اولور ایسه اولون جمله سنه ذم دفتری دنیلور وه بیسی بر شکله مرتب اوله رق عینی طرزده طوتمق لازم .

۸۵ . — اوچنچی قاعده : — معاونه سی اولاره بر دفتر کبیر

مسابنده مرقم هر قلم معاونه دفترنده عیناً کورینر بر دفتر کبیر قیدیه معاونه قیری بشقه درارده اوزرنده اعمال رقه احتیاج بر اقیه موه صورته قابل تطبیق اولی . چونکه معاونه دفتری دفتر کبیری ایضاح ایچوندر . ایضاح ایسه سؤاله حاجت بر اقامقه تمام اولور . مثلاً دفتر کبیرده بر وزنه ویا قاصه حسابی واردر . بو حسابیه هر قلم مقبوضات ومدفوعات قید ایدیلور . فقط هر بر قلم مقبوضات ومدفوعات جنسی مسکوکات اوزره مفرداتی کورمک ایچون برده وزنه معاونه دفتری طوتمور . ایمدی دفتر کبیرک وزنه حسابیه کچیردیکمز الی یوز غروش بر قلم مقبوضاتک ۵۱۳ غروشی التون و ۷۶ غروشی مجیدیه و بر غروشی ده مجیدیه کسوری اوله رق الخمس اولدینه نظرأ وزنه معاونه دفترینه اجناس مذکورده دن هر برینی کندو یرینه یازوبده ، فقط بونلرک یکونی الی یوز غروش اولدینی کوسترمز ایسه ک ، بو قید دفتر کبیرده مقید الی یوز غروشک مقابلی اولدینی آ کلامق ایچون حین تدقیقه اعمال رقه احتیاج کوریله جکی کی ؛ وزنه دفتریله دفتر کبیرک وزنه حسابی یکون اوزرینه مراقبه اتمک ایچونده اعمال رقه مجبوری حاصل

اوله جفدرکه معاملات نه قدر چوق اولور ایسه بو نقیصه مراقیبه اوقدر بیوک مشکلاته اوغرا دیر .

۸۶. — دردنجنی قاعده : — معارنه دفترنده ایجاب هاله کوره

ارز ارزانه تفصیلونی کوسترمک اوزره آچلمسه اراده ستوندرنه اولور ایسه اولسره، هر معامدنک مسقندر اولدیغی اوراق مثبتنک نوعی تاریخی، نومردسی، نرهده کلریکی دیوندره محاصل اوصافی کوسترملی. مثلاً وزنه حسابنک معاونه دفترنده النوب ویریه جک نقودک ملکتمزده التون وکوش ومغشوشه، والتونلرک عثمانلی ویا انگلیز ویا فرانسه التونی، ویا کوشک یکرملک مجیدیه ویا چاریک ویا ایکلیک ویا غروشلق، ومغشوشنک التلیق ویا یوزلک ویا اولنق اوله بیله جکته نظراً اجناس مذ کوردهن هر برینی ویا یالکیز التون وکوش ومغشوشه جنس لیرینی کوستره جک ستونلر آچلمسی ایجاب حاله و ارزویه تابع اوله بیلور؛ فقط دفتر مذ کورده مقبوضات قید اولنه جق هر قلمک نره دن الندیغی ومقابلنده ویریلان مقبوض علم وخبرینک تاریخ ونومروسنی، وكذلك مدفوعات قید اولنه جق هر بر قلمک نه ایچون کیه ویرلش اولوب مقابلنده النان سند ویا مقبوض کبی اوراق مثبتنک تاریخ ونومروسنی کوستره جک ستونلر بولنمی مطلقاً لازمدر . كذلك امتعه حسابنک معاونه دفترنده انواع امتعه یی کوسترمک ایچون حسب اللزوم اچلمش اولان ستونلر نه اولور ایسه اولسون، هر بر قلم صانتشک هانکی دائره نک هانکی تاریخ ونومرولی صانتش بوصله سی یعنی فاطوره سیله کیه

قاچ غروش فیثاله ونه کی شرائطه صائلیغنی کوسـتره جک ستونلر بولنق لازم در .

۸۷ . -- بشنجی قاعده : -- دفتر کبیرک بر حسابک احتوا

ایده هکی انواع مختلفیه کوره معاونہ دفترندہ ایملدیه اولانه صحیفه دیاستونلردنه هربینه داخل اولدیه اولانه مفردات بکملیکلرک امتزاج ایده به جک ماهینده اولوبده ، هربینک حال دموقعی ایردایر بیلنمک لازم کلدیک تقررده ، معاونہ دفتری دفتر کبیر حسابک دایره شمورنه داخل اولانه انواع مختلفده هربینی اعمال ایچونه تخصیص ایریلدیک ، انواع مذکورده هربینی تشکیل ایرده مفرداتی کورنمک ایچونه ایردیه مفردات دفتری طورللمی ؛ وئر تقررده معاونہ ک مسقندر اولدیغی اواروه مثبته مفردات دفترندہ کورنیلدیک ، معاونہ دفتری مفردات دفترندہ انقباضاً املا ایرلمی . مثلاً بر ذخیره تجارینک امتعه حسابک احتوا ایده هکی نوعلر بغدادی ، ارپه ، مصر ، چودار کی شیلردر . دفتر کبیرنده بونلرک عمومینی احتوا ایتمک اوزره بر امتعه عمومی حسابی اچلمش اولسه ، بونک معاونہ دفترندہ بغدادی وارپه ومصر وچودار کی انواع ذخائر دن هر بری ایچون برر ستون بولنسه جق ؛ ویاخود بغدادیک ، ارپه نك مختلف جنسلری بولنوبده هر بر جنس نك معامله سنی ایرو کورمک ایسترایسه ، بغدایه ، ارپه برر صحیفه تخصیص ایدیلدیک بغدایک هر بر جنسی ایچون بغدای صحیفه سنده برر ستون اچلمق لازم کله جکدر . فقط معاونہ دفترینک بغدایله مخصوص

اولان صحیفه‌سنده رومانیا بغدایی وروس بغدایی واناطولی بغدایی کبی اجناسه مخصوص ستونلر اچلدقدن صکره، رومانیا بغدایی اوزرینه نه قدر معامله واقع اولور ایسه ستون مخصوصنه کچوروب رومانیا بغداینگ الثوب ویریلان مقدارینی و موجودینی بیلک ممکن اولور . رومانیا بغداینگ هر چوال وهر کیله‌سی ایرو بر ماهیتده اولدیغندن هرچوالک ویا کیلینگ معامله‌سی ایرو کورمکه برکونه مجبوری و لزوم حس اولمه‌ماز . حالبوکه برقیو مجینگ دفتر کیرنده کی امتعه عمومییه حسابنگ احتوا ایده‌جکی التون وکوش و مجوهرات کبی اقسامی طاقم طاقم کوره بیلک ایچون معاونه دفترنده نه قدر صحیفه ویا ستونلر اچلمش اولور ایسه اولسون . فرضا التون بیله‌زیک ویا الماس یوزک کبی بر نام عمومی تحتنده بر صحیفه و بر ستونه جمع ایدیله‌جک اشیانگ هیج بری دیگرینه نه شکلاً نه وزناً نه قیمه مشابه اوله‌میه رق اخذ و اعطا اعتباریله هر بری بشقه ماهیتده بولنه‌جندن، هر برینگ عادتاً هویتی کوستره‌جک بر مفردات دفتری لازمدر . کذلک خزینه‌نگ دفتر کیرنده انواع وارداتک عمومی احتوا ایده‌جک بر واردات عمومییه حسابی بولسه، انواع وارداتدن هر برینی کوستره‌جک برده معاونه دفتری لازم اوله . بقدر . فقط انواع واردات مذکور دهن هر بری، مثلاً املاک ویرکوسی بیکلرجه اصحاب املاکک نظامی دائره‌سنده تحقیق ایده‌جک اولان ویرکولرینگ هیئت مجموعه‌سی دیمک اولوب بر صاحب ملکک ویره‌جکی ویرکویی دیگرندن ارامق ممکن اوله‌میه جفتدن، مکلفلردن هر برینگ ویره‌جکی مقدار ایله ویردیکی مقداری کوسترمک ایچون مطلقاً برده . مفردات دفتری طوئق لازم کله‌جکدر .

۸۸. — دفتر معاونه نك اتخاذ و ترتيبنده تمقيب ايديله جك قواعد اساسيه بوجه بالا ايضاح اولنان بش قاعده دن عبارت در. معاملاتك كثرتي بمضاً بر معاونه دفترينك قسملرد تقسيميله مختلف مأمورلر معرفتيله طو تلمسني ايجاب ايدم بيلور ايسده؛ بو حال بيان اولنان قواعدی اخلاص ايتمش اولماز. مثلاً هر قلم مقبوضات و مدفوعات نقدیه یی قيد ايتمك ايجون بوزنه معاونه دفترى طو تلمی لازم كلور ايسده، مقبوضات و مدفوعات نقدیه سی كونده بش التي يوز ويا اوچ درت بيك نلمه بالغ اوله جق اولان بر مؤسسه ده هر قلم مقبوضات و مدفوعاتك بر آدم طرفدن قيد ايديله بيلمسی ممكن اولمه جفنی كبی، اوچ درت آدمكده عینی بر دفتر اوزرنده قيد يور و تملری امکان خار چنده بوانديغدن، اويله بر مؤسسه ده پاره آلوب و یرمك ايجون اوچ بش و ده ها زیاده مأمور قونيله جفنی كبی، پاره آلوب و یره جك اولان مأمورلر ك هر بيرينده برر وزنه معاونه دفترى و یريلور. فقط بونلردن هر بيرينك الوب و یردكلری پاره لرك حسابنی كوستروب نزلرنده قالان پاردن هر اقشام اصل وزنه داره تسليم ايدم جكلری كبی؛ هر بيرينك دفترنده بركون طرفنده مقيد اولان مقبوضات و مدفوعاتك يگونلری ده اصل وزنه دارك نزلنده طو تيله جق بيوك وزنه دفترنده جمع ايديله جكدر كه بو حال معاونه دفترينك بر اولسی قاعده سنك نتیجه ضروريه سيدر .

خزیننه نك حسابات اکیغرافیه سی

۸۹. — خزیننه نك حسابات اکیغرافیه سی، یعنی خزیننه نك دفتر کیرنده نه کی حسابلر بولنه جفنی و مذکور دفتر کیرك نزلرده طو.

تيله جغنى تميمين ايتمك ايجون، خزينه نك وظائفى نهدن عبارت اولوب
بووظائفك نرملرده نه صورته ايفا ايديله جكنى وبوندن طولايى نه كى
حركات قيميه وقوعبوله جغنى تدقيق ايتمك لازم كلور .

۹۰. — خزينه دولت ، ملنك احتياجات عموميه سـنه متعلق
خدماتك ايفاسـيچون اختيار اولنه جقمصارفك قارشولنى اولان وارداتى
جمع ايدوب مصارف مذكورنك لازم كلان مكان وزمانده تاديه سـنى
تامين ايدن مؤسسـه در .

۹۱. — ملنك احتياجات عموميه سـنه تعلق ايدن خدمات، حربه
بحربه، عدليه ومذاهب، داخلية، خارجيه، معارف عموميه، تجارت، ونافعه،
اورمان و معادن و زراعت نامـلربله اقسامـه تقسيم ايديله رك بونلردن
هر برينك ايفاسـى برناظر مسئولك اداره سـنه ويرلمش اولدينى كى ؛ خدمات
مذكورنك استلزام ايده جكى مصارفى تاديه ايده بيلمك ايجون ملنك
اعطاسـنى قبول ايتديكى تكاليف عموميه نى قوانين ونظامات مخصوصه سـنه
توفيقياً تحصيل ايتكده خدمات سـائر دن فرقى، باشلى باشـنه برايش
اولدينى جهته بونك ايجونده ماليه نظارتى تشكيل اولمشدر .

۹۲. — فقط خدمات عموميه نك استلزام ايده جكى مصارفك
قارشولنى اولاق اوزره قبول ايديلان تكاليفى تحصيل ايتمك كفى دكلدر .
تكاليف مذكورنن تحصيل اولنان مبالغى طولايابوب، خدمات عموميه
مذكورنك نه قدرى ملكـتـك هانـكى طرفلرنده ايفا اولنه جق ايسـه
اكـاكـوره توزيع ايتمك وخدمات عموميه نك ايفا وبناء عليه سـستلزم
اولدقلى مصارفك تاديه ايديله جكى زمان ايله وارداتك تحصيل اولنه جنى

زمانی نظر دقتہ الہرق، وارداتک تحصیلنہ قدر تأدیہ سی لازم کلہ جک مصارف ایچون اوانس ویا خزینہ تحویلی چیقہ سارمق صورتیہ بارہ تدارک ایتک، واکر وارداتک حاصلات عمومیه سی مصارف عمومیه کفایت ایتیه جک ایسه استقراض عقد ایتک، و عند اولمش ویا ایدیلہ جک استقراضاتک تقاسبط سنویہ سی حساب ایدوب وقت وزمانیہ محل مقررده احضار ایتک، و بوایشارک ضروریاتندن اولمق اوزره نظارتلردن هر برینک برسنہ ظرفندہ نہ قدر مصرف ایدہ جکلرینی و طلب ایدیلہ جک مصارفک واردات عمومیه صورت تقابلی تحقیق و تدقیق ایدرک بودجه بی تنظیم و هیئت قانونیه تکلیف ایتک، و هیئت قانونیه ظرفندن قبول ایدیلوب ارادہ سندیہ ایلہ تصدیق اولنان بودجه نک هر نظارته تعلق ایدن اقسامی نظارتلرہ تبلیغ ایتک، و هر سنہ نک نہایتندده هیئت قانونیه نک بودجه قانونیه ویردیکی مأذونیت دائرہ سنده نہ قدر واردات تحصیل ایدوب نظارتلردن هر برینک مصارفی ایچون نہ قدر تأدیہ بولندیغنی و نہ کبی اوانس ویا استقراضلر عقد ایدوب نہ قدرینی تأدیہ ایتدیکنی و نہ قدر بارہ سی آرتمش ویا نہ قدر بورجی قلمش اولدیغنی مبین هیئت قانونیه یعنی ملته حساب ویرمک خصوصاتی باشلوجه بر ایشدرکہ بوده ایشته خزینہ نک وظیفہ سیدر .

۹۳. — بو ایضاحاتدن مستبان اوله جغنی اوزره مالیہ نظارتک خدمتی بشقه، خزینہ دولتک ایشی بشقه ایسده؛ بواکی وظیفہ بربرینہ بک یقین دوشمکده اولدیغنه وبالخاصہ مجرد خزینہ دولتہ تعلق ایدن وظائفک ایفاسنده دخی بر طاقم مصارف اختیار اولمق ضروری بولنه .

جفته نظراً بوابی وظیفه برلشدیریلرک جمله سی مالیه ناظرینه تودیع ایدلشدیر .

۹۴. — ایددی مالیه ناظرنده ایکی صفت واردر . برنجیسی واردات عمومییه نظارتی درکه بوصفته قوانین و نظامات مخصوصه سنه توفیقاً تکالیف عمومییه یی طرح و توزیع ، و املاک امیرییه یی اداره ایدرک حاصلات عمومییه سی خزینه جه قبض ایدیلرک حاکم کتورنجهیه قدر جبات معاملاتنی ایضا ایتمهکه برابر خدمات مذکورنک توقف ایدرک جی مصارفی ترتیب و تنسیب ایدوب خزینه جه تأدییه ایدیلرک حاکم کتورنجهیه قدر صرف معاملاتنی اجرا ایدر . ایکنجیسی ده خزینه ناظر لغی درکه بوصفته دخی واردات تحصیلاتی طوبلایوب تأدیات اجرا ایدیلرک محالره توزیع و نظارتلردن هر برندن کوسه تریله جک لزوم دائر مسنده تأدایاتی اجرا ایدر ، بودجه نك تنظیم و تکلیفیه تبایغ و توزیعی و حساب قطعیسنک جمع و اعطایی معاملاتنده نظارتلر ایلر هیئت قانونیه ارسنده توسط ایدرک تطبیقانی مراقبه ایدر ، و واردات ایلر مصارفک مقدارینی و تحصیل و تأدییه زمانلرینی مقایسه ایدرک ایجابیه کورم اوانس المق و خزینه تحویلی چیقارمق و یا استعراض عقد ایتک صورتیله یاره تدارک ایدر .

۹۵. — نظارتلردن هر برینک برسنه ظرفنده یابه جقلری ایشلر بودجه قانونیه تمین ایدیلرک ، بوایشلر ایچون نهایت نقد راجه صرف ایدیلرک جکلری بودجه ده فصل و ماده اوزرینه تحدید ایدلرکی کی ؛ خزینه نك ده مذکور خدمات عمومییه نك استازام ایدرک مصارفی

تسویه ایدمه بیلیمک ایچون نه نام ایله ونه نسبت اوزرینه نه کبی ویرکولر طرح و تحصیل ایدمه جکی، و بودجهده آچیق کورینور ایسه بو آچیفنی قیامق ایچون نه کبی تدایره توسل ایدمه جکی ینه بودجه قانونیه تعیین وتبایغ ایدیلور. بوکا قارشو نظارتلردن هربری سنه نهایتده بودجه قانونیه ایفاسنه مأمور و مأذون اولدقلری ایشلردن هانکیلرینی ایفا ایدوب نه قدر مصرف ایتدکلرینی بودجه یی تصدیق وتبایغ ایدن هیئت قانونیه کوستریمکه مجبور اولدقلری کبی؛ مالیه ناظری دخی اول امرده واردات عمومیه ناظری صفتیه جباتنه مأذونیت ویریلان ویرکولردن هانکیلرینی نه درجه تحصیل ایدوب هر برندن نه مقدار واردات حاصل اولدیفنی و بو وظائفک اجرا سندن طولانی - طبقی دیگر ناظرلر کبی - نه قدر مصرف ایتدیکنی؛ وثالیاً خزینه ناظری صفتیه دخی نظارتلردن هر برینه عائد خدمات ایچون نه مقدار تأدیات اجرا ایتدیکنی ینه بودجهده معین فصول و مواد کوره ارائه وایضاح ایتیمکه مجبوردر . ناظرلردن هربری ایفا ایتدکلری خدماتده بودجه قانونیه تعیین ایدیلان صلاحیتلری داخلمده حرکت ایدرک تخصیصاتلری خارجده صرفیاتده بولنماقده برابر، بودجه نیک بر فصلانده کی تخصیصاتی دیگر بر فصلانه عائد خدمته صرف ایتماکه قانوناً مجبور بولندقلری کبی؛ ناظرلرک صرفیاتی تأدیه ایدمه جک مالیه ناظری یعنی خزینه ناظری دخی هر دفعه تأدیات اجرا ایدرکن تأدیه ایدمه جکی مصرف هانکی نظارتک هانکی فصل و ماده سنه عائد بر خدمت ایچون اولدیفنی و تخصیصاتی داخلمده بولوب بولندیفنی تدقیق ایدرک شاید بر ناظرک تخصیصاتی خارجنده صرف ایتدیرمک ایستیه جکی پاره یی تأدیه ایتماکه مجبوردر .

۹۶. — کوریلور که صرف ایله تأدیه یکدیگر نیدن فرقلی ایشلار در. بودجه قانوننك نظر ننده صرف، نظارتلردن برینك دائره مأموریتنه تعلق ایدن برایشی یاپدیروب بوکا مقابل ویريله جك پارهك مقدارنی تعیین وتأدیه سنی خزینه یه امر ایتمکدر. تأدیه ایسه ناظر مسئولی طرفندن یاپدیریلان برایشك بدلی اوله رق ویرلمسی امر اولنسان پاره یی بالفعل صاحب استحقاقه ویروب حسابی قیامتدر. تأدیه یالکز خزینه ناظرینك وظیفه سیدر. صرف ایسه خزینه ناظرندن غیرو ناظرلرک ایشیدر. صرف، مصرفی استلزام ایدن برایشی تهید ایتمکدن باشلار. تأدیه یی امر ایتمکده ختام بولور. تأدیه ایسه زرده نه مقدار پاره ویرلمك لازم کله جکنی بیلوب پاره یی لازم کلان محللره سوق واحتضار ایتمکدن باشلار، وپاره یی مستخفه ویرمکده ختام بولور.

۹۷. — کذلک جبايت و تحصيل ایله قبض ارمه سنده عینی صورته فرق واردر. جبايت و تحصيل، خزینه دولت نامه الهه حق بر ویرکونی بر رسمی، بر ایرادی طرح وتعیین ایتمک، تحقیق ایتدیرمک و بالتعقیب قبض اولنه حق حاله کتور مکدر که واردات عمومیه ناظرینك ایشیدر. قبض ایسه اول ویرکونی ویا رسمی ویا ایرادی بالفعل نقد اوله رق الوب مدیونك حسابی قیامتق و بورجی ویرمش اولدیغه دائریدینه ابرنامه ویرمکدر که بوده خزینهك وظیفه سیدر. مثلاً بر قضاذه بولنان اموال غیر منقولهك قیمتلرینی تحقیق ایدوب هانکی سندن نه مقدار املاک ویرکوسی التیق لازم کله جکنی تحقیق ایتدیرمک، و هر برینك اصحابی کیملر اولدیغنی تعیین ایدرک هر برینه ویرکوسنك مقدارنی

و زمان تأذیه سنی بیلدیرمک، طرح وجبایته متفرع معاملات درک بونلر ویرکو اداره لری طرفندن بایلوب تحصیلدارلرده « کیت فلان آدمدن شونام ایله بو قدر پاره آل » دیو تبلیغات اجرا اولنور. بورایه قدر اولان معامله، تحققه عائد اولوب واردات عمومیه ناظرینک ایشیدر. فقط تحصیلدارک پاره یی الوب مقبوض اعطا ایتسی والدیفی پاره یی مال صندوقه تسلیم ایتسی خزینیه عائد قبض معامله سیدر.

۹۸. — خزینیه، قبضه مأمور اولان شعباتی معرفتیده وارداتی طوبایلایوب ایجاب ایدن محللره س-وق ایتک اوزره مرکزله جلب ایدمک، و اورادن ده تأذیه مأمور اولان شعبه لرده آمر اعطالارک امرینه تأذیه ایدمک اوزره تودیع ایدمک؛ و نظارترلردن هر برینک « بکا ویردیککر تخصیصاتی شو صورتله استعمال ایتدم » دیو هیئت قانونیه ویره چکلی حسابلر، خزینهنک بالفعل واقع اولان تأدیاتی مبین چیقاره جنی حساب ایله مراقبه ایدیله چکندن، ناظرلردن هر برینک امرینه وقوعه اولان تأدیاتی خزینیه بودجه ده کی تقسیمانه کوره کوسترمکه مجبور اوله جنی کبی، مقبوضاتنک نه قدری هانکی نوع وارداتدن اولدیفی کوستروب مالیه ناظرینک واردات عمومیه ناظرلغندن عبارت اولان برنجی صفی اقتضاسنبجه یاغش اولدیفی معاملاتک حسابی ده ویره چکدر.

۹۹. — معاملات مذکورده هیئت قانونیه نک آرایه جنی خسو-صات، هانکی نوع وارداتدن نه مقدار تحصیلات وقوعه اولدیفی و نظارترلردن هر برینک امرینه ناقدر تأدیات اجرا اولوب تأدیات مذکورهنک

بودجه دمكى فصل و ماده لره نه صورتله توافق ايتديكيدير. حالبوكه شعبات خزينه نك هر برنده وارداتك تحصيلندن بودجه مصارفك تأديه سنه قدر، تحصيل اولنان ياره لر خزينه سه سوق ايدمك، و خزينه ده طوپالانان ياره لر صرفياتك اجرا اولنه جغى محللره توزيع ايدمك، بونك آره سنده بانقه لره حساب جارى آچديريله رق معاملات مذكوره يه بانقه لر توسط ايتديمك، بودجه وارداتندن اولميه رق فقط بودجه خدماتك ايفاسى طولاييسيه التقى لازم كلان ديپوزيتو وامثالى اماناته وضع يد ايدمك، ويا بامكس بودجه يه صورت محسوبي بعه اجرا ايديله جك على الحساب تأدياته بولماسق، و شعبات ارسنده تماطى ويا صندوق لره حفظ اولمان نفوددن ضايعات وقوع بولمق، ويا مأمورلرك ذمتته كچمك، و بونلردن باتعقيب تحصيل اولنمق كې بر طاقم دهه معاملات واقع اوله جقدر كه بودجه يه تعلق ايتمز. فقط بوضورتله النوب ويريلان ياره لرك حسابى بونلره وضع يد ايدن محاسب مسئوللردن ارا نلنمق بالطبع مقتضيدر.

۱۰۰. — كذلك بودجه يه عائد مصارفاتك ايفاسنده ياره نك تأديه سندن اومصرفك تعلق ايتديكى خدماتك ايفاسنه قدر ارسنده بر چوق معاملات واقع اوله جق و بر چوق اشيا تماطى ايديله جكدر. مثلا عسكرك البسه بچون حربه نظرارتك بودجه سنده موضوع اولان تخصيصاتك نقداً خزينه دن تأديه اولنمسيه برابر البسه عسكرك صرته كچمز. عسكرك احتياجى قدر البسه ايجون لزومى اولان چوقه، آستار، دوكمه كې اشيا بله كه آيرو آيرو زمانلرده مناقصه ايديلوب مبايعه ايديله جك، و تسلم ايدلجكه پله سى ويزيله جك، صكرده بونلرك ديكله سى

بلکہ بشقہ جہ مناقصہ ایلہ بشقہ برہمہدہ احالہ اولنہ جقدر . بو ایشلر
یایلہ بجہ قدر بر طرفدن آلتان چوقہ و آستار و دوکمه کی لوازمک
هربری برر صورتله تسلیم و حفظ و تسلیم ایدیلہ جک، و احضار اولنان
البسه دخی عسکرک صرتنه کچجہ قدر محل مختلفیه سوق ایدیلہ رک
دبویلرده حفظ اولنہ جقدر که بو ایشلرک هربری نظامات و تعلیمات
مخصوصیه تابع و اساساً حرکات قیمیه یی متضمن معاملہ لردر .

۱۰۱ . — شو تعداد و تعریف ایتدی کمز معاملات ی بالاده
تعریف ایتدی کمز بش طاقم حسابات اکیغرافیه نسبت اید جک اولور
ایسه ک کورورز که: خزینہ نک دفتر کیرنده دخی ذکر اولنان بش طاقک
هربرینه متعلق بر چوق حسابلر بولنہ جقدر . شویله که :

آ : برنجی طاقدن . — خزینہ بالعموم معاملاتنده نقد آلوب
نقد ویرہ جکندن، یعنی خزینہ نک دده مؤسسات سائرہ مثللو واسطه مبادله سی
نقد اولدیغندن، خزینہ نک دفتر کیرنده اول امرده برنجی طاقه تعلق
ایدن و سائط مبادلہ حسابلرندن بر نقد یعنی وزنہ حسابی بولنہ جقدر .
یالکیز خزینہ نک و عدله اوراق تجاریه قبول ایتسی تجویز ایدلیوب،
اولسه اولسه مراسلاتنده بعض بانقه لک چکلرنی قبول ایدیلہ جکندن
و خزینہ نک بر شعبه سنه داخل اولان بو مثللو چکلر بلا توقیف درحال
تعلق ایتدیکی بانقه ابراز و تحصیل ایدلمک لازم کله جکندن خزینہ ده
اوراق تجاریه بولنہ جقدر .

ب : ایکنجی طاقدن . — معلوم درکه بو طاقه تعلق ایدن حسابات،
مؤسسہ قارشو حساب جاری و یا سائر صورتله بورجلی و یا الاجلی

بولنه جق اولان اشخاصك حسابايدر. وبونلرك اك برنجيسى ده مال صاحبنى كوسترن سرمايه حسابيدر. خزينه نك سرمايه سى اولمديغندن دفتر كيرنده دخى سرمايه حسابى بولميه جقدر (زيرده بشقه جه ايضاح اوله جقدر).

كذلك خزينه نك انواع تكاليفدن طولايى بر چوق كيمسه لره اله جنى وانواع مصارفدن طولايى بر چوق كيمسه لره بورجى اوله جقدر. فقط هر نوع ويركو ورسماردن متحصل اله جقلى، وارداتى تشكيل ايدى جكى جهته كندوسنه بو جهتدن مديون اولان كيمسه لرك حسابى دردنجى طاقده بولنان واردات و تممعات حسابرينه تعلق ايدى جكى كى؛ انواع مصارفدن متحصل ديونى دخى مصرفلرينى تشكيل ايدى جكى جهته بو جهتدن طولايى خزينه دن اله جقلى اولان اشخاصك حسابلرى ده اوچنچى طاقده بولنان مصرف حسابلرينه تعلق ايدر. بناء عليه خزينه نك دفتر كيرنده بو ايكنچى طاقه تعلق ايدن اشخاص حسابلرى، خزينه نك ويا شعباتنك بانقه لرله اولان حساب جاريلىنه و خزينه نك مركزندن شعباتنه و شعباتندن مركزينه ارسالى لازم كلان وارسال اولان نقوده، وسرقت وسوء استعمال صورتيه خزينه نك مكلفيندن غير واشخاص ذمتلرندى تحقيق ايدى جك مطلوباتيله بونلرك تحصيلاتنه، و بده بودجه به محسوب اولمق اوزره مساع قانونى دائره سنده بعض معتمدره ويره جكى مبالغ ايله بونلرك محسوبات واسترداداته ويا بالعكس واردات خزينه به تعلق ايتيمان مقبوضاتدن يعنى هر درلو اماناتدن طولايى بر طاق اشخاصه قارشو تحقيق ايدى جك اولان ديون ايله بونلرك تادياتنه، و برده عندالايحاب خزينه نك ينه مساع قانونى دائره سنده

استقراض و اوانس صورتیه تدارك ايتديكى مبالغدن متكون ديون و تادياته منحصر اوله جقدر .

ج : اوچنچى طاقدن . — خزينه نك اى اساسلى وظيفه سى احتياجات عموميه نك توقف ايتديكى مصارفى تاديه ايتك اولدينى جهته حسابات اى گرافيه نك اوچنچى طاقنى تشكيل ايدجك اولان مصرف حسابلى باطبع خزينه نك دفتر كيپرندك مهم بر قسم تشكيل ايدجكدر . خزينه نك مصارفى ايسه بودجه قانونى موجبجه نظارتلر اوزرينه مرتب اولوب هر ناظر كندى دائره نه مرتب مصارنك امر اعطاسى بولندينى جهته خزينه نك دفتر كيپرندكى مصارف حسابلى دخى نظارتلره كوره اقسامه اقسام ايدرك هر نظارت نامه بر مصرف حسابى بولنه جقدر . شوقدر كه بودجه بر سنه ماليه ظرفنده خزينه نك تاديه مجبور اوله جنى نقود ايله بوكا مقابل ملتدن تحصيل ايتمى لازم كلان تكاليفك مقدارى تعين ايتك ايجون بايدينى جهته مكان و زمان استعمال و استهلاكى نه اولور ايسه اولسون مبايعه ايديله جك آلات و ادوات و مفروشات و مهمات و ملبوسات و مأكولات كى لوازم ايجون برسنه ظرفنده خزينه نك تاديه ايدجكى مبالغ، بودجه ده معين مقاديرى تجاوز ايتماك لازم كله جكنه نظراً انان لوازمك كيفيت حفظ و استهلاكنه دائر عينا ته متعلق اولان محاسبه اصول محاسبه عموميه قانونى موجبجه بشقه جه عينا ت محاسبلرندن طلب ايدملك اوزره خزينه جه هر حاده لوازم مذكوره ايجون صرف اولان پارنك حسابى و يرملك اقضا ايدجكندن خزينه نك مصرف حسابلرندك مبايعه ايديلان لوازمك عينا ته متعلق حسابلر بولميه رق مكان و زمان استهلاكى نه اولور ايسه

اولسون هر درلو لوازم ایچون نه قدر تأدیات واقع اولور ایسه جمله می معاش و خرچراء تأدیاتی مثللو تعلق ایتدیکی نظارتك، مصارف عمومیه سنه مخصوص حسابده کورنمك لازم کلور .

د : دردنجی طاقندن : خزینه نك، واردات و تمعاتی هپ رسوم و تکالیفدن و بعضاً دخی املاک امیرییه حاصلاتندن عبارتدر . بناءً علیه خزینه نك دفتر کیرنده دردنجی طاقم حسابات اکیغرافیه دن یالکیز برنجی قسمی اولان نتیجه حسابلری بولنه جقدر که بونلرده بودجه موجبنجه انواع رسوم و تکالیفه کوره پک متعدد اولدیفندن انواع مذکورده دن هر برینك تحقیقات و تحصیلاتی معاونه دفترلرنده کوسزلمک اوزره دفتر کیرده یالکیز بر واردات حسابی آچیاور . شو قدر که بزده هر سنه تحققی ایدن تکالیفك سنه نهایتنه قدر تماماً تحصیل ایدیلهرك ایرتسی سنه بقیایا دور ایدنامسی هنوز تأمین ایدیله مامش اولدینی جهتله بر سنه ظرفنده تحصیل اولان وارداتك نه قدری یکی سنه نك تحقیقاتندن و نه قدری اسکی سنه نك بقیاسندن اولدینی دفعه کورینه بیلیمك ایچون واردات حسابی ایکیه تقسیم ایدیلهرك سنه حالیه و سنین سابقه وارداتی ایچون آیرو آیرو بر حساب آچلمشدر .

۱۰۲. — خزینه نك سرماییه سی اولمادیغنی بیان ایلدك . بوجهت محتاج تفصیلدر . معلوم درکه خزینه نك مصارفی یالکیز معاش و خرچراء و تعیین و مصارف حریبه کی استهلاكانه و یا دیون سابقه تأدیاتنه منحصر دکلدر . مصارفك بر قسم مهمی ده شوسه و تیمور یولی و لیمان و کوپری و جدول و مکتب و خدمات عمومیه به متعاق هر درلو مہسانی وجوده کتیرمك ایچون صرف اولنیورکه بونلرك هر بری طوغریدن طوغری

ويا بالواسطه واردات خزينه نك دخى ازديادىنى استلزام ايده جكدرد. هر سنه بودجه سندن صرف ايديله جك مبالغه : قسميله وجوده كله نك اولان بو كى مؤسساتدن آتيا هر سنه خزينه استفاده ايددجكى كى ؛ بونجه سنه لر دن برو اسلاف نك ترك ايتديكى امثالى مؤسساتدن دخى اليوم استفاده ايدلمكده در . عجباً بونلر بر سرمايه تشكيل ايتزمى ؟ خاير . بونلر ملتك ثروت عموميه سنى تركيب و تزويد ايدر ، فقط خزينه ايچون بر سرمايه تشكيل ايتمز . زيرا خزينه نك ايشى بودجه قانونيله تعيين اولمان تكاليفى تحصيل ايدوب مصارفى تاديه ايتك ، و تحصيل تكاليفدن تاديه مصافه قدر ، نقودك استحصال اولندقلرى مواعدن جلب و جمعيله تاديه اولنه جقلرى موافقه سوق و توزيعى ايچون اقتضا ايدن معاملات نقديه يى ايفا ايتمكدرد . ثروت عموميه يى تشكيل ايدن مبانى و مؤسسات ايسه خزينه جه تدوير ايديله جك بر سرمايه دكلدر . بونلر ك پك چوغنى طوغريدن طوغرى واردات كتورميه جكى كى ، طوغريدن طوغرى واردات كتورنلرده اكثريا آلنور صاتيلور شيلردكلدر . آلنوب صاتلىسى ممكن اولانلرغى ده خزينه ديله ديكى وجهله آلوب صاتمغه مآذون دكلدر . بونلر ك يالكنز سنه بسنه كتورميه جكلرى واردات ايله شايد هانكيلرينك صاتلىسى مقتضى ايسه انلر ك صاتشندن حاصل اوله بيله جك اولان مبالغ بودجه نك حين تنظيمنده تخمين ايديله رك واردات بودجه سنه ادخال اولنور ؛ و خزينه هر حالده بودجه قانوننك ويردىكى صلاحيت دائر سنده حركت ايدرك برسنه ظرفنده استحصال ايتدى وارداتك حساخى ويرمك مجبور اولور .

۱۰۳ — . خزینہ نك استقراضاتندن متكون ديون عموميه
ملتك ثروت عموميه سى مقابلى ديمك اولمغله، بونك دخى يالكىز سنه بسنه
تأديه اولنه حق تقاسيى بودجهيه و بناء عليه خزینہ نك حسابنه
داخل اوله جنى كېي ؛ واردات سنويه نك مصارفات سنويهيه نسبتله
فضله سى اولدنى تقديرده، هر سنه مصارفك تأديه سندن صكره آرته حق
اولان نقود دخى ينه خزینہ ايجون بر سرمايه ديمك اولمىوب، ملت
ايجون بر احتياط خزینہ سى تشكيل ايدم جكدركه، بوكا استناداً فرضاً
تكاليف تخفيف ايدىلوبده بر ايكي سنه بودجه مصارفك بر قسمى
مذكور احتياط خزینہ سندن اكمل اتمكى ملت قبول ايتسه، يالكىز
بو مقدارى واردات بودجه سنه ادخال ايدىلور، خزینہ نك حسابنه ده
بالطبع بو نام ايله برواردات اوله رق داخل اولور .

۱۰۴ — . مع هذا مطبعة عاسره و ضربخا و ترسانه و بارو تخانه
كې دولت اداره سنده بولنان فابريقه لرده بالطبع سرمايه حسابى بولنه حق
ايسه ده، بونلرك اعمالانه تعلق ايدن معاملاتى خزینہ حسابنه كرمىوب
يالكىمز واردات و مصارفى بودجهيه و خزینہ حسابنه كيرم جكندن
خزینہ حسابنه ينه سرمايه حسابى داخل اوله ماز .

۱۰۵ — . خزینہ نك دفتر كيرنده ذكر اولنسان درت طاقم
حسابات اصليه دن بشقه، بشنچى طاقه عائد حسابات انضباطيه و متوسطه
دخى بولنه جكدركه، بونلرك ده نوع و خدمتلى ايضاح اولنان معاملات
خزینہ يى ايفا ايدم جك اولان شعباتك موقع و وظيفه لرينه، وشعبات
مذكورم دن خزینہ يه حساباتك جلب و جمعنده تعقيبنه لزوم كورىلان

اصول وقواعد کوره اوله جغندن، بوطاقم حساباتک ایضا خنه شروعدن
اول خصوصات مذکوره بی تدقیق ایتک اقتضا ایدر .

۱۰۶ — . فقط شوراسی شایان دقندرکه: تعداد وایضاح
اولسان معاملات ایچون خزینهنک دفتر کیرنده آجیله جق اولان
حساباتک صرف اکیغرافی نقطه نظرندن موقع و ماهیتی نه اولور
ایسه اولسون، معاملات و حسابات مذکوره، بودجهنک واردات
و مصارفنه تعلق ایتک، ویاخود بودجهنک واردات و مصارفنه تعلق
ایتمه رک امانات آلوب ویرمک و باره جلب ایدوب باره کوندرمک،
و صرفیات اجراسیچون علی الحساب ویرمک کبی قبض اموالدن تأدیة
مصارف قدر آره یرده وقوع بوله جق معاملاتدن عبارت بولمق صورتیله
ایبی قسم تشکیل ایدر . اقسام مذکوره دن برنجیسنه بورجه حساباتی،
و ایکنجیسنه ده معاملات تقریه حساباتی دنیلورکه، بو صورت تقسیمک
بودجه حساب قطعیسنده و بالخاصه دوره حسابیه بخشده اهمیت
مخصوصه سی واردر .

شعبات خزینه

۱۰۷ — . مملکتکیزده تقسیمات مالییه تقسیمات ملکیه یه تابع
اولمغله، شعبات خزینهنه ولایتلرده دفتر دارلقلر، سنجاقلرده محاسبه جیلکلر،
و قضاالرده مال مدیرلکلر ایدر . فقط بر سنجاغک مرکز و ملحقاتیله
برابر امر اداره سی متصرفه مودوع اوله رق داخل لواده بولسان

بالمعوم شعبات اداره نك معاملاتن متصرفك خبردار اولمسی لازم كله چكي جهتله، بر لوا داخلنده بولنان قضا الردن هر برينك معاملات ماليه سنی رأس لواده بولنان محاسبه جينك دفترنده مركز لندير مك اقتضا ايديكي كبي، كذلك برولايت داخلنده بولنان الويه نك اداره سنی ده او ولايتك واليسنه مودوع اولديغي جهتله، الويه ملحقه محاسبه جيلرينك معاملاتنی ده ولايت مركز نده بولنان دفتر دارك دفترنده طو پلامق لازم كلور .

١٠٨ - . بو اعتبار ايله تقسيمات ماليه نك الك برنجی درجه سی قضا مال مديرلكی ايسه ده، لوانك مركز قضا سيمچون آيروجه مال مدیری مستخدم اولمديغندن، مركز لواده بولنان محاسبه جی ملحق قضا الرده کی مال مدير لرینك مرجعی اولمغله برابر، مركز لوا اولان قضائك مال مديرلكی ده بالذات ایفا ايدر . كذلك ولايتك مركز لواننده آيروجه محاسبه جی مستخدم اولمديغندن، مركز ولايتده بولنان دفتر داردخی برکړه دفتر دار صفتيله الويه ملحقه محاسبه جيلرينك مرجعی و ثانیاً مركز لوانی محاسبه جیسی صفتيله مركز لوانه تابع قضا الرده کی مال مدير لرینك طوغريدن طوغری مرجعی اولمغله برابر، اصل مركز ولايت اولان قضائك معاملات ماليه سنی ده مال مدیری کی بالذات اداره ايدر .

١٠٩ - . خزینه نك وظیفه اساسیه سی تحصیل اموال و تأديه مصارف ماده سندن عبارت بولمغله . شعبات خزینه نك هر برنده وظیفه مذکورده نك هر ایکی جهتی تماماً و عینی صورتله ایفا اولنق لازم .

کله چې درکار ايسه ده، شعبات خزينه دن هر برينک دفتر لرنده کو ستر دکلری تأديانک تماماً واقع اولوب اولمديغنی و بونلرک موضوع اولان قوانین و نظامات و تعليماتنه موافق بولنوب بولنمديغنی تدقيقه مأمور اولان ديوان محاسبانک بو تدقيقاتی اجرا ايدم بيلمسی ایچون، مملکت مزده بالعموم قضا و لوا و ولايتلردن اوراق مثبته یی طولاشديروب مرکزہ کتورمک حساب قطعینک سنه لرحه تأخرینی موجب و بلکه برچوق اوراق مثبته نک یوللرده ضیاعنی مستلزم اوله جق درجه ده مشکل و ممتمنع اولدینگی؛ دیوان محاسبانک محللرندہ تدقیق حساب ایچون قضا مرکز لرینه قدر برر هیئت نائبه کوندرمی دخی مصارف کایه یه محتاج اولمق جهتیه امکانسر بولنمديغندن، بیان اولمان وظیفه نک یالکیز قبض اموال جهتی قضا مرکز لرندہ کی شعبات خزینہ یه تشمیل ایدیلرک تأدیہ مصارف جهتی لوا مرکز لرندہ کی شعباتنه بر اقلمشدر .

۱۱۰ - . بعض تشبثات نافعہ ايله استقراضاته متعلق عهود و مقاولات موجبجه واردات رسومیه نک کاملاً مال صندوقلرنجه قبض ایدلمسی ممکن اولمیه جغی کی، قضا مرکزی اولیمان محللرندہ کی رسومات و پوسته شعبه لری حاصلاتنک هر کون مرکز قضا ده کی مال صندوقنه تسلیمیه مصارفنک اورادن تأدیہ سنه مملکت مزک تجهيزات اختلاطیه سی ده هنوز کافی اولمديغندن، رسومات و پوسته واردات و مصارفی ایچون مذکور اداره لک مرکز لری برر شعبه خزینہ اتخاذ اولنهرق، بونلرک طشره ده کی شعبه لری مرکز لرینه مربوط اولمق اوزره، ولایت و لوا و قضا مال صندوقلرینه رسومات و پوسته معاملاتنه متعلق بر وظیفه ویرلماشدر .

۱۱۱. — مطبعة عامره و ترسانه و ضربخانه و مكاتب ليليه وامانة

اداره اولئان معادن كې و ارداتنك هر كون مال صندوقلرينه و يا وزنۀ عمومى به التمسيله مصارفك اورالردن تاديہسى ممكن اولميان مؤسسات دخى، يالكز بودجه به متعلق واردات و مصارفك قبض و تاديہسى معاملاتندن طولاي برر شعبۀ خزينه اعتبار اولنور .

۱۱۲. — كذلك اردولرك وبالخاصه سابح و سيار اولان

دونمى عثمانيه نك مصارفى هروفت على المفردات ولايت و يا لوا و يا قضا مال صندوقلردن تاديہ ايتك ممكن اوله به جفى جهتله، ملحقانى مرکز لرينه تابع اولمق اوزره مرتب قول اردو مرکز لريله دونمى عثمانى ايجون برر شعبۀ خزينه تشكيل اولنه جقدر .

۱۱۳. — دفتر خاقانى اداره سنك تشكيمات حاضره سنه كوره

استانبول ولايتى معاملاتى ايجون نه ولايت دائره سنده نه ده ملحق لوا و قضا لرنده ولايت سائره ده اولديفى كې مأمور لرى بولنمىوب، اليوم استانبول ولايتى داخلنده كى اموالك فراغ و انتقال معاملاتى دفتر خاقانى اداره مركزيه سنده ايضا ايديلكده اولديفندن، و تقرير و يرمك اوزره كلان اصحاب اموالك بر كرده خرج و رسم لرى ياتيرمق ايجون استانبول دفتر دارلغنه و يا وزنۀ عمومى به سوق ايديله لرى حسب الموقع داعى مشكلات كورنديكندن، شيمديلك دفتر خاقانى اداره مركزيه سنده دخى بر شعبۀ خزينه بولندير لمقده در .

۱۱۴. — فی الحال یاپیلان ویالتمقده اولان تشکیلاته کوره شعبات
خزینہ بروجہ آتیدر :

اولا : شعبات عمومیہ

۱. — ولایت مال صندوقلری یعنی دفتر داراقلر
۲. — لوا مال صندوقلری « محاسبہ جیلکری
۳. — قضا « « مال مدیرانکری (یالکیز قبض
امواله مأمور اولوب مصرف مرکزی دکادر)

ثانیاً : شعبات مخصوصہ

۱. — رسومات اداره مرکزیہ وزنه سی و طشره شعباتی
۲. — پوسته و تلفراف و تلفون اداره مرکزیہ وزنه سی و شعباتی
۳. — دفتر خاقانی اداره مرکزیہ سی وزنه سی [قضا مال صندوقلری کی
یالکیز قبض امواله مأمور اولوب مصرف مرکزی دکادر]

ثالثاً : اداره لری نظارت عامہ لرینہ مربوط اولانہ مؤسسات

حریہ نظارتنه مربوط اولانلر :

۱. — مرتب قول اردو مرکزیلری و ملحقاتی
۲. — اعمالات حریہ فابریقه لری

بحریہ نظارتنه مربوط اولانلر :

۱. — ترسانه فابریقه لری
۲. — دونمای عثمانی
۳. — اداره مخصوصه

معارف نظارتنه مربوط اولانلر :

۱. — مطبعه عامه

- ۲ . — مکتب ساطانی
۳ . — لیلی دارالمعلمین
۴ . — درسماعات اعدادیسی
تجارت و نافعہ نظارتہ مربوط اولانلر :
۱ . — مهندس مکتبی
۲ . — حجاز تیمور یولی ایشلمتہ ادارهسی
اورمان و مہادن وزارتہ نظارتہ مربوط اولانلر :
۱ — صنایع مکتبی
۲ — خلقہلی زراعت مکتبی
۳ — بیطر مکتبی و باقتریولوژیخانہ
۴ — بلغراد اورمان مکتبی
۵ — ازکلی کمور معدنی
۶ — ارغنی باقر معدنی
داخلیہ نظارتہ مربوط اولانلر :
۱ — امور طبیئہ ملکیکہ ادارهسی
مالیہ نظارتہ مربوط اولانلر :
۱ — مسکوکات ادارهسی

رابعاً: دیونہ عمومیہ عثمانیہ واردات مخصوصہ ادارهسی دشتبانی

۱۱۵ . — قضا مال صندوقلری اساساً صرفیات مرکزی اعتبار ایدلیہ رک یا لکنز قبض اموال ایله سوق نقودہ مأمور ایسہ لرده، قضاہ کی مصارفک لوا مرکزنده تأنیه سنہ مملکتک وسائط نقلیہ سی ہنوز مساعدا اولمدیغی جہتہ، مرکز لوادن ویریلہ جیک مآذونیت دائرہ سندنہ قضا مال صندوقلرنجہ دخی تأدیات اجرا اولنور. فقط

تأديات مذکوره لوا نام و حسابنه اوله رق اجرا اولوب، سندلری نقد مقامنده مرکز لوايه کوندريلور؛ و تأديات مذکورنك حسابی مرکز لواجه طوتیق اوزره قضا مال صندوقنك دفترنده مصرف حسابی بولماز .

۱۱۶ . — اداره لرینه تعلق ایدن وارداتی تحصيله مأمور اولان اورمان مأمورلری ايله لیمان دائره لری ایسه هیچ بر صورتله تأديات اجرا سنه مأذون اولمقدلرندن، شعبات خزینه میاننده تعداد اولنه میوب، خزینه نظرنده اموال عمومیّه تحصيلدارلرینه مقیس بولنورلر .

۱۱۷ . — محاکم عدلیه و شرعیّه اجرا دائره لرینه ککنجه، بونلرک کندولرینه تودیع اولنان اعلاماتی انفاذ ایتمکده کی وظیفه اصلیدلرینك نتیجه ضروریه سی اوله رق امانت طریقّه وضع ید ایده جکلری اموال دن طولانی خزینه یه قارشو موقعلری و اصول محاسبه عمومیّه قانونه درجه تابعیتلری هنوز تقرر ایده مامش ایسه ده، اجرا رسومی تحصیلاتی و بودجه داخلنده بولنان مصارف اداره لرینك تأدییه سی کبی خزینه یه تعلق ایدن ماملاتنده شعبات خزینه دن معدود اولمیوب، واردات مذکورنك تحصيلیه مصارف اداره لرینك تأدییه سی هر حالده ولایات ویا لوا ویا قضا مال صندوقلری طرفندن اجرا اولنقی لازم کله جکدر .

۱۱۸ . — شعبات مذکورده دن برنجی طاقنه شعبات عمومیّه دیورز زیراً: بولر مرکزنده بولندقلری قضا ویا لوا ویا ولایتک

پوسته و رسومات وارداتندن ، و مقاولات خصوصیه اقتضاسنجه دیون عمومیه عثمانیه واردات مخصوصه اداره سنه متروک و مودوع اولان وارداتندن ماعدا بالعموم وارداتی قبض ایدوب، کذلک پوسته و رسومات مصارفندن ، ویه مقاولات خصوصیه موجبنجه دیون عمومیه عثمانیه واردات مخصوصه اداره سنجه تأدیه سی لازم کلان دیون و مصارفندن ماعدا ، بالعموم مصارف دولتی تأدیه ایده جک کردر . بونلرک در سعادته بولان خزینه وزنه عمومیسندن فرقی شودرکه : شعبات مذکور هندن هیچ بری وارداتدن طوبلادیفی پاره یی قضا سنک ویا لواسنک ویا ولایتک مصارفی ایچون کمن دو حسابیه حفظ و تصرف ایده میوب ، قضائر لواریه . لوار و لایتره . ولایتلرده وزنه عمومی یه کوندر مکه ، و مصارف محلیه ایچون لزوم کوردکاری پاره یی ده بوضره ایله وزنه عمومیدن طلب و جلب ایدوب مصارفی اوپار هندن تأدیه ایتمکه مجبور درلر . وزنه عمومی ایسه کرک شعبات عمومیه سنک و کرک مؤسسات بالعموم تخصیلاتنی طوبلایوب مرکز تأدیاتی اجرا ایتمکه برابر ، شعبات عمومیه ایله مؤسساته تأدیه سی لازم کلان مصارف ایچون اقتضا ایدن نقودی محللرینه ارسال ایدر .

۱۱۹ . — رسومات و پوسته اداره لری سنک مرکز وزنه لری یالکیز اداره لری سنه مخصوص واردات و مصارف ایچون طبقی خزینه سنک وزنه عمومی حال و موقعنده بولنوب ، بولرک طشره ده کی شعبات سنک ذکر اولنان مرکز وزنه لری سنه قارشو حال و وضعیتلری ده خزینه شعبات عمومیه سنک خزینه وزنه عمومیه سنه قارشو اولان موقعلری کیدر .

۱۲۰. — مؤسسات ايسه وزنه عمومي به قارشو شعبات عموميه حان وموقمنده بولمقسه برابره، انلرده معاملاتك نوع وماهيتنه كوره سرمايه واعمالات حسابلري دخي بولنه جقدر .

۱۲۱. — حربيه نظارتك مركزيله مرتب قول اردولري مصارفك صورت تأديه سي حقنדה حربيه وماليه نظارتلري آرمسندده مخابره جريان ايتمكده اولديني جهته بالاده كوسترديكمز تقسيماتك حربيه نظارتنه عائد اولان جهتلري قيد احتياط ايله تلقى اولمق لازم كلور .

۱۲۲. — دونما ايله ترسانك برر مؤسسه اعتباريله مركزز - لرنده برر شعبه خزينه بولنديرلمسي دخي هنوز صورت قطعيده تقرر ايتامشدر. بونلرك مصارفي شمديلك بحريه اداره مركزيه سي مصارفي كبي وزنه عموميدن تأديه ايدلمكده در .

۱۲۳. — حجاز تيمور يولي ايشلتمه اداره سنك بر مؤسسه اعتباريله بونك حيفاده بولسان مركززنده بر شعبه خزينه بولنديرلمسي تقرر ايتمش واجبابي اجرا ايدلمكده بولمش ايسده، بونك تجارت ونافعه نظارتنه مربوطي هنوز تقرر ايتمش اولميوب حجاز تيمور يولي اداره عموميه سي ناميله درسعادتنده مستقل بر مديريت عموميه واردر . كذلك صنايع مكتبي دخي اساساً تجارت ونافعه نظارتنه تعلق ايدر ايسده اليوم اورمان ومعادن وزراعت نظارتنه مربوط بولمقده در .

۱۲۴. — تقاعد سنندوقلري اوچيوز يكرمي القى سنه سي

بودجه قانونك صدورينه قدر موازنه عموميه خارجنده بولمقله برابر، بونلردن مأمورين ملكيه تقاعد ومغرولين صندوق مستقل، عسكرى تقاعد صندوق حربه نظارتنه تابع، وعلميه تقاعد صندوق دخى دائره علميهيه مربوط برر اداره حالنده بولنه رق، بالكنز ملكيه وعسكرى تقاعد صندوقلريك اچيقلىرى . يعنى مصارفك وارداتندن فضلهسى، خزينه دن تأديه اولمقندن بشقه بر صورتله خزينهيه مربوطيتارى يوق ايدى. اوچبوز يكرمى آلتى سندهسى بودجه قانونك اون ايكنجى مادهسى موجبجه مذكور صندوقلريك ادارهسى قانونك تاريخ صدورى اولان ۲۰ حزينان سنه ۳۲۶ تاريخندن اعتباراً خزينهيه ربط اولمخش ايسده، واردات ومصارفى ينه موازنه عموميه خارجنده ملحق بر بودجه شكلنده قبول اولمهرق تأدياتي كندو وزنه لرندن ايفا اولمقدهدر . فقط اوچبوز يكرمى يدى سندهسندن اعتباراً واردات و مصارفى كاملاً بودجهيه ادخال اولمق مقرر اولوب، شو حالده طشردهكى معاشات مال صندوقلردن تأديه اولمجهنى كى، درسعادتمدهكى معاشاتك ده استانبول دفتردارلى ومحققاتى صندوقلردن اجرا اولمق لازم كله جكى، واصحاب معاشاتك كثرته نظراً تأديات ايچون مختلف مركزلر كناد ايدملك لازم كله بيله، بونلر شعبات خزينه دن معدود اولمىوب استانبول دفتردارلى وزنه سنك متعدد كيشه لرى حكمنده بولمجهنى بديهى در .

خزينه نك اداره مركزيهسى

۱۲۵ — . خزينه نك اداره مركزيهسى مالىه ناظرينك تحت نظارتنده اولهرق بوجه آتى اوچ دائره دن متشكلدر .

آ — محاسبه عمومی مدیریت عمومی : بودجه‌ی جمع و تنظیم ایدوب مخصوصاتی توزیع ، و حساباتک انتظام جریان‌ی تعقیب و تدقیق ایدرک حسابات شهریه‌ی جمع و محاسبه قطعی‌ی تنظیم و تأدیاته ویا تحقیقاته مأمور اولانلرک عندالتفتیش ویا هر نه صورتله اولور ایسه اولسون ظهور ایدن ذمتریخی تدقیق و تعقیب ایدر .

ب . — ریور عمومی و معامرب نقدیه مدیریت : خزینه‌نک دیون ثابته و متحوله ، منتظمه‌سنگ حسابی طوتوب بونلرک مقاولات مخصوصه‌سی دائره‌سندده اوقات و محال معینه‌سندده تأدیاتی حساب و تاهین ، ویکیدن عقد اولنه‌جق استقراض و آوانساری تقدیر و تعیین ایله هر درلو معاملاتنی ایفا ، و بالعموم واردات خزینه تحصیلاتندن شعبات خزینه‌یه داخل اولان نقودک مرکزله جلب و جمعیله بودجه مصارفنک اوقات معینه‌ده تأدیسه‌نی تأمین ایچون ایجاب ایدن محلله سوق و ایصال ، و بونلره متفرع معاملاتنی اجرا ایدر . فقط باره‌یه ال سورمز .

ج . — وزیر عمومی مدیریت : معاملات نقدیه مدیریتنک تنسیبیه مرکزله جلب اولنه‌جق نقودی قبض و حفظ ایدرک ، ینه معاملات نقدیه مدیریتنک کوستره‌جکی لزومه کوره شعبات خزینه‌یه ایصال ایدیلرک نقودی سوق و ارسال ، و نظارتلردن هر برینک مرکزده تحصیل ایتدیره‌جکلری واردات و اماناتی قبض ایدرک ، ینه دوائر مذکورنک مرکزله تعلق ایدن هر درلو تأدیاتی اجرا ایدر . فقط اصول محاسبه عمومی قانونی اقتضاسیجه تأدیله ایدیلرک بر مصرف بودجه‌ده‌کی مخصوصاتی داخلنده و حسابنک طوغری اولوب اولمادیغنی

تدقیقه ، وبالعموم مقبوضات وتادیاتی ایچون اوراق مثبتہ ابرازیلہ
 ہر سہ دیوان محاسبانہ حساب ویرمک ، بالفعل نقدہ وضع ید ایدرک
 قبض وتادیہی اجرا ایدن مأمورلر مجبور یعنی محاسب مسئوللق
 صفی بولنرہ منحصر بولندی جہتہ . وزنہ عمومی مدیری ہر تادیاتندہ
 بو تدقیقاتی اجراہ و دیوانک ایلرودہ کندوسندن ارایہ جفی اوراق
 مثبتہی حین تادیہہ کاملاً اراغہ دخی مجبوردر .

۱۲۶ . — محاسبہ عمومیہ مدیریت عمومیہ سنک خزینہ ادارہ
 مرکزہ سندہ اوچ قلمی وارددر . بونردن برنجیسی موازنہ قلمی درکہ ،
 ہر سہ نظر ایلردن ہر برینک تکلیف ایتدکاری بودجہ لایحہ لری
 تدقیق وتلفیق ایدرک دولتک موازنہ عمومیہ سنی تنظیم واحضار ، وقانونیت
 حالتی اکساب ایدن بودجہ دن ہر نظارتک مخصصاتی تبلیغ ، ودورہ
 حسابیہ ظرفندہ وقوع بولان نقل مخصصات ویا تخصیصات منضمہ ویا
 فوق العادہ طابیرنی بالتدقیق معاملات لازمہ قانونیہ سنی ایفا ، وواردات
 ومصارفات عمومیہ تاثیر اولہ بیلہ جک قانون لایحہ لریلہ امتیاز
 مقالہ نامہ لرینی بالتدقیق بیان مطالعہ ، وبوایشلرہ متعلق ہر درلو مخابراتی
 اجرا ایدر . ایکنجیسی مرقبہ قلمی درکہ ، مرکز وشعبات خزینہ دن
 ہر برندہ اصول محاسبہ عمومیہ قانونی احکامنک صور تطبیقیہ سنی حقندہ
 تعقیبات ومخابرات لازمہی ایفا ایتدککہ برابر ، قیود حسابیہ نک اصول
 وقواعد موضوعہ سہ موافق صورتندہ انتظام جریانی تعقیب وتدقیق ،
 وبونلرہ متفرع عملیات لایحہ لرینی احضار ، وبومناسبتہ بالعموم شعبات
 خزینہ دن شہریہ جدوللرینی جلب وتدقیق ایدر ؛ وبوتدقیقاتنہ اساس

اولق اوزرده خزینهك مركز و شعباتك هر برنده تأديه اولانه جق
مصارفك بودجه دهكي فصل وماده لرینه كوره مقدارینی ناظر مسئول لرینه ك
ویردكلى حواله لر ایله مراقبه ایدر. اوچنجیسی ده رفتر کبیر قلمی دركه،
بالعموم مركز و شعبات خزینه ده طوتیلان حساباتی جمع وتلفیق ایدرك
خزینهك حساب عمومیسینی تنظیم ایدر .

۱۲۷ . — ۱۲۹۶ سنه سنده یاپیلان تشکیلاتده دوائر واقلام
خزینه سنه مذكوره دن اعتباراً کوريله جك ایشلره كوره تشکیل ایديله رك
۱۲۹۵ سنه سیله ده اولکی سنه لره عائد حسابات ومعاملات متداخلهك
تدقیق وانتاجی ایچون برده محاسبات عتیقه اداره سی تأسیس ایدلمش
ایدی . اداره مذكوره اوتاریخدن برو برچوق تعدیلاته اوغرایه رق
نهایت صوك یعنی ۱۳۲۶ تشکیلاتنده بر قلم اوله رق محاسبه عمومیه به
علاوه ایدلمش دركه، بونك الیوم وظیفه سی ۱۲۹۶ سنه سندن اول
خدمتده بولنان بالعموم مأمورین دولتك سچل وقوعاتنه دائر معلومات
قیدییه یی تحری و اخراج ایتك، وهنوز بدله ربط ایدلماش اولان قرای
اعشاری موقوفه حقنده کی تدقیقاب ومخبراتی تعقیب واستاج ایدرك تخمیس
بدل لرینی حساب ایتك، ودیون ومطلوبات عتیقه حقنده قیود عتیقه
اوزرندن تدقیقات اجراسیله قید چیقارمق کی محاسبه عمومیه اساساً
تعلق ایدن وایتمیان بمض خصوصاتدن عبارت اولوب، معاملات مذكوره
قطعی بر نتیجه وقاعده به ربط ایدیلنجه به قدر بوقلمك بر سابق ایفای
وظیفه به دوام ایتمی طبیعی بولتدیغی کی؛ خزینهك ۱۳۲۴ سنه سی
حزیرانی نهایتنه قدرکی مصارفاتدن قالمش اوله رق قانون مخصوص

موجب‌بنجه ریوره غیر منتظمه تسمیه اولنان دیوننه عائد کافه معاملات ایله شم‌دییه قدر تبیین ایتمش و بوندن بویله ظهور ایدم‌جک اولان هر درلو مأمورین و اشخاص ذم‌ترینک تعقیب و تدقیق ایچون بوقلم محاسبه عمومیه مدیریت عمومیه‌سنه مربوطاً ایفای وظیفه ایدم‌جکدر.

۱۲۸. — نظارت‌لرده بودجه مخصوصاتی خار‌جنده مصارف وقوعی ایشک بدایتندن منع ایدیلرک، اصحاب استحقاقک حقوقی تعلق ایتدکدن صکره برامر واقع قارشوسنده بولنماق ایچون، بالعموم مصارفک حین تعهدنده مراقبه ایدلمسی دخی محاسبه عمومیه‌یه تعلق ایدن وظائفدن اولوب، بودخی محاسبه عمومیه قانونک یکر می ایکنجی ماده‌سی موجب‌بنجه هر نظارت‌ده خزینهدن منسوب برر محاسبه مدیری طرفندن اجرا اولنه‌جغندن، بواعبار ایله دوائر مرکزیه محاسبه‌مدیرلری دخی محاسبه عمومیه مدیر عمومیه‌سنه تابع بولنور .

۱۲۹. — دیون عمومیه و معاملات نقدیه مدیریتک اوچ قلمی وارددر . برنجیسی معاملات نقدیه قلمی درکه، خزینهنک هانکی شعبه سنده نه و قتلرده نه مقدار پاره تحصیل اولنه‌بیله جکنی وهانکی‌سنده نه و قتلرده نه مقدار تأدیات اجرایی لازم کله جکنی تدقیق و تعقیب ایدرک . اکا کوره ایجاب ایدن محللردن نقودک جلب و جمعیله اقتضا ایدن محللره پاره یتشدیرمک ، و باقیه‌لر ایله اولان حساب جاریلری مراقبه ایتمک ، و عندالحاجه استقرار تکلیف ایتمک، و آوانس یا بق و خزیننه تحویلی چیقارمق، و اسهام و تحویلات بورس‌لرینک معاملاتنی حقیقه تدقیقات اجراییله بیان مطالعه ایتمک، و مسکوکاته عائد هر درلو مسائل ایله اشتغال ایتمک و بویا‌شلره متفرع مخبراتی ایفا ایلتمک بوقلمک جمله وظائفنددر .

ایکجهجیسی استقراضات قلمی درکه، استقراض تحویلاتی ترتیب واحضار و تسلیم ایدر؛ تأدیه اولنان قوبونلرایله احما اولنان تحویلاته، دیون عمومیه واردات مخصوصه اداره سی طرفندن اداره اولنان استقراضاته و شمندوفر و سائر امتیازلی قومپانیه لرك تتمع تأمیناتنه متعلق معاملاتلی مراقبه ایدرک استقراضاتک عموم حسابی طوتار و بوایشلره متفرع هر درلو مخبراتی اجرا ایدر . اوچنجیسی ده معاشات ذاتیه قلمی درکه، تقاعد و مغرولیت معاشلرندن ماعدا خزینهدن مخصوص اولان محتاجین معاشلرینه عائد مسائل و مطالبات و شکایاتی تدقیق و قومیسون مخصوصیه مخبره و بونلره عائد معاش جزؤدانلرینی تنظیم و اعطا ایدرک معاشات مذکورهنک تحقق معاملاتلی ایفا ایدر .

۱۳۰ . — ملکیه و علمییه و عسکریه تقاعد صندوقلرینک اداره لری بیک اوچیز یکریمی الی سنه سی بودجه قانونی موجبجه ۲۰ حیزران سنه ۳۲۶ تاریخندن اعتباراً خزینیه ضبط اولمغله، تاریخ مذکوردن برو ذکر اولنان معاشات ذاتیه قلمی تقاعد صندوقلرینه عائد معاملات حقنده کی مخبرات ایله دخی اشتغال ایتکده اولوب، تقاعد و مغرولیت معاشلرینک تحقق معاملاتلی کرچه الیوم اداره لرنجه اجرا ایدلمکده ایسه ده؛ اچیز یکریمی یدی سنه سندن اعتباراً تقاعد صندوقلرینک عموم واردات و مصارفی بوجه تصور موازنه عمومیه یه ادخال ایدلیکی تقدیرده، بالعموم تقاعد و مغرولیت معاشلرینه محتاجین معاشاتی کبی معاشات ذاتیه نک دیون عمومیه بودجه سنده بر فصل تشکیل ایدرک هر درلو معاملاتنک معاشات ذاتیه قلمنجه ایفا اولمق لازم کله .

جکی و بو قلمک ده معاملات مذ کوره نك اکتساب ایدہ جکی وسعت و اہمیتی نسبتندہ توسیع ایدمک اقتضا ایدہ جکی بدیہیدر .

۱۳۱ . — وزنہ عمومی مدیرتک ایکی قلمی وارددر . برنجیسی مقبوضات و تأدیات عمومی قلمی درکہ ، بودہ ایکی شعبہ بی محتوی اولوب برنجی شعبہ سی هر ناظرک مخصصاتندن مرکز تأدیاتندہ استعمال اتمک اوزرہ تفریق ایتدیکی مخصصاتک محاسبہ عمومیہ تدقیق قلمندن تبلیغ اولنان مقدارلرینہ کورہ مصرف اوراقتی تدقیق ایدرک اعطا امرلرینی یا « تأدیہ سی لازم کلور » اشارتیلہ تصدیق و یارد ایدر . تحصیل مذ کورہ لریلہ قبض ایچون کوندریلن مبالغک قبض و جهت تعلقنی تدقیق و تعیین ایدر ، وزنہ عمومی ایلہ بانقلہلر آره سندہ کی حساب جاریلری طوتار ، و پولیچه و نقد حوالہ سنہ و محسوباتہ متعلق معا ملاتی و بونلرک مخابراتی اجرا ایدر . ایکنجی شعبہ سی ایسہ برنجی شعبہ دن کچن اوراق اوزرینہ بالفعل قبض و تأدیہ معاملاتنی ، ایفا و نقود و اوراق نقدیہ و ذی قیمت اشیائی محافظہ ایدر . وزنہ نك ایکنجی قلمی دخی وزنہ عمومی محاسبہ قلمی درکہ ، برنجی قلمک اجرا ایلدیکی قبض و تأدیہ و محسوب معاملاتنہ کورہ وزنہ عمومینک یومیہ دفتریلہ دفتر کیرینی و محاسبہ عمومیہ جه مطلوب اولان دیگر مفردات و معاونہ دفترلرینی طوتار ، وزنہ نك شہریہ جدوللرینی چیقاروب محاسبہ عمومیہ یه ویرر .

۱۳۲ . — خزینہ نك معاملات روزمرہ سنی ایفا ایدوب حسابات سنویہ سنی چیقارہ حق اولان مذ کور اوچ دائرہ سندن بشقہ برده هیئت تفتیشہ سی وارددرکہ ، بر مدیر عمومی ایلہ لزومی قدر

مفتشردن متشکل در. مفتشرواردات و مصارف خزینہ متعلق خصوصاً
صات حقندہ کرک ووزنه و محاسبہ مأمور لرینک و کرک وبالعموم مأمورین
اجرائیہ و تفیشیہ نك معاملاتى تفتیشہ مآذون اوله رق تصادف استدکلى
نواقصى ولزوم کوردکارى اصلاحاتى طوغرىدن طوغرى مالیه ناظرینہ
عرض ایدر لر .

خزینہ اداره مرکزیه سیله شعباتى

و

نظار تله آره سنده کی مناسبات

۱۳۳۳ . — خزینہ نك ، تشکیلاتى فصل سابقده تعریف اولنان
اداره مرکزیه سیله شعباتى و نظارتله آره سنده کی مناسبات کرک
فصل سابقده و کرک « خزینہ مسايات اکیفرا فیہ سی » فصلنده کی فقره لردن
آ کلا شلمقده ایسه ده ؛ بوجهت بالخاصه تخصیصاتک صورت توزیعنده
اتخاذ اولنان قیود و تدابیردن طولایى محتاج تلخیص وایضاح در .

۱۳۴۰ . — « طمره مال صندرقدرجه بودیه عامه طریقده بودیه
تقدیر مسایره راء تعریفنامه » سرنامه سیله و اشباط سنه ۳۲۵ تاریخیه
مأمورین مالیه تبلیغ اولنان امرنامه نك مقدمه سنده شویله دنیلمشدر :
« وظائف دولتك ایفاسى نظارتله مودوع اولدینی کبی ، وظائف
« مذکورہ نك استلزام ایلدیکی مصارفک بودجه قانونیه تعیین اولنان »
« حدود و قیود دائره سنده ترتیب و ایفاسندن دخی نظارتله مسئولدر . »
« آنجق مصارفک تأدیبه سی استحصال واردانه متوقف اولدینی کی »

« و ارداتك تحصيلنه دخي منحصرأ خزينه ماليه مأمور اولديني »
 « جهته (محاسبه عموميه قانونى ماده : ۱۸) نظارتلردن هر برينك »
 « دائره مسئوليتلى داخلده اوله رق اختيار ايده جكلرى مصارفك »
 « تأديه سى ايچون اقتضايدين نقدك محال و اوقات لازمه ده استحضارى »
 « خزينه ه عاندر . خزينه بالعموم و ارداتى تحصيل ايدوب بالعموم »
 « مصارف دولتى تأديه ايدر . نظارتلردن هيچ برينك كندينه »
 « مخصوص و ارداتى اولديني كې (۳۲۵ بودجه قانونى ماده : ۶) »
 « وظائف دولتك هيچ برى شو و يا بو و اردات ايله مقيد اوليوب »
 « (۳۲۵ فوق العاده بودجه سنده كى مصارف مستشار) هر ايشك »
 « مصرفى بودجه ده او ايشه مخصوص اوله رق مرتب اولان فصل »
 « و ماده لرده كى مقدارلر ايله محدوددر . و بو حد دائره سنده ناظر »
 « مسؤولى طرفدن تنسيب اولنان هر مصرف خزينه نك و اردات عموم »
 « ميه سندن خزينه نك مأمورلى معرفيله تأديه اولنور . »
 « خزينه نك مأمورلى و ارداتى خزينه حسابنه تحصيل ايدوب »
 « خزينه ه ويره جكلرى كې، مصارف ده خزينه دن آله جكلرى، مأذو »
 « نيت دائره سنده خزينه نامنه تأديه ايدرلر . اشبو مأذونيتلر منتظم »
 « و مضبوط اولمق ايچون مطبوع حواله نامه لر ايله اعطا قلنه جقدر . »
 « ناظرلر ك هيچ برى بودجه سنك فصل و ماده لرده كى مخصصاتدن »
 « فضله تأديات طلبنده بولنه ميه جنى كې تأدياتك، مخصصاتى تجاوز ايتما »
 « مسنه خزينه ماليه دخي دقت و اعتنا و مخصصاتى تجاوز ايدن تأديات »
 « تكليفلرينى رد ايتمه مجبوردر . »

۱۳۵. — ایضاحات سابقه‌دن و بالایه چیقاریلان خلاصه‌دن
 آ کلاشیلورکه: باره یالکیز خزینه‌ده بولنه‌جق، و قبض و تأدیه‌یه مآذون
 اولان مأمور زرده بولنور ایسه بولنسون، خزینه‌نک مأموری عد
 اولنهرق قبض و تأدیه مآذونیتی خزینه‌دن آله‌جقدر. ناظرلر قانونیت
 کسب ایدن بودجه‌لرنده کی مخصوصات دائره‌سند عهده‌ مسؤولیتلرینه
 تودیع اولنان خدماتی ترتیب و اداره ایدرک، خدمات مذکورده‌دن
 طم لایق قانوناً تأدیه‌سی لازم کلان مصارفک تأدیه‌سنی خزینه‌یه امر ایدم.
 جکدر، خزینه‌ده مذکور تأدیه امرلرینک قانونه موافق اولدینقی و او
 ناظرک بودجه ایله معین تخصیصاتی داخلده بولندینقی تدقیق و تعیین
 ایتدکدن صکره تأدیه‌یی اجرا ایدم جکدر. فقط کرک تأدیه‌سی امر اولنه
 جق مصارفه کفایت ایدم جک قدر اچیه‌یی تأدیه زمانندن اول ایجاب ایدن
 محله‌یتش دیروب تأدیاتک تأخرینه میدان ویرمامک، و کرک تأدیه‌یی اجرا
 ایدم جک اولان مأمور تأدیاتی بودجه‌ده کی فصل و ماده‌لرده مرتب
 اولان مخصوصات عمومیه‌نک نه مقدار یله مقایسه ایدم جکنی بیلمک
 ایچون، خزینه هر بر ناظردن بودجه‌سندم کی هانکی فصلک هانکی
 ماده‌سی مرتب‌اندن نه قدرینی زرده استعمال ایدم جکنی صوروب،
 نظارت عائد سـنک دفعه ویا پیدرپی کوسـتره جکی لزومه کوره ایجاب
 ایدن مأمورلرینه مآذونیت ویرم جکدر.

۱۳۶. — کرک ناظرلردن هر برینک خزینه‌یه وقوع و له‌جق
 اشعاراتند، و کرک بواسعاراته استناداً خزینه‌نک مرکز و طشره‌ده کی
 مأمورلرینه تبلیغ ایدم جکی مآذونیتلرده وضوح و انتظام و مضبوطیت
 محافظه ایدیلرک، شاید بر سهو وقوعنده سهو واقع سرعت و سهولتله

بولوب تصحيح اولنه بيلمك ايجون، بو باده كي اشعارات و تبليغاتك ده متسلسل صره نومروسنه تابع مطبوع وقو چانلي مواله نامه لرايله اجراسي لازم كلشدر .

۱۳۷. — خلاصه : خزينه نك غايه مساعيسي، ملتك قبول ايتديكي بودجه قانوني دائره سنده نظارتلر طرفندن ايضا ايديله جك اولان خدمات عموميه دولتك استلزام ايدليكي مصارفي ينه او قانون دائره سنده بالمراقبه وقت وزمانيله وايجاب ايدن محله تاديه ايتمكدرك. بونك ايجون واردات عموميه دولت خزينه نك شعباتي معرفتيله قبض اولوبوب مركززنده جمع ايديله جك، و مصارف عموميه دولتك تاديه سي ايجون لزومي اولان نقود خزينه نك مركززندن شعباتنه توزيع ايديلوب بالعموم تاديات خزينه نك مامورلري معرفتيله اجرا اولنه جقدر. تاديه سي طلب اولنان بر مصرفك بودجه ده كي تخصيصاتي داخنده ايضا ايدلش بر خدمت مقابل اوله رق تحقق ايتمش اولديغه خزينه ماموري قناعت حاصل ايتدكجه تاديه به مجبور اوليه جق، و تادياتنده مقيس عليه اتخاذا ايدمكجي تخصيصات ايشك تعلق ايتديكي نظارت طرفندن ويريلوب مركز خزينه طرفندن بودجه به مطابقي تدقيق ايدلدكدن صكره تبليغ ايدلش حواله نامه لره مستند اوله جقدر .

۱۳۸. — معاملاتك شو صورتله ايفاسندن صكره، نظارتلردن هر برى بودجه قانونيله كندولرينه ويريلان مخصصاتي نه صورتله استعمال ايتدكلرينك حسابي هيئت قانونيه ويرمكچلري كي، خزينه دخي اول بودجه نك دوره حسابيه سي ظرفنده، هانكي نوع وارداتدن نه مقدار

تحقق و تحصل ایدوب نظارتلردن هر برینک مخصوصاتندن هانکی فصل و ماده لرینه محسوباً قاچ غروش تأدییه ایتدیکنی مین اوله رق دولتک عموم حساب قطعین کذلک هیئت قانونیه ویره جکدر.

۱۳۹. — بو حسابلری هیئت قانونیه نامنه علی المفردات تدقیق ایدجک اولان هیئت ایسه ربوانه محاسبات در. فقط معاملاتک ایفاسندن صکره پایله جق تدقیقاند نه قدر التزام جدیت ایدیلور ایسه ایدلسون، برسنه حسابنک بویله جه طویلانوب تدقیق ایدیله بیللمسی دوره حسابیه نك ختامندن لااقل برایکی سنه مرورندن صکره ممکن اوله جفته نظراً، شاید کوریلجک یولسزقلر اوزرینه مسیبلری حقنده معاملات لازمه قانونیه نك صورت مؤثرده ایفاسی اکثریا ممکن اوله میه جفتدن؛ بوکی یولسزقلرک خزینہ نی براسر واقع قارشوسنده بولندیر مزدن اول منعه امکان بولنق اوزره، بزده اصول محاسبه عمومیه قانونی موجینجه ربوانه محاسبه برده انای معامله نده مراقبه هقی و برطسه اولمقله؛ نظارتلردن هر برینک طشره ده کی وکیللرینه ویره جکلری تخصیصات حواله نامه لری ایله مرکز وزنه سی اوزرینه ویره جکلری اعطا امرلری دیوان محاسباتک ویزاسندن تکمک لازم کلور.

۱۴۰. — مع هذا خزینہ نك مرکز و شعباتنک معاملات یالکیز وارداتک قبضیه بودجه مصارفنک تأدییه سنه منحصر قالمیوب، غایه مقصود اولان خدمتک ایفاسی ایچون بالاده تعریف اولندیقی اوزره، بربرینه پاره کوندرمک، اماناته وضع ید ایتک و علی الحساب تأدیاته بولنق کی برچوقده معاملات نقدیه ایفا ایدیله جکدرکه؛ معاملات مذکوره هیئت

قانونیه نك ارادینی بودجه حساب قطعیه سنه تعلق ایتمامکله برابر ، سو استعمالندن وظائف دولتك سرعت وانتظام تمشیتنه خلل کلمک وضایعاتندن خزینة دولته ضمان ترتب ایتمک اعتباریله بشقه جه شایان تدقیق بولندی کبی؛ خزینة نامنه ماله وضع یدایدن بر مأمورك، بر مدت معینه نظر فنده هر نه صورتله اولور ایسه اولسون، النندن کچن مبالغدن «بودجهیه تعلق ایدنلر شونلردر» دیو ویردیکی بر حسابک صحتنه قناعت حاصل ایدمک ایچون، النندن کچن بالعموم مبالغک نه نام ایله النوب نه نام ایله ونه صورتله صرف ایتدیکنی کورمک بالطبع لازم کله جکندن؛ بونی ده ینه دیوان محاسبات اداره حسابی (Compte de gestion) (اولجه ذات وزمان حسابی دینلور ایدی) نامیله تدقیق ایدر، وبر محاسب مسئول زمان مأموریتنه عائد اداره حسابی ویرمدکجه اکتساب برائت ایده مز .

خزینة نك مرکز وشعباتنده طوتیله جق دفاتر

۱۴۱. -- بورایه قدر بیان و ایضاح اولنان قواعد ومناسباتدن مستبان اولدینی اوزره خزینة نك مرکز وشعباتنده طوتیله جق دفاتر باشلوجه ایکی نوع اوله جقدرد. برنجیسی بودجه معاملاتنه مخصوص ایکنجیسی بودجهیه تعلق ایتمیان معاملات نقدیهیه مخصوص .

۱۴۲. -- برنجی نوع دفاتر دخی ایکی قسم اولوب ، برنجیسی واردات دفتری ایکنجیسی مصارف دفتری در .

۱۴۳. -- ایکنجی نوع یعنی معاملات نقدیه دفاتری دخی ایکی قسم اولوب، برنجیسی واردات بودجه سنه ویا واردات محلییه تعلق ایتمیان تخصیلاته،

وايكنجيسى مصرف بودجه سنه ويا محلنه حواله ايدلمش تخصیصاته تعلق ايتيمان صرفیساته مخصوص بولور . بناءً عليه واردات خزینة به تعلق ايتيمان هر درلو امانات ايله بر معامله نتیجه سنده وارداته محسوب ويا صاحبنه رد اولمق اوزره آلان دیپوزیتور ، ویا بر شعبه خزینة نك واردات محیلة سنه تعلق ایتیموب دیگر بر شعبه خزینة نك وارداتندن اول شعبه نامنه قبض ایتدیگی مبالغ ، وخارجدن استقراض طریقيله الدینی پاره لر هپ بو ایکنجی نوعك یعنی معاملات نقدیه دفترلرینك برنجی قسمنه داخل اولور . بوكا مقابل نقود وانشیای قبض و صرفه مأمور اولانلرك اداره لرندن متكون ذمتلری ، ویا بر شعبه خزینة نك بر معامله نتیجه سنده بودجه مصارفه محسوب ویا نقداً استرداد ایتك اوزره علی الحساب طریقيله وقوعبوله حق صرفیاتی ، ویا محلنه حواله ایدلمش اولیسان مخصصات اوزرینه اخر بر شعبه خزینة حسابنه تأدیة ایدمچکی مبالغ ، وفضله واردات اوله رق احتیاط خزینة سنه چیقاریلان پاره لر مذکور ایکنجی نوعك ایکنجی قسم دفاترینه داخل اولور .

۱۴۴ . — انجق بر محاسب مسئول کندو مسئولیتی تحتنده وقوعه کلان حرکات قیمیه نك توازننی تعقیب ایدوب كرك بودجه به و كرك معاملات نقدیه به متعلق اوله رق زمان اداره سنده کی معاملات عمومیه سنك حسابنی ، یعنی دیوان محاسباتك کندوسندن ارایه جنی اداره حسابنی ویره بیلیمك انجقون ، معاملات مذکور ه سنی حسابات اکیفرافیه اوزرینه مؤسس بر دفتر کیره اجمال ایتیمی لازم کلورکه ، تعلیمات موضوعه مزده بو خدمتی ایفا ایدمچك اولان دفتر « اساسی دفتری » در .

۱۴۵ . — ایملدی خزینهنك عموم حساب قطعیمی هر شعبه خزینهنك کندوسی ایچون طوتهجفی اساس دفتری اوزرندن چیقا . ریله جق اولان شهریه اجماللرینك توحیدندن حاصل اوله جق ، و بودجه و معاملات نقدیه دفترلریله بونلرک اقسامی اساس دفترینك معاونه دفتاری موقعنده قاله جقدر .

۱۴۶ . — اجمال قیود معامله سی ایسه شعبات خزینهنك اک ابتدائیسندن طوغریدن طوغری محاسبه عمومیه اداره مرکزیه سنده جمع ایدلک صورتیله یاییلمیوب ، قضا حسابلرینك لوا مرکز لرنده ، ومع ملحقات لوا حسابلریله بونلرکی بعض ولایت مرکز لرینه مربوط مؤسسات حساباتنك ولایت مرکز لرنده ، ومع ملحقات و توابع ولایت اجماللرینك محاسبه عمومیه اداره مرکزیه سنده جمع و تلفیقی صورتنده علی الدرجات اجرا ایدیله جکندن ؛ لوا و ولایت مرکز لرنده ، محاسب مسئولک طوغریدن طوغری مسئولیتی تحتده جریان ایده جک معا . ملاتک جمعنه مخصوص اساس دفتردن ماعدا ، ملحقات و توابع حسابایا . تنك جمع و تلفیقنه مخصوص اجمال دفترلری دخی بولنه جقدر .

۱۴۷ . — بو صورت اجمالده ایکی فائده واردر . برنجیمی پک متعدد ونسبه اک کوچک مأمورلرک تحت اداره سنده بولسان شعبات ابتدائیه حساباتنك کرک تعقیبنده و کرک وقوعی ملحوظ اولان سهویاتی کوروب وقت و زمانیه تصحیحخنده کندولرینه اک یقین اولان مأمورک وظیفه دار بولندیرلمسیله ، حساباتک مطلوبه موافق صورتده

تنظیم و جمعده تأمین سرعت و سلامت ایدلمسی؛ وایکنجیسی ده هر ولایت ویا لوانک ملحققات و توابعی معاملات مالیه سندن خبردار اولسی در .

۱۴۸ . — متعدد اساس دفترلندن استخراج اولنه جق شهریه جدوللری طویلا نوب لوا و ولایت ونهایت خزیننه اجمالی وجوده کله جکی کبی، بر اساس دفترنده کی قیود دخی بیان اولنان معاونه دفترلینه و معاونه دفترلری ده ایجابنه کوره مفردات دفترلینه استناد ایده جکدر .

۱۴۹ . — الیوم طوتیله جق اولان مفردات دفترلری شونلردر :
برنجی نوعك برنجی قسمندن :

املاك ویرکوسی مفردات دفتری	} واردات دفتری نه مأخذدر
تمتع « « «	
طریق بدل نقدیسی « « «	
اعشار ملترزم « « «	
اغنام تعداد جدوللری	
اعشارك امانه اداره سنده اعشار	
اداره سنده طوتیله جق معشر	
دفترلیله عینات ادخالات دفتری	

برنجی نوعك ایکنجی قسمندن :

صرفیات مفردات دفتری	} تخصیصات وحوالات دفتری نه مأخذدر
معاش مصرف «	

ایکنجی نوعك برنجی قسمندن :

امانات دفتری (معاونه و مفردات دفتری مزاج ایدلمشدر)

ایکنجی نوعك ایکنجی قسمندن :

صرفیات موقته دفتری (معاونہ و مفردات دفتری مزج ایدلمشدر)
اشخاص ذمی » (بشقہ جہ معاونہ دفتری یوقدر)

اساس دفتری

۱۵۰. — اساس دفتری شعبات خزینہ دن هر برینک حسابات
ایکفرافیه سنی احتوا ایدوب، محاسب مسئولک اداره حسابی و خزینہ نک
عموم حساب قطعیت نک اجزای مرکبہ سنی صورت متوازنہ اجمال
واحضار ایدہ جک اولان دفتردر .

۱۵۱. — بو دفتر علی العادہ اصول دفتری ده دفتر کبیر نامی
تختندہ معلوم اولان دفتردن عبارت ایسده ؛ طشرمجه زمت و مطلوب
تعبیرلری هنوز پک مأنوس اولمیدیغنه بناء، صورت قید و املاسنده
مأمورلری ممکن مرتبه خطایه دوشمکدن وقایة. هر بر حسابک صاغ
صحیفه سنه زمت وصول صحیفه سنه مطلوب دنیلہ جک یرده، هر بر حسابک
ذمتی نه کبی معاملاتنی احتوا ایدہ جک ایسه او معاملہ بی افهام ایدہ بیله جک
بر تعبیر ایله صاغ صحیفه سی، و مطلوبی نه کبی معاملاتنی احتوا ایدہ جک ایسه
انی افهام ایدہ بیله جک دیگر بر اسم ایله ده صول صحیفه سی توسیم ایدیلہ رک
هر بر حسابک صاغ وصول صحیفه لرینہ کا کوره سرلوحہ لر آچلمشدر.

۱۵۲. — بو دفتر بالعموم شعبات خزینہ ده عینی صورتله
طوتیلہ جق ایسده ؛ قضا مال صندوقلرنده بودجه مضارفی لوا نام
و حسابنه اولہ رق اجرا ایدیلوب سندلر نقد مقامندہ لویاہ کوندریله جکی
جهتله، قضا مال صندوقلرینک اساس دفترنده بالطبع مصرف حسابلری
بولنمیه جنی کبی ؛ لوارک ارسالات نقدیه سی ولایتلره اجرا ایدیلوب
خزینہ ایله ملحق لوارل آرمه سنده مراسلات نقدیه بولنمیه جنی جهتله ،

لوا و ولایت اساس دفتر لرنده ارسالات مذکورہ بشقہ بشقہ حسابلرده
طویلانیق لازم کله جکندن ؛ و مؤسساتک ایسه اکثریا قضا ویا لوا
و ولایت مال صندوقلرنده وقوعبولیان خصوصی برطاقم معاملات
بولنه جقندن ؛ شعبات مذکورہ نک اساس دفتر لرنده کی حسابات اره سندمه
بعض مرتبه فرق بولنقی طبعیدر.

۱۵۳. — قضا مال صندوقلرنک اساسی دفتر لرنده آچیله جق
اولان حسابات شونلردر :

حسابات	ذمت یعنی صاغ صحیفه سی	مطلوب یعنی صول صحیفه	نوع حساب
۱. — واردات عمومیه	ارسالی لازمکلان تحصیلات	تحقق ایدن واردات	بودجه حسابی
۲. — سنه حالیه واردات متحققه سی	تحقیق ایدن	تحصیل اولنان	» »
۳. — سنین سابقه وارداتی	» »	» »	» »
۴. — مرکزہ ارسالات	ارسال اولنان	خزینہ حساب جاریسنه نقل اولنان	حساب انضباطی
۵. — مرکز دزن مأخوذات	خزینہ حساب جاریسنه نقل اولنان	الن	معاملات نقدیه حسابی
۶. — امانات	رد اولنان	»	» »
۷. — دیگر صندوقلر نامنه تحصیلات	خزینہ حساب جاریسنه نقل اولنان	تحصیل اولنان	» »
۸. — دیگر صندوقلرک مأخوذاتی	آخر قضا ده اولنان	خزینہ حساب جاریسنه نقل اولنان	» »
۹. — صرفیات موقته	ویریلان	استرداد اولنان	» »
۱۰. — اشخاص ذمئی	تحقق ایدن	تحصیل اولنان	» »
۱۱. — مدت متممه تحصیلاتی	خزینہ حساب جاریسنه نقل اولنان	» »	حساب انضباطی
۱۲. — خزینہ حساب جاریسی	ارسالاتدن نقل اولنان	تحصیلات و مأخوذاتدن نقل اولنان	» »
۱۳. — وزنه	مقبوضات	مدفوعات	معاملات نقدیه

مذکور اون اوج حسابك صاغ و صول صحیفه لری نه کبی معاملاتك قیدینه مخصوص اوله جنی کوستریلان سر نامه لرندن اکلشیلور ایسه ده؛ هربری حقنده بردرجه ده ایاضاحات اعطاسی فائده دن خالی دکدر .

۱۵۴. — واردات عمومیه حسابی . — بو حساب واردات بودجه سنی تشخیص ایدر . وارداتك طرح و تحصیلنه خزینهی مأذون قیلان بودجه قانونی در . فقط قانونك امری وارداتی تحقق ایتدیرمکه حاصل اولوب ، قانون دائره سنده تحقق ایتدیریلان وارداتی ینه او قانون دائره سنده وقت و زمانیه ماوضع لهنده استعماله آماده بولندیرمق لازمدر . بناءً علیه واردات تحقق ایتدیکجه بو حساب الهجقلى اولور یعنی بو حسابك مطلوبنه یازیلور . و بونك مطلوبی اهالیء مکلفه نك ذمتده اولدینی جهتله ، هر قضاده اهالیء مکلفه یی تشخیص ایدن زیرده کی ایکی حساب عائدیتنه کوره ذمت یازیلور . تحقق ایدن واردات تحصیل اولندیکجه واردات عمومیه حسابی کندو حقى استیفا ایتیش اوله جقندن ، بالطبع بورجلى اولور یعنی تحصیلات مقداری بو حسابك صاغ صحیفه سنه یازیلورق زیرده تعریف ایدیله جك اولان ۱۲ نجی خزینه حساب جاریسی حسابك مطلوبنه نقل اولنور .

۱۵۵. — سه مالیه واردات موفقه سی رسنیه سابقه وارداتی . — بو ایکی حساب ماهیه بردر . هر ایکسی قضااتك اهالیء مکلفه سنی تشخیص ایدر . برنجیسی اهالیء مکلفه اوزرنده یکی سنه حسابنه تحقق ایدن وارداتی و ایکنجیسی ده اولکی سنه لر ظرفنده تحقق ایتیش اولان وارداتك بقایاسیله مذکور سنه لر حسابنه اوله رق شاید یکی سنه ظرفنده

تحقق ایدن و ارداتی کو سترر . تحقق ایدن و اردات سنه سنه کوره بو حسابلردن برینک ذمتنه یعنی صاغ صحیفه سنه یازیلور . بناءً علیه بونلرک ذمت یعنی صاغ صحیفه لری و اردات عمومیه حسابنک مطلوب یعنی صول صحیفه سنه تقابل ایدر . تحقق ایدن و ارداتدن تحصیل اولندقجه تأدیته کوره بو حسابلردن برینک مطلوبه و وزنه حسابنک ذمت یعنی صاغ صحیفه سنه یازیلور .

۱۵۶. — مرکزہ ارسالات . — قضانک لوايه و یا مرکز ولایتہ کوندرہ جکی مبالغہ قیدینه مخصوص در . ارسال اولنان مبالغہ بو حسابنک ذمت یعنی صاغ صحیفه سنه ، وبالطبع وزنه حسابنک مطلوب یعنی مدفوعات صحیفه سنه یازیلور . بالادہ دخی بیان اولندیفی اوزره قضادہ لوانک نقد حوالہ نامہ سنه استناداً وقوع بولہ جق صرفیات لوا نامہ تأدیہ اولنوب سندلری نقد مقامندہ ارسال ایدیلہ جکندن ، بوکی صرفیات دخی نقداً لوايه کوندرلش کی مرکزہ ارسالات حسابنه ذمت قید اولنہ جقدر . شعبانک بالعموم و اردات تحصیلاتی خزینہ کوندرلک قاعدہ اساسیه اولدیفی جهتله ، قضانک تحصیلاتی خزینہ ک قضامال صندوقندن مطلوبی دیمک اولہ جفی کی ؛ قضانک بالعموم ارسالات و صرفیاتی دہ خزینہ ذمت قید اولنقی لازم کله جکندن ، ارسال اولنان مبالغہ آی نہایتندہ خزینہ حساب جاریسنہ ذمت قیدیلہ مرکزہ ارسالات حسابنک مطلوبه کچیریلوب مرکزہ ارسالات حسابی ہرای نہایتندہ تسوہ ایدیلور یعنی ابکی طرفی مساوی حالہ کتیریلور .

۱۵۷. — مرکزہ مائوزات . — بو حساب مرکزہ ارسالات حسابنک عکسی در . قضادہ صرف اولنقی اوزره لوانن قضایہ کوندریلان

مبالغی کو سترر. لودن پاره کلدکجه بو حسابك مطلوبه و بالطبع وزنه نك
ذمتنه یازیلور. و بویله خزینه نامه اوله رق لودن کوندریلان مبالغ دخی
محلی واردات تحصیلاتی کبی خزینه نك اوقضاده مطلوبی تشکیل ایدم جکی
جهتله، لودن اوقضایه ورود ایدن مبالغ آی نهایتلرنده بو حسابه ذمت
قیدیه خزینه حساب جاریسی حسابك مطلوبه نقل اولنه رق اشبو
مرکزدن مأخوذات حسابی دخی هر آی نهایتنده تسویه ایدیلور .

۱۵۸. — امانات. — بو حساب اعشار ملتزماری ایله طرق
و معابر متعهدلرینك دیپوزیتو آچمه لری، وعدیه توفیقاتی و مخلفات کبی
واردات خزینه یه تعلق ایتمیان، و یا خود بر معامله نتیجه سنده وارداتله
تقاص و محسوب ایدمك و یا صاحبنه رد اولنق اوزره النان مبالغك
قیدینه مخصوص در. بو یولده بر پاره الدنجه وزنه نك ذمتنه مقابل بو حسابك
مطلوبه یازیلور. و النان مبالغدن ردیات واقع اولدجه وزنه نك مطلوبه
مقابل بو حسابك ذمتنه یازیلور. امانه آلان آچمه نك وارداتله تقاص
و محسوبی لازم کلدکده (قضاده محسوبات نامیله حساب آجیلماش اولدیفندن)
امانت بر کره نقد آرد اولنوب متعاقباً واردات نقداً تحصیل اولنمش کبی
قید یوزیدمك لازم کلور .

۱۵۹. — دیگر صندوقلر نامه تحصیلات. — بر قضا مال
صندوقچه اخر بر قضا مال صندوقنه مدیون اولان بر آدمدن تحصیلات
اجرا اولنق لازم کلمی کثیر الوقوعدر . بو معامله مدیونك بالرضا
مراجعتی اوزرینه اوله بیله جکی کبی، بالخاصه اقامتگاهنك غیری محله
مدیون اولان بر ملتزم و یا مکلف حقنده اقامتگاهنده اجرا قلنه حق

قلنه جق تعقیبات نتیجه سنده مجبوری اوله رق واقع اولور . شو حالده یاره بی تحصیل ایدن صندوقده بویه واردا ت قید اولنه ماز . چونکه واردا ت قیدی اوراده دکلدر . امانا ت حسابنده قید اولنه ماز . زیرا خزینه نك هر هانکی بر شعبه سنك حسابنده امانا ت اوله رق کوریمنا ت مبالغ عموم خزینه نك حسابنده دخی امانت اولمق، و واردا ت خزینه یه تعلق ایتمك لازم کلور . ایشته «دیگر صندوقلر نامه تحصیلات» حسابی بو مثللو تحصیلاتك قیدینه مخصوص در . بر قضا مال صندوقجه اخر بر قضا واردا تندن اوله رق تحصیل اولنان مبلغ وزنه حسابنك ذمتنه مقابل، بو حسابك مطلوبنه قید اولور؛ و بو حساب طبقی مرکزدن مأخوذا ت حسابی کبی ای نهایتلرنده خزینه حساب جاریسی حسابنك مطلوبیله تسویه ایدیلور .

۱۶۰ . — دیگر صندوقلر مأخوذا تی — بو حساب «دیگر صندوقلر نامه تحصیلات» حسابنك عکسی در . بر صندوق آخر صندوق حسابنه تحصیل ایده جکی مبالغی «دیگر صندوقلر نامه تحصیلات» حسابنه ذمت قید ایده جکی کبی؛ تحصیل ایدن صندوقك مقبوض ارسالیله ویره جکی معلوما ت اوزرینه، صاحب واردا ت اولان قضا مال صندوق، کندو واردا تندن اخر قضا ده تحصیل اولندیفی ا کلا یه جفی مبلغی عائد اولدیفی واردا ت حسابنه مطلوب و نقداً تحصیل ایتمش کبی وزنه نه

ذمت و متعاقباً و زنه سنه مطلوب قید ایدرك اشبو « دیگر صندوقلر مأخوذاتی » حسابنه ذمت قید ایده جکدر . بو حسابک مطلوبی ای غایه لرنده خزینه حساب جاریسی حسابک ذمتیه تسویه ایدیه جکدر .

۱۶۱ . — صرفیات موقته . — بو حساب امانات حسابک

عکسی در . بالاخره استرداد اولنق و یا خود اوراق مثبتیه سی التقدن صکره عائد اولدینی مصرف حسابنه محسوب اولنق اوزره علی الحساب طریقیه صرف ایدیه جک مبالغک قیدینه مخصوصدر . بو یولده وقوع بولان صرفیات و زنه نک مطلوبنه مقابل بو حسابنه ذمت قید اولنور؛ و استرداد اولندقدنه و زنه نک ذمتنه مقابل بو حسابنه مطلوب یازیلور . صرفیات موقته دن بر مبلغک اوراق مثبتیه سی التوبده مصارف سائره مثللو مرکزہ ارسالات حسابنه محسوبی لازم کلدکده، ویریلان پاره بر کره نقداً النمش کبی و زنه یه مقبوضات یعنی ذمت، و صرفیات موقته یه مطلوب یعنی استرداد قید اولندقدن صکره، ینه نقداً صرف اولنمش کبی و زنه یه مطلوب و مرکزہ ارسالات حسابنه ذمت قید اولنق اقتضا ایدر .

۱۶۲ . — اشخاص ذمی . — بو حساب اساساً صرفیات موقته

کبی در . نقطه فرقی شودر که: صرفیات موقته مأذونیت قانونیه دائره سنده واقع بر معامله رسمیه اولدینی حالده ، اشخاص ذمی مخالف قانون بر معامله و یا تسبب نتیجه سنده و یا طوغریدن طوغری ذمت و اختلاس قصدیه ضیاعه اوغریا بوبده مسپندن تضمیناً تحصیلی لازم کلان مبالغی

احتوا ایدہ جکدر . بویولده تحصیلي تحقق ایدن مبالغ بوحسابہ ذمت
وقوعبولان تحصیلاتی بوحسابہ مطلوب یازیلور .

۱۶۳ . — اشخاص ذمی حسابہ ذمت یازماق لازمکلان بر
مبلغ هانکی حسابہ مطلوب قید ایدمک لازمکه چکنه کانجه : بو
مسئله ده نظرد دقته آله حق نقطه لریک متعدد ومتنوع اولمغله برابر ؛
قضا مال صندوقلرنده کی صرفیاتک قضا ده ارسالات قید اولنهرق لوا
مرکزنده مصرف حسابہ بکچورلمسندن طولایی بدرجه ده متخالف
بولندیغندن ، بو بایده لوا اساس دفترله دوره حسابیه ومدت متممه
بخلرنندن صکره تفصیلاً ایضاحات ویریه جکدر . شمیدیک شوراسی معلوم
اولمیدرکه : اشخاص ذمی حسابی دیگر حسابلر کی قانون ونظام
وتعلیمات داخلنده ایفا اولنان بر معامله مستند اولمیوب ، بالعکس
قانوننمز نظامنمز و اصول وتعلیماته مخالف بر صورتده اکسیلان
قیمتلی کوستره مک مخصوص بولندیغندن ؛ بوضورتله اکسیلان قیمت
بشقه هیج بر حسابہ قید اولنمش اولمیوبده طوغریدن طوغری
قاصه دن النمش ایسه یعنی هیج برنام ویرمیه رک وزنه موجودندن
النمش ایسه ، اشبو نقصان وزنه حسابنه مدفوعات یعنی مطلوب یازیلوب
اشخاص ذمی حسابہ ذمت قید اولنور . اکسیلان قیمت برنام ویرمش
مثلاً برکونه اوراق مثبتیه مستند اولمیه رق فلان تحصیلدارک معاشی دیو
مالیه مصرفه قید اولنمش ایسه ، تحصیلدارک او معاشی خزینهدن طلب

ایتمکه حتی باقی اولدیغندن، و تحصیلدارک پاره یی آلدیغنه دائر سندی محاسب مسئول طرفندن ابراز اولمقدجه مالیه نك بودجه سی او مصرفی قبول ایدمه یه . چکنندن، یعنی مالیه ناظری دائره سنك تخصیصا سندن او قدر پاره نك اکسلمسینه راضی اوله میه جغندن، اوراق منبته سی ابراز اولنه میان مذکور مبلغ مالیه مصارفی حسابنك ذمتندن تنزیل ایدیلهر ك اشخاص ذمی حسابنك ذمتنده تحقیق ایتدیرمك لازم کلمور . کذلک بر مکلفک ویرکوسی تحصیل اولنه رق مقبوضی ویرمش اولوبده تحصیل اولنان پاره تحصیلدار طرفندن ذمتنه کچوریلهر ك مال صندوقه تسلیم ایدلماش اولدینی تبین ایتسه ، مکلف بورجی ویرمش اولوب خزینهنك او مکلفندن بردها او پاره یی آرامغه حتی اوله میه جفی جهتله، آرتق او پاره یی ویرکو یعنی واردات حسابنده بقایا کو سترمك جائز اوله میه جغندن ، در حال مکلفک حسابی قیادیلهر رق یعنی واردات متحققه حسابنه مطلوب یازیلهر رق — زیرده تعریف اولنه جفی اوزره قاصه ویا محسوبات حسابلرندن برینك توسطيله — اشخاص ذمی حسابنك ذمتنه کچوریلور .

۱۶۴ . — مدت منعمه تحصیلاتی — دوره حسابیه ومدت

متممه حقنده زیرده تفصیلاً ایضاحات ویریله جکی جهتله بو حسابک خدمتی بوراده تماميله آ کلاشيله ماز ایهده؛ بوراده شو قدری بیلنمک لازم کلمور که: بو حساب بر سنه بودجه سنك مدت متممه سی، یعنی ایرتسی سنه نك مارت ونیسان آیلری ظرفنده واردات متحققه دن تحصیل

اولنان مبالغه‌ی یکی سنه دفترنده قیدینه مخصوص صدر. مثلا ۱۳۲۵ سنه‌سی شباطی نهایتنه قدر تحقق ایدن وارداتدن ۱۳۲۶ سنه‌سی مارت ونيسان آيلري ظرفده تحصيل اولنان مبالغه — ۱۳۲۵ سنه‌سی دفترينه على الاصول قيد اولمغله برابر — برده ۱۳۲۶ سنه‌سی دفترنده اشبو حسابيه مطلوب ووزنيه ذمت قيد اولنور. كذلك ۱۳۲۵ سنه‌سنه ويا دهها اولكي سنه‌لره عائد اوله رق ۱۳۲۶ سنه‌سی مارت ونيسان آيلري ظرفده يکیدن واردات تحقق ايتسه، اشبو تحقيقات دخي — زيرده تعريف اولنه جنی اوزره — ۱۳۲۶ دفترينه اتملق ايتديرلمه رک ۱۳۲۵ دفترينه قيد اولنه جغدن، بو تحقيقاتدن ۱۳۲۶ سنه‌سی مارت ونيسان آيلري ظرفده وقوعبولان تحصيلات دخي اشبو مدت متممه تحصيلاتی حسابيه مطلوب ووزنيه ذمت قيد اولنور. اشبو حساب ديکاراسالات وماخو- ذات حسابلري کي خزينه حساب جاري سي حسابيله آيدن آيه قياتير- يلور؛ يعنی اشبو حسابک بر آلمق تحصيلاتی آی نهایتنده بو حسابيه ذمت وخزينه حساب جاري سي حسابيه مطلوب قيد ايديله رک، اشبو حسابک ذمت ومطلوب يکونلري آی نهایتلرنده تسويه ايديلور.

۱۶۵. — اشبو « مدت متممه تحصيلاتی » حسابيله لوا اساس دفترنده تعريف ايديله چک اولان « مدت متممه تأدياتی » حسابک کشادی اصول محاسبه عموميه قانونی موجبنجه بودحه حسابک اون درت آی دوام ايتديرلمه مستند اولديغندن، بعض محافله تصور ايدلمکده اولديني وجهله اصول محاسبه عموميه قانونک بو حکمی تعديل اولنوبده

بودجه‌نك دوره حسابیه سی سنه مالیه حصر و تخصیص اولنور ایسه
بو حسابله دخی لزوم قالماز .

۱۶۶ — خزینه حساب جاریسی — بو حساب ایسه تر قضانك
اموال عمومیه سندن تحصیل اولنمش ایسه تر صندوق آچینی اوله رق
لوان کوندرلش اولسون، اموال عمومیه دن قضا مال صندوقه داخل
اولان یاره لر ایله اشبو مقبوضاتدن نقداً و یا سنداً لوایه کوندریلان
یاره لرک اجمالاً قیدینه مخصوص اوله رق ، خزینه نك او قضا ده قاچ
یاره سی اولدیفنی کورتمک ایچون آچلمشدر . بناءً علیه بالاده کورتلدیکی
وجهله ، « سنه حالیه واردات متحققه سی » و « سنین سابقه وارداتی »
و « مدت متممه تحصیلاتی » و « مرکز دن مأخوذات » و « دیگر صندوقلر
نامنه تحصیلات » حسابلرینک صول صحیفه لرنده مرقم تحصیلاتک برر
آیلق مقدارلری هر آیک نهایتنده برر قلم اوله رق اشبو « خزینه حساب
جاریسی » حسابنک صول صحیفه سنه کچیریلیر ؛ و « مرکز ارسالات »
و « دیگر صندوقلر مأخوذاتی » حسابلرینک صاغ صحیفه لرنده مرقم مبالغک
برر آیلق یکونلری ده آی نهایتلرنده برر قلم اوله رق اشبو « خزینه
حساب جاریسی » حسابنک صاغ صحیفه سنه کچیریلیر .

۱۶۷ — شوراسی نظر دقتده بولندیلمق لازم کاورکه : اماناتک
خزینه اموالنه تعلقی اولدیغندن، آلتان امانات خزینه حساب جاریسنه
نقل اوله جنی کبی ؛ قضا ده آلتان بر امانت شساید لوانه حفظ اولنقی

اقتضا ایتمکله نقداً لوايه کوندرلمش اولسه ، بو کي ارسالات دخي نه «مرکزله ارسالات» حسابنه نهده «خزينه حساب جاريسی» حسابنه تعلق ایتدیرلميه جکدر . کذلک قضانک صرفیات موقته واشخص ذمی حسابلرینک ذمتلرنده کورینه جک اولان مبالغ خزينه نك او قضاذه کی نقود ایله برابر مطلوبی ديمک اولدینی جهتله، صرفیات موقته واشخص ذمی حسابلرینک نه ذمت نهده مطلوب قیدلرندن طولایی «خزينه حساب جاريسی» حسابنه هيچ بر شی کچورلميه جکدر.

۱۶۸ — رزنه . — مکرراً بیان اولندیی اوزره بو حساب هر نه صورته اولور ایسه اولسون مال صندوقنه کیرن واورادن چیقان نقودی کوسترر . مال صندوقنک کړک وارداتدن وکری جهات سائر دن اولسون بالعموم مقبوضاتی بو حسابنه ذمت یعنی صاغ صحیفه سنه ، و بالعموم مدفوعاتی مطلوب یعنی صول صحیفه سنه قید اولنور . بو حسابنک بقیه ذمتی ده نقداً موجود یاره نی کوسترر .

۱۶۹۔ لوا مال صندوقلرينك اساس

زمت يعنى صاغ صميفه

مصايات

- | | |
|------------------------------|-------------------------------|
| بودجهيه محسوب اولنان تحصيلات | ۱۔ واردات عموميه |
| تحقق ايدن | ۲۔ سنه حاليه واردات متحققه سي |
| » | ۳۔ سنين سابقه وارداتي |
| تخصيص اولنان | ۴۔ مخصصات |
| صرفي تحقق ايدن | ۵۔ حوالات |
| صرف اولنان | ۶۔ معاشات ذاتيه |
| » | ۷۔ ماليه مصارف متحققه سي |
| » | ۸۔ دفتر خاقاني |
| » | ۹۔ داخله |
| » | ۱۰۔ امنيت عموميه |
| » | ۱۱۔ حربيه |
| » | ۱۲۔ بحريه |
| » | ۱۳۔ ژاندارمه |
| » | ۱۴۔ علميه |
| » | ۱۵۔ عدليه |
| » | ۱۶۔ معارف |
| » | ۱۷۔ اورمان ومعدن وزراعت |
| » | ۱۸۔ تجارت نافعه |
| » | ۱۹۔ اعمال حربيه |

صرف اولنان

۲۰ - . حجاز تیمور یولی مصارف

متحققه سی

- ۲۱ - . مدت متممه تحصیلاتی خزینه حساب جاریسنه نقل اولنانه
 ۲۲ - . مدت متممه تأدیاتی تأدیه اولنان
 ۲۳ - . ملحقاندن مأخوذات خزینه حساب جاریسنه نقل اولنان
 ۲۴ - . ملحقاته ارسالات ارسال اولنان
 ۲۵ - . مرکززدن مأخوذات خزینه حساب جاریسنه نقل اولنان
 ۲۶ - . مرکززه ارسالات ارسال اولنان
 ۲۷ - . اخر صندوقلرنامه تحصیلات خزینه حساب جاریسنه نقل اولنان
 ۲۸ - . اخر صندوقلر مأخوذاتی اخر قضاده تحصیل اولنان
 ۲۹ - . امانات رد اولنان
 ۳۰ - . صرفیات موقته تأدیه اولنان
 ۳۱ - . اشخاص ذمی تحقیق ایدن
 ۳۲ - . تقاعد صندوقلری امانات تأدیه اولنان
 و صرفیاتی
 ۳۳ - . خزینه حساب جاریسی ارسالات و صرفیات
 ۳۴ - . بانق عثمانی تودیع اولنان
 ۳۵ - . مناقلات نقل اولنان
 ۳۶ - . محسوبات محسوباً النان
 ۳۷ - . وزنه مقبوضات

تحقق ایدن	بودجه حسابی
تحصیل اولنان	حساب انضباطی
خزینہ حساب جاریسنہ نقل اولنان	»
ورود ایدن	معاملات نقدیہ
خزینہ حساب جاریسنہ نقل اولنان	»
ورود ایدن	»
خزینہ حساب جاریسنہ نقل اولنان	»
تحصیل اولنان	»
خزینہ حسابی جاریسنہ نقل اولنان	»
النان	»
استرداد اولنان	»
تحصیل اولنان	»
النان	»
مأخوذات و تحصیلات	»
استرداد اولنان	معاملات تقدمہ
نقل اولنان	حساب انضباطی
محسوباً ویریلان	»
مدفوت	معاملات نقدیہ

۱۷۰. — کوریلپور که قضا مال صندوقلرنده کی اساس دفتر-
لرینه نظر آ لوا اساس دفترلرنده فضله اولان حسابلر مخصصات حوالات
دوائر مصارفی، مدت متممه تأدیاتی، ملحقاته ارسالات، ملحقاتدن
مأخوذات، تقاعد صندوقلری امانات و صرفیاتی، بانق عثمانی، مناقلات،
محسوبات [حسابلریدر .

۱۷۱. — قضا اساس دفترلرنده بولنان [واردات عمومیه، سنه
حالیه واردات متحققه سی، سنین سابقه وارداتی، مدت متممه تحصیلاتی،
مرکزه ارسالات، مرکزدن مأخوذات، امانات، صرفیات موقته،
اشخاص ذمی، خزینه حساب جاری سی، دیگر صندوقلر نامه تحصیلات،
دیگر صندوقلر مأخوذاتی، وزنہ [حسابلرینک لوا اساس دفترلرنده
صورت قیدلری طبق قضاده کی کبی اولدیغندن بو بایده تکرار تعریفاته
لزوم یوقدر .

۱۷۲. — مخصصات . — بو حساب دوائر مختلفه نك مخصصاته
محسوباً ولایتدن ویریلن حوالاتک اصلیه تأدیاتک قیدینه مخصوص صدر.
هر هانکی بر دائره نك تخصیصاته محسوباً ولایتدن تخصیصات حواله
نامه سی ورود ایتدکجه، محتویاتی زیرده تعریف اولنان حوالات حسابنک
صول صحیفه سنه مقابل بو حسابک صاغ یعنی « تخصیص اولنان » صحیفه سنه
کجیریلور؛ و مخصصات مذکوریه محسوباً بر آی ظرفنده تأدیه اولنوب
دوائر مصارف متحققه سی حسابلرینه قید اولنان مبالغ، آی غایه سنده بر
قلم اوله رق، خزینه حساب جاری سنک صاغ صحیفه سنه مقابل بو حسابک
صول صحیفه سنه کجیریلور. « واردات عمومیه » حسابی واردات بودجه سی

تشخیص ایلدیککی کبی اشبو «تخصیصات» حسابی دخی مصرف بودجه‌سی کو سترر .

۱۷۳. — هوالات . — بو حساب دوائر مختلفه تخصیصاتندن لوايه کلان حوالات ايله بونلردن صرفی تحقق ایدن مبالغک قیدینه مخصوصدر . لوايه کلان حواله نامه لرك محتویاتی بالاده تعریف اولنان تخصیصات حسابنک صاغ صحیفه‌سنه مقابل بو حسابنک صول صحیفه‌سنه، و حوالات مذکور دن مصرف تحقق ایتدکجه دائره عائدہ‌سی مصارف متحققہ‌سی حسابنک صول صحیفه‌سی مقابلنده بو حسابنک صاغ صحیفه‌سنه یازیلور .

۱۷۴. — دوائر مصارف متحققہ‌سی . — لوايه ورود ایدن حوالاته استناداً هر هانکی دائره نامنه بر مصرف تحقق ایدر ایسه حوالات حسابنک صاغ صحیفه‌سنه مقابل عائد اولدینی دائره‌نک مصارف متحققہ‌سی حسابنک صول صحیفه‌سنه، و تأدیاتی دخی اشبو حسابنک صاغ صحیفه‌سنه قید اولنور . دوائر مصارف متحققہ‌سی حساباتنک عددی آبرو بودجه‌سی اولان دوائرک عددنجه تعیین ایدلمش اولوب، بالکزر طشره‌ده معاملات اوله میه‌جق اولان «تخصیصات سنیه» و «مجلس عمومی» و «دیوان محاسبات» ايله «خارجیه نظارتی» ناملرینه حساب آچلما مشدر . دیون عمومیہ بودجه‌سی دخی قسماً دیون عمومیہ عثمانیه واردات مخصصه اداره عمومیہ‌سی طرفندن و قسماً خزینہ اداره مرکزیه‌سی سنجه اجرا ایدیلرک، دیون عمومیہ بودجه‌سندن طشره مال صندوقلرینه تعلق ایدیه بيله‌جک معاملات معاشات ذاتیه تحققات و تأدیاتندن عبارت بولمغله،

دیون عمومیه دنیله جك یرده معاشات ذاتیه نامی تحتند حساب آچلمشدر. کذلک رسومات و پوسته اداره لرینک طشره معاملاتی مرکز و زنه لرینه تابع شعباتی معرفتیه آیروجه اداره اولنهرق مال صندوق لرینه تعلق ایستیرلماکده اولدینی جهتله، مال صندوق لرینک اساس دفترنده پوسته و رسومات اداره لری مصارفی نامنه دخی حساب آچلما مشدر.

۱۷۵. — حجاز تیمور یولنک ایشلمه واردات و مصارفی حیفاده بولنان ایشلمه اداره سی طرفدن قبض و صرف اولنهرق اداره مذکوره دخی مرکزله مربوط بر مؤسسه حالنده بولندینی جهتله، مال صندوق لرینک اساس دفترلرنده آچلمش اولان «حجاز تیمور یولی مصارف متحققه سی» حسابنک احتوا ایده چکی مصارف حجاز تیمور یولی اعانه سنه مخصوص قیمتی اورا قک صا تشندن طولایی و یریله جك عائدات بیعیه دن عبارتدر. عائدات مذکوره ایچون مال صندوق لرینک اساس دفترلرنده بویله بر حساب مخصوص کشادی ایسه عائدات مذکوره مخصصاتنک حجاز تیمور یولی بودجه سنه وضع ایدلمش اولمسنه مستند اولوب؛ حالبوکه ۳۲۷ سنه سی بودجه لایحه سنده عائدات مذکوره مخصصاتی حجاز تیمور یولی بودجه سندن چیقاریلهرق بالعموم واردات دوات مصارف تحصیلیه سی کبی مالیه بودجه سنک فصل مخصوصنه ادخال اولنمش اولمغله، سنه مذکوره بودجه سی او یله جه تصدیق اولندینی حالده ۳۲۷ دن اعتباراً اراق اساس دفترلرنده حجاز تیمور یولی مصارفی نامیله آیرو بر حساب بولندیر. لمسنه لزوم قالمیهرق، عائدات بیعیه اعشار و اغنام مصارفی کبی مالیه مصارف متحققه سی حسابنه قید اولنلق لازمکله جکدر.

۱۷۶. — مدت منقسمه تأریاتی. — بو حساب، بالاده «مدت

متممه تحصیلاتی» حسابی حقنده کی تعریفات میاننده (فقره ۱۶۴ و ۱۶۵) ایضاح اولدینی اوزره، مدت متممه تحصیلاتی حسابنك عكسی اوله رق، برسنه بودجه سنك خدما تندن طولایی مدت متممه، یعنی ایرتسی سنه نك مارت ونیسان آیلری، ظرفنده تأدییه اولنان مبالغك یكی سنه دفترینه قید اولنه بیللمسی ایچون آچلمشدر. شویله كه: هر هانكی دائرة بودجه سنه عائد اولور ایسه اولسون، ۱۳۲۶ سنه سی مخصوصانه استناد آسنه مذ کوره شباطی غایه سنه قدر وجوده کتیریان برایشدن ویا اکتساب اولنان برحقدن طولایی ۱۳۲۷ سنه سی مارت ونیسان آیلری ظرفنده وقوع بولان تأدیات، ۱۳۲۶ سنه سی اساس دفترنده عائد اولدینی دائرة مصارف متحققه سی حسابنه قید اولمغله برابر، عینی زمانده ۱۳۲۷ سنه سنك اساس دفترنده دخی، اشبو مدت متممه تأدیاتی حسابنك صاغ یعنی تأدییه اولنان ووزنه حسابنك صول یعنی مدفوعات صحیفه سنه کچور یله جکدر. بو حساب دخی آیدن آیه خزینه حساب جاریسی حسابیله قیاتدیریلور یعنی اشبو حسابك برآیلق تأدیاتی آی نهایتنده بو حسابه مطلوب و خزینه حساب جاریسی حسابنه ذمت قید اولنه رق اشبو حسابك طرفینی مساوی حاله کتوریلور.

۱۷۷. — قضا مال صندوقلری نك اساس دفترلرنده مصرف حسابلری آچلماش اولدینی جهتله بالطبع مدت متممه تأدیاتی حسابی دخی آچلماشدر.

۱۷۸. — ملحقا تندن مأخوذات و ملحقاته ارسالات و مردزه ارسالات و سرکزدن مأخوذات حسابلری طبق قضا اساس دفترنده کی

مرکزہ ارسالات و مرکز دزن مأخوذات حسابری کیدر . یالکز لوا دفترندہ کی مرکزہ ارسالات حسابی مرکز ولایتہ ارسال اولنان مبالغی، و مرکز دزن مأخوذات حسابی دہ مرکز ولایتدن لواہ ورود ایدن مبالغی احتوا ایدہ جکدر . قضا لک مرکزہ ارسالات حسابہ قید ایدرک مرکز لواہ کوندرہ جکلری مبالغ، لوا اساس دفترندہ بالطبع ملحقاتدن مأخوذات حسابہ قید ایدیلہ جک، ولوادن قضایہ کوندریلوب دہ قضا دہ مرکز دزن مأخوذات حسابہ قید ایدیلہ جک اولان مبالغ دخی، بالطبع لوا اساس دفترندہ ملحقاتہ ارسالات حسابہ قید ایدلش اولہ جقدر .

۱۷۹. — مستقل سنجاقلر برولایتہ بارہ کوندرمیوب وارداتی طوغریدن طوغری خزینہ یہ کوندرہ جکلرندن، مستقل برلوانک اساس دفترندہ مرکز ارسالات و مرکز دزن مأخوذات حسابرینک یرلرینہ — ولایت بختدہ بیی ولنہ جنی اوزرہ — خزینہ یہ ارسالات و خزینہ دن مأخوذات حسابری کشاد اولنہ جقدر کہ بونارک صورت قیدی طبقی اوتہ کیلر کیدر .

۱۸۰. — بانق عثمانی — بو حساب بانق عثمانی ایلہ حساب جاریسی اولان لوالردہ مال صندوقدن بانق عثمانی شعبہ سنہ تودیع اولنان و تودیعات مذکورہ دن استرداد اولنان مبالغ قیدینہ مخصوصدر . بانق عثمانی شعبہ سنہ بارہ تودیع اولند قجہ و زنہ نک مدفوعات و بانق عثمانی حسابنک صاغ یعنی تودیع اولنان صحیفہ سنہ، و بانق عثمانیدن بارہ التدقجہ و زنہ نک صاغ و بانق عثمانی حسابنک صول یعنی استرداد اولنان صحیفہ سنہ قید اولنور . تأدیہ سی لازمکلان بر مصرفک مستحقنہ و زنہ دن نقد

ویریله بیله جکی کبی، بانق عثمانی اوزرینه بر چک ویرلمسی دخی ممکن اوله جفتدن، مالیه عائد بش بیک غروش بر مصرف ایچون مستحقنه وزنه دن نقداً بش بیک غروش ویرلدیکی تقدیرده، مبلغ مزبور «مالیه مصارفی» حسابنک صاغ و «وزنه» نک صول صحیفه لرینه قید اولنه جفی کبی؛ بشبیک غروشلق بانق عثمانی اوزرینه بر چک ویرلدیکی تقدیرده دخی، «مالیه مصارفی» حسابنک صاغ و «بانق عثمانی» حسابنک صول صحیفه لرینه قید اولنور. یعنی بانق عثمانی حسابی اساساً وزنه حسابنک ماهیتنده در.

۱۸۱. — منافعت — بو حساب وزنه ایله بانق عثمانی آره سنده دوران ایدمک نکودى کوسترمک اوزره آچلمش بر حساب انضباط طى درکه، خدمتی ده شهریه جدوللرینک قوتورولی بختنده کوریه جکدر. وزنه دن بانق عثمانی یه پاره تودیع اولندجه و بانق عثمانیدن وزنه یه پاره آلدنجه تودیع واسترداد اولنان مبالغه وزنه و بانق عثمانی حسابلرینه بروجته تعریف قید اولنمسه برابر، بر کرده اشبو «مناقلات» حسابنک طرفینه کچوریله جکدر.

۱۸۲. — محسوبات — بو حساب نقداً وزنه یه پاره کیرمکسزین و یا نقداً وزنه دن پاره چقیمکسزین واقع اولان تحصیلات و تادیاتک قیدینه مخصوصدر؛ یعنی تحصیلات و تادیات حسابلری یالکز وزنه و بانق عثمانی حسابلریله معامله یایمبوب مصرفدن ایراده و ایراددن مصرفه نقل و محسوب اولنان اچمه لر دخی بولنه جفتدن، بو کبی نقاضی محسوب و تعبیر دیگرله ایراد مصرف صورتیه قارشولاشدیریلان آله جتی ویره جکلرک مقدارینی اشبو محسوبات حسابی کوستره جکدر. ایمدی ملحق بر قضا

صندوقنده مالیه مصرفه تأدیه اولنوب مرکزہ ارسالات قید اولنان بر مبلغ سندى لوايه کلدکده، لواجه فعلاً باره النوب ویرلش اولمدینی حالده، ملحق قضادن باره کلش واول مقدارده مالیه مصرفی تأدیه اولنمش کبی معامله قیدیه اجرا اولنحق لازم کله جکندن، مذکور سندك محتویاتی الواده «ماحقاقدن مأخوذات» حسابنك صول و «مالیه مصارف متحققه سی» حسابنك صاغ صحیفه لرینه، ووزنه حسابی رینه ده اشبو «محسوبات» حسابنك طرفینه یازیلور. کذلک بر ملتزمك امانات حسابنده مقید دیپوزیتوسی ملتزمك حالیه اعشارندن اولان دیننه محسوب ایدلك لازم کلدکده، مذکور دیپوزیتو «امانات» حسابنك صاغ و «سنه حالیه واردات متفقہ سی» حسابنك صول صحیفه لرینه کجورلملکه برابر، وزنه حسابی رینه ده اشبو «محسوبات» حسابنك صاغ و صول صحیفه لرینه قید ایدیلور.

۱۸۳. — شوراسی خاطرده بولنحق لازمکلور که : محسوبات حسابنك احتوا ایدہ جکی معاملات آلنه حق بر باره نك ویریلہ جک بر باره ایلہ تقاص ایدیلہ زک آلنه حق و ویریلہ جک مبالغك تسویه قیودندن عبارتدر. بناءً علیہ «ملحقاته ارسالات» و «مدت تعممه تأدیاتی» و امثالی حساباتك بر آی ظرفنده کی معاملاتك آی نهایتلرنده «خزینہ حساب جاریسی» حسابنه نقل اولنحق تقاص دیک اولمدیشندن، معاملات مذکوریه محسوبات حسابنك توسط ایتمی لازم کلز. شویله که: امانات حسابنده مقید دیپوزیتو، صاحبنه رد اولنہ حق یعنی ویریلہ جک بر باره در. ملتزمك واردات حسابنده تحقق ایتش اولان بورجی ده آلنه حق

بر پاره در. ايمدی ديپوزيتوي قاصدن چيقاروب بالفعل رد، وملتزمك ذكر اولسان بورجنى نقد اوله رق بالفعل آلتوب قاصيه وضع ايتكم كې زائد برزحمى تصرفاً ياپيلان تقاص معامله سى، عيى زمانده هم التيق هم ويرلك لازمكلان بر پاره نك تعاطيسنه لزوم قالمقسزين نتيجه مطلوبه نك استحصالى ديمك اوله جفتدن . بونده محسوبات حسابنك توسطى لازمدر. كذلك بر مصرفك قضاة تأديه اولوب سندنك لوايه كلمى، قضاة كى پاره نك لوايه كلمى ولواده او قدر غر و شلق بر مصرفك تأديه اولنش اولمى ديمك اولديغندن، معامله مذكور نك بوجه بالا قيدنده دخى «محسوبات» حسابنك توسطى مقتضيدر. فقط «ملحقان دن مأخوذات» و «ملحقاة ارسالات» و «مدت متممه تحصيلاتى» و «مدت متممه تأدياتى» و امثالى حساباتك آى نهايتلرنده «خزينه حساب جارى سى» حسابيله قياتدرلمى. بر فردك ويا اخر بر صندوق آله جفى ويا ويره جكى اولان برمبلغ ماهيت و وضعيته تأثير ايتيوب، مجرد داخل حساباتك تأمين وضوحه معطوف بر معامله انضباطيه اولديغندن، بومعاملانده «محسوبات» حسابى توسط ايتيه جكدر .

۱۸۴ — تفاعد صندوقلى امانات و صرفياتى . — بو حساب عسكرى و ملكيه و علميه تفاعد صندوقلى عائداتى اوله رق مال صندوقه كيرن، ويا بونلرك آچيقلى ايجون تخصيصات حواله سى آلان مبالغايه، صندوقر حسابنه تأديه اولنان ويا صندوقرله نقداً كوندر بلان مبالغك قيدنه مخصوصدر . شويله كه : تأديه اولنان معاش و خر جراه و تعمين بدللى اوزرندن نظامى دائره سنده توقيف اولنان عائدات

تقاعدیه بو حسابك مطلوب یعنی «آلنان» سرنامه لی صول صحیفه سنه قید اولنه جنی کبی؛ تقاعد معاشاتی آچینی ایچون مالیه بودجه سندن ورود ایدم جک تخصیصات حواله نامه سنك محتویاتی دخی علی الاصول «تخصیصات» و «حوالات» حسابلرینه کچورلمکله برابر «مالیه مصارف متحققه سی» حسابنك صاغ، و «محسوبات» حسابندن طولاشدیریلهرق اشبو حسابك صول صحیفه سنه قید اولنور. کذلک متقاعدین و ایتم و اراامل معاشاتی تأدیه اولندقجه بو حسابك ذمت یعنی تأدیه اولنان سرنامه لی صاغ صحیفه سنه قید ایدیله جکی کبی؛ توفیقات فضلہ سی اولهرق نقداً تقاعد صندوقلرینه کوندریلان مبالغ دخی «خزینیه و یا مرکز» ارسالات» حسابلرینه قید اولنمهرق طوغریدن طوغری اشبو حسابیه ذمت قید اولنور.

مثال ۱: مالیه عائد ۵۰۰۰ غروش معاش تأدیه اولنوب ۲۵۰

غروش تقاعدیه و ۵۰ غروش معزولیت

دفتر خاقانییه عائد ۲۰۰۰ غروش معاش تأدیه اولنوب

۱۰۰ غروش تقاعدیه و ۲۰ غروش معزولیت

امنیت عمومیه عائد ۳۰۰۰ غروش معاش تأدیه اولنوب

۱۵۰ غروش تقاعدیه و ۳۰ غروش معزولیت

عائداتی توفیق ایدلسه، تأدیات و توفیقات مذکور دن طولانی

بروجه زیر معامله قیدیه اجرا اولنور :

$$۴۷۰۰ = (۵۰ + ۲۵۰) - ۵۰۰۰$$

$$۱۸۸۰ = (۲۰ + ۱۰۰) - ۲۰۰۰$$

$$۲۸۲۰ = (۳۰ + ۱۵۰) - ۳۰۰۰$$

$$۹۴۰۰ = (۱۰۰ + ۵۰۰) - ۱۰۰۰۰$$

مطلوب	ذمت
مالیه مصارف منحققه سی	۵۰۰۰
دفتر خاقانی » »	۲۰۰۰
امنیت عمومی » »	۳۰۰۰
نقدیات تأدیات	۹۴۰۰
محسوبات	۶۰۰
تقاعد صندوقری امانات و صرفیاتی	۵۰۰
» » » »	۱۰۰
	<u>۱۰۶۰۰</u>
	<u>۱۰۶۰۰</u>

مثال ۲ : ملحق بر قضاوت غیر از توقیفات معاش تأدیاتنه عائد اوله رق
بروجه زیر سندات کلش اولسه

معاشك اصلی	تقاعدیه	معزولیت	اعطاسی
داخلیه عائد	۳۲۰۰	۱۶۰	۳۰۰۸
مالیه »	۲۸۰۰	۱۴۰	۲۶۳۲
علمیه »	۱۸۰۰	۹۰	۱۷۱۰
	<u>۷۸۰۰</u>	<u>۳۹۰</u>	<u>۷۳۵۰</u>
		۶۰	

مطلوب	ذمت
داخلیه مصارف متحققه سی	۳۲۰۰
مالیه	۲۸۰۰
علمیه	۱۸۰۰
بکون صرفیات	

۷۳۵۰ ملحقانیدن مأخوذات. — قضاذه نقداً تأدیه ایدیلهرک

مرکزیه ارسالات قید ایدلمش اولان

۳۹۰ تقاعد صندوقلری امانات و صرفیاتی

» » » » ۶۰

۷۳۵۰ محسوبات

» ۴۵۰ ۴۵۰

۱۵۶۰۰ ۱۵۶۰۰

۱۸۵. — بر لوا مال صندوقده بر آی ظرفنده تقاعد صندوق.

قلمینك هر بری نامه قبض و تأدیه اولنان مبالغ آی غایه سنده موازنه ایدیلهرک، مثلاً ملکیه تقاعد صندوقی نامه آلتان مبالغ مذکور صندوق حسابنه تأدیه اولنان مبالغدن فضله ایسه، فضله سی نقداً ملکیه تقاعد صندوقه کوندریله رک «وزنه» نك مطلوب یعنی «مدفوعات» صحیفه سنه واشبو «تقاعد صندوقلری امانات و صرفیاتی» حسابنك ذمت یعنی «تأدیه اولنان» سرنامه لی صاغ صحیفه سنه قید اولنور. واکر تأدیه اولنان مقداری مذکور صندوق ناهنه قبض اولنان مبالغدن زیاده ایسه، فرقی یعنی آچینی ایچون مالیه بودجه سنك ماده مخصوصه سندن حواله نامه طلب اولنهرق، حواله

نامه نك و رودنده محتوياتى بر كره على الاصول «تخصيصات» حسابنك صاغ و «حوالات» حسابنك صول صحيفه سنه پجور لم كله برابر «حوالات» حسابنك صاغ و «مالیه مصارفی» حسابنك صول صحيفه لرینه قید ایدیلهر ك تحقق ایتدیریلور و متعاقباً «مالیه مصارفی» حسابنك صاغ و «محسوبات» حسابنك صول و «محسوبات» حسابنك صاغ و اشبو «تقاعد صندوقلری» امانات و صرفیاتى حسابنك صول صحيفه سنه قید ایدیلور .

۱۸۶ . — ملكیه و علمیه و عسكرى تقاعد صندوقلرينك بالعموم امانات و تأدياتی بو حسابده جمع ایدلمش اولدینى جهتله ، بر آى غایه سنده مثلاً ملكیه تقاعد صندوقى نامه آلنان مبالغ مذکور صندوق حسابنه تأدیة اولنان مبالغدن فرضا بشیك غروش فضله اولدینى حالده ، عسكرى تقاعد صندوقى نامه آلنان مبالغ مذکور صندوق حسابنه تأدیة اولنان مبالغدن سكرز بیك غروش نقصان اولسه ، برینك فضله سی دیگرینك نقصانه قاریشه رق مذکور حسابده یالکیز اوج بیك غروش آچیق کورینه جکی بدیهیدر . انجق مذکور اوج تقاعد صندوقلرندن هر برینك حسابنه آلنوب ویریلان مبالغك آرو آرو قیدیچون برر جلد معاونه دفتری طوئيله جنی جهتله ؛ صندوقلرندن هر برینك آچیقی می یوقسه فضله سی می اوله جنی و آچیق ویا فضله نك مقصداری مذکور معاونه دفترلرندن تبیین ایده جك ، و اساس دفترنده کی «تقاعد صندوقلری امانات و صرفیاتى» حسابی مذکور اوج عدد معاونه دفترلرينك اجمالى حکمنده بولنه جقدر .

۱۸۷ — واقعا تقاعد صندوقلرندن هر برینك قانونلری و واردات

ومصارفی یعنی بودجه‌لری آبرو اولمغله. اداره مرکزیه‌لری ده آبرو اوله‌رق هر برینک واردات و مصارفی دیگر لرینه قاریش دیر یله میه جنی کبی؛ طشره مالصندوقلرنجه هر برینک حسابنه آلتوب ویریلان مبالغه دخی بکدیگرینه قاریش دیر لمقمزین هر برینک فضله‌سی ویا آچینی اساسی دفترنده آبرو آبرو کورنمک بالطبع ده‌ها طوغری اولور ایدی. فقط ۳۲۷ سنه‌سندن اعتباراً تقاعد صندوقلری حسابنه اجرا اولنه‌جق توفیقاتک واردات بودجه‌سنه، وبالعموم تقاعد و معزولیت معاشلرینک مصارف بودجه‌سنک «دیون عمومیه» قسمنه ادخالیه تقاعد صندوقلری اداره‌سنک مالیه نظارتیه ربطی منصور اوله‌رق ۳۲۷ سنه‌سنک بودجه لایحه‌سی ده اکا کوره تنظیم ایدلش اولدینی جهتله؛ تقاعده عائد معاملات حقنده طشره مالصندوقلرینک اساس دفترنده آچیله جتی حسابک شکل قطعیمی ۳۲۷ بودجه‌سنک صورت تصدیقنه کوره بعده تعیین ایدلمک اوزره، ذکر اولنان «تقاعد صندوقلری امانات و صریاتی» حسابنک آچلمسی ۳۲۶ سنه‌سنه مخصوص برتدیر عاجل و موقت دیمکدر.

۱۸۸ — ۳۲۷ سنه‌سندن اعتباراً بالعموم تقاعد و معزولیت عائداتی واردات بودجه‌سنه وبالعموم متقاعدین و ایتم و ارامل و معزولین معاشاتی سائر معاشات ذاتیه مثللو مصروف بودجه‌سنه ادخال اولنوب تقاعد صندوقلرینک اداره‌سی خزینه‌یه آلدینی تقدیرده، ارتق تقاعد و معزولیت توفیقاتنک شعبات خزینه‌جه بویله امانات ماهیتنده بولنان بر حساب قیدینه لزوم قالمیه‌رق، بونلرک واردات سائره مثللو واردات متحققه و واردات عمومیه حسابلرنده تحقق و تحصیل قید اولنمی لازم کله جکی کبی؛ متقاعدین

وايتام وارامل ومعزولين معاشاتي دخي طوغريدن طوغري ديون
عموميه بودجه سنك «معاشات ذاتيه» قسمه مصرف قيد اولنه رق تادييه
ايديله جك، واراتق خزينه نك مركز و شعبة تاءد تقاعد و معزولين
توفيقا نندن متحصل مبالغه معاشات تادياتي آره سنده كي آجقيق ايجون
بشقه جه ماليه بودجه سندن حواله استحصاليله ماليه بودجه سندن مصرف
قيدى كي مكرر معاملات دخي حاجت قالميه جقدر. يالكر متقاعدين
وايتام وارامل ايله معزولين معاشاتي قوانين مخصوصه سنه توفيقاً مطلقاً
مركز جه تخصيص اولنه رق معاش جزدانلري مركزدن ويرلك لازم
كلوب حالوكه؛ تخصيص معاش معاملاتنك سرعت اكالنه نه درجه اعتنا
ايديلور ايسه ايدلسون، ترجمه حال اورا قك تدقيق و اكالى وبالخاصه
ايتام واراملك تدقيق نسب واستحقاقى وامثالى اسبابدن طولاني. مبدأ
استحقاق ايله تخصيص معاش معامله سنك اكالى آره سنده اكثريايكي
اوج آي و بعضاً دها زياده وقت كچرك، ويريلان بر جزندانده ايكي
اوج آيلق و بعضاً دها زياده متراكم استحقاق بولمسي ضروري بولنديني
كي؛ جزؤدانلرك طشرده بولنان اصحاب استحقاقك يدلرينه وصولنه
قدرده بر مدت مرور ايد جكندن؛ و بو مدت طرفنده بر بودجه نك
دوره حسابيه سي ختام بولديني تقديرده اسكي سنه عائد متراكم استحقاقك
قانون دائره سنده تخصيصات منضمه استحصاليه قدر بر مدت دها تاخير
تاديانه مجبورييت حاصل اولمغه برابر، بر طرفدن مركز جه تنظيم واعطا
ايديلان جزندانلردن هانكيلرينك دوره حسابيه طرفنده محللرينه واصل
اولنه رق هانكيلرينك تادييه اولنه جنى و هانكيلرينك تخصيصات منضمه به
تعميقاً دفتر مخصوصه قيد ايدلمش اوله جنى مركز جه بيلنه ميرهك، ايستيله جك

تخصیصات منضمه نك تعین مقداری ایچون نهایتسز استعمال و استیضا حله و بر طرفدن ده مطلوباتی و قتیله آله میان اصحاب استحقاقك صداغ و شكایانه قیو آچلمش اوله جفندن؛ معاشات مذکوره نك كاملاً تخصیص قیدلرینه کوره مرکزجه تحقق ایدیر یله رك طشره ده معاشات مذکوره نك ابراز اولنان جزئدانلرینه کوره مرکز حسابنه تادیه ایدلمسنه دوام اید یله جك؛ و مرکزجه معاش تخصیص اولند قجه تخصیص اولنان معاشك یالکزر سنه جاریه به تعلق ایدن آیلقلری ایچون جزئدان ویر یله رك سنه سابقه به تعلق ایدن مترکم استحقاقلر ایچون قانون دائره منده تخصیصات منضمه استحصال اولند قجه جزئدان ویر یله جکدر. شویله که طشره مال مأمورلری کندولرینه جزئدانی ابراز اولنان بر معاشك مرکزجه تخصیصاتی داخلنده اوله رق تحقق ایتمش اولدیغنه امین اوله رق در حال تادیه ایده بیله جکدر.

۱۸۹ — بو تقدیرجه طشره مال صندوقلرینك تقاعد و معز وایت معاشلرینه تأدیات اجرا ایتمه لری خزینه نك وزنه عمومیسنه پاره کوندرمك ماهیتنده قاله جفندن، تأدیات مذکور طشره مال صندوقلرنجه ارسالات قید اولنق اقتضا ایدر ایسه ده، بو تأدیات ولایت ولوا و قضا مال صندوقلرنجه هر آی اجرا اولنغله برابر، هر آیک تأدیاتی متعدد قلمده وقوعبو له جفندن؛ وهر قضا ویا ولوا ولایت مرکز لرینه حواله ایدلمش اولان معاش جزئدانلری ایچون مراکز مذکوره آبر وجه بر قید طوتیله رق اصحاب معاشدن هر برینك هانکی آیلنی آلوب هانکی آیلنی قالدینی بیلنمك ووقوعات سائره سی تعقیب اولنق اقتضا ایده جکی کبی، مرکزجه هر آی

تخصیصه کوره طویدن تحققی استدیله رک طشره دن آله جق تأدییه
بوردرولرینک مفرداتنه کوره قیدلری قیاتدیرلق اوزره بودجهیه بهر
آی طویدن مصرف قیدیه امانات حسابنه نقل ایدیه جک اولان
معاشات مذکورنک طشره ده کی تأدیاتی جسدوللر اوزرنده آبروجه
کوریه بیلیمک لازم کله جکندن؛ طشره مالصندوقلرنجه تأدیات مذکورنک
ارسالات حسابلرینه قید اولغیوب، ینه او ماهیتمده اولمق اوزره برحساب
مخصوصه قید اولغیوی بالطبع ترجیح ایدیه جکدر .

۱۹۰ — تفصیلات مشروحه دن مستبان اوله جفی اوزره تقاعد
صندوقلری وارداتنک سائر واردات خزینه مثللو واردات بودجه سنه
ومعاشاتنک ده سائر معاشات ذاتیه مثللو مصرف بودجه سنه ادخالیه تقاعد
صندوقلرینک تمامیه مالیه نظارتجه اداره سی حقنده ۳۲۷ بودجه قانونی
لایحه سنه کی احکام تصدیق اولدینی تقدیرده تقاعد توقیفاتی ایله
معاشاتی حقنده قضا ولوا ولایت مالصندوقلرنجه یاپیله جق معاملات
قیدیه بروجه آتی اوله جقدر :

۱۹۱ . — فصال صندوقلر — قضا مالصندوقلرینک دفترنده
مصرف حسابی بولغیوب، بالعموم معاشات و مصارف تأدیاتی ولوا حسابنه
اجرا و «مرکزه ارسالات» حسابنه قید اولغیوده اولدینی جهته، تقاعد
ومعزولیت توقیفاته تابع بالعموم معاشات و خرج راهر کفی السابق
غیر از توقیفات مقدار صافی اوزرندن تأدییه ایدیلوب مرکزه ارسالات
قید ایدیه جک، و تقاعد ومعزولیت توقیفاتی ایچون برکونا معامله قیدیه
اجرا ایدیلوب یالکیز مصرف سندلری اوزرنده توقیفاتنک اراثه سیله

اكتفا ايديله جكدرد. فقط مصارفي كندولرنجه تحققة كوره صرف اولنقى اوزره تخصیصاتی داخلنده صندوق آچینی صورتنده مال صندوقلرندن پاره آلمقه بولان قطعات عسكریه صندوقلرندن و كذلك مخصوصاتی موازنه عمومی داخلنده اولیان بلدیہ دوائرله زراعت بانکہ می صندوقلرندن، كندو مأمورلریك معاشاتی اوزرندن توقیف ایدلمش تقاعد صندوقلری عائداتی اوله رق مال صندوقلرینه تسلیم ایديله جك اولان مبالغ طوغریدن طوغری «واردات متحققه» و «واردات عمومی» حسابلرینه قید اوله جق و واردات معاونه دفترنده دخی تقاعد و معزولیت توقیفاتی ماده لرینه كچوريله جكدرد.

۱۹۲. — لوا مال صندوقلرینه. — لوا مال صندوقلرینك دفترلرنده كرك مركز لواجه تأدیہ اولسان و كرك ملحق قضا مال صندوقلرنجه تأدیہ اولنوب سندلری نقد مقامنده لوايه كوندریلان متقاعدین و ایتم وارامل و معزولین معاشاتك مع تقاعديه يکونی «تقاعد» معاشاتی ناميله بر حساب مخصوصك صاغ طرفنه و ۱۸۴نجی فقره ده گوسترلیدیکی وجهله ایجابنه كوره وزنه و محسوبات و ملحقانیدن مأخوذات حسابلرینه كچوريله جكدرد. كرك مركز و ملحقات لوا مال صندوقلرنجه تأدیہ اولنان معاشات اوزرندن توقیف ایدلمش اولان و كرك مركز لواده کی طابور صندوقلريله بلدیہ زراعت بانکہ سی کی مؤسساته توقیف اولنوب نقداً مركز لوا مال صندوقنه یا تیريله جق اولان توقیفات دخی، طبق قضا مركززنده اولدیغی کبی واردات دفترینك تقاعد و معزولیت عائداتی ماده سنه و اساس دفترینك «واردات متحققه» و «واردات عمومی»

جسابلرینه قید اولنه جقدر . و ارتق «تقاعد صندوقلری امانات و صرفیاتی» حسابنه لزوم قالمیه جقدر . [۱]

۱۹۳. -- ویرکون تذرک لرینگ تمغا ائمانی مقننه کی حسابات . --
معلوم درکه مکلفینک هر سنه ویرمه لری لازمکلاں ویرکولرینک مقداریخی کندیلرینه بیلدیرمک ایچون تحصیل اموال قانونی موجبنه هر سنه مالیه ابتدا سنه تبلیغی لازمکلاں ویرکون تذرک لرینگ بهری ایچون یکریمی پاره رسم آلتیق لازمکله چکی کبی، تمغا قانونی موجبنه تذاکر مذکورہ برده یکریمی پاره لق تمغا رسمنه تابعدر . تمغا رسومی ایسه دیوبه عمریه واردات مخصوص اداره سنه متروک وارداتدن اوله رق تمغا پوللرینک طبع واحضار وسوق و بیعنه و حاصلاتنک تحصیل و جمعیله سنه دن سنه یه حسابنک اعطاسنه متفرع معاملاتنک کافه سی اداره مذکورہ طرفندن ایفا اولنور .

۱۹۴. -- ایددی تذاکر مذکورہ یی مکلفینه ویره جکلری زمان اوزرینه یابشدیرمق اوزره تحصیلدارلرک نزدلرنده لزومی قدر پول بولندیرلوق لازم کلیور . حالوکه هر بر تحصیلدارک پول ایچون بر مقدار سرمایہ تخصیص ایتمه سی موجب مشکلات اولدینی کبی، تحصیلدار تبلیغ ایتدیکی تذرک لرینگ

[۱] ۱۳۲۷ بودجه سی تصدیق اولمش و تقاعد صندوقلرینک بالعموم واردات و مصارفی لایحه ده تکلیف اولندیغی وجهله موازنه عمومیه داخل اولمش اولمقله، ۱۳۲۷ سنه سی ابتدا سنندن اعتباراً مال صندوقلرنجه «تقاعد صندوقلری امانات و صرفیاتی» حسابنک ذمتنده مرقم اولان صرفیات تصحیحاً «تقاعد معاشاتی» حسابنه و مطلوبنده مرقم اولان توقیفات دخی تصحیحاً واردات متحققه و واردات عمومیه حسابلرینه نقل اولنورق تقاعد صندوقلری امانات و صرفیاتی حسابی لغو ایدلش ۱۹۲۷ نجی فقره ده تعریف اولنان صورت قیده باشلانلشدور .

اوزرنده کی بولک پاره سنی دفعه مکلفدن الهمدینی وبلکه مکلفی بوله مدینی تقدیرده، یاند کریمی تبلیغ ایده مامکه ویاخود آلهمدینی بولک پاره سی ایچون برده آبروجه حساب طومغه مجبور قالورایدی که، بو حال تحصیلدار لر حقنده استلزام ایدجکی مشکلاتدن بشقه تحصیلاتی سکنه دار ایدن وانتظام قیود نقطه نظرندن دخی بر آن اول ازاله سی لازم کلن او یغو نسزلقاردن ایدی. اصل تذکره اثمائی اولان یکرمی پاره ایچون دخی عینی محاذیر موجود ایدی .

۱۹۵ . — اوچوز یکرمی بدی سنه سی ابتداسندن اعتبار آخزینه ایله دیون عمومیه واردات مخصصه اداره سی آره سنده قرارلشدیرلدیقه کوره، تذکره لر دیون عمومیه جه طبع ایتدیریلهرک و حین طبعده اوزرینه یکرمی پاره لق مطبوع تمغا وضع ایتدیریلهرک خزینه به تسلیم ایدلمش؛ و خزینه جه پول پاره سیله تذکره اثمائی اولان جمعا بر غروش تذکره . لرك حین توزیمنده مکلفدن طلب اولغوب، اصل ویرکولریله برابر تحصیل اولغق اوزره تذکره ایدله رک تحصیلاتدن پیدرپی دیون عمومیه اداره لرینه تسلیم اولغسی صول اتخاذا ایدلمشدر . آنجق پول پاره سی و تذکره اثمائی اوله رق تحصیل لازمکلان بر غروشک تذکره اثمائی اولان یکرمی پاره سی خزینه نک مرکز وشعباتجه تحقق ایتدیریلوب تحصیل اوله حق وارداتدن اولدینی حالده؛ تمغا اثمائی اولان دیگر یکرمی پاره سی دیون عمومیه واردات مخصصه اداره سنجه عموم حسابی سائر واردات متروکه میانسده جمع ایدلمسی لازمکلان وارداتدن اوله رق بونک مال صندوقلرنجه واردات قید اولغسی حساب عمومیده بوقسم وارداتک مکرر کورنمسی ایجاب ایده جکندن؛ مال صندوقلرنجه مکلیفنه نه مقدار تذکره توزیع ایدله رک نه قدر پول پاره سی تحصیل

اولنق لازم کله جکی ونه قدر تحصیل اولنوب نه قدری دیون عمومیه اداره لرینه تسلیم ایدلیدیکی هر وقت معلوم اولمغه برابر ، مذکور تمغا ائمانسک مکرراً واردات قیدینه ده محل قلاماق اوزره ، ویرکو تذا کریسک تمغا ائمانی ایچون قضا ولوا مال صندوقلریسک اساس دفترلرنده بروجه زیر ایکی حساب آچلمشدر .

۱۹۶. — ویرکو تذا کری تمغا ائمانی تحققات وارسالاتی . —
توزیع اولنق اوزره بالاملات تحصیلدارلره تودیع اولنان تذا کرک عدینه کوره اصل تذکره ائمانی اولان یکر میشر باره دن حاصلی تذا کر ائمانی ماده سنه عائد اوله رق «واردات متحققه» و «واردات عمومیه» حسابلرنده تحقق ایتدیر یله جکی کبی ، تمغا ائمانی اولان دیگر یکر میشر باره سی دخی اشبو ویرکو تذا کری تمغا ائمانی تحققات وارسالاتی حسابسک صول و زیرده تعریف ایدیله جک اولان « ویرکو تذا کری تمغا ائمانی » حسابسک صاغ طرفلرینه قید اولنه جق ، و تمغا ائمانی حاصلاتی اوله رق آیدن آیه دیون عمومیه اداره لرینه تسلیم ایدیله جک مبالغه دخی علی - الاصول وزنه نک صول صحیفه سنه واشبو حسابک صاغ صحیفه سنه قید ایدیله جکدر .

۱۹۷. — ویرکو تذا کری تمغا ائمانی . — فقره سابقه ده بیان اولندیغی اوزره توزیع اولنق اوزره تحصیلداره تودیع اولنان تذا کرک بهرنده یکر می پاره حسابیله تمغا ائمانی « ویرکو تذا کری تمغا ائمانی تحققات وارسالاتی » حسابسک صول واشبو « ویرکو تذا کری تمغا ائمانی » حسابسک صاغ صحیفه لرینه قید ایدیله جکی کبی ؛ تحصیلدارلرک

ارسالیه لری موجب بجه تحصیل اتدن مذکور تمغا ائمانه محسوبی لازمکلان مبالغ دخی وزنه نك صاغ و « ویرکو تذا کری تمغا ائمانی » حسابنك صول صحیفه لرینه قید ایدیه جکدر .

۱۹۸. — « ویرکو تذا کری تمغا ائمانی » حسابنك صول صحیفه سنك یکونی بالطبع صاغ صحیفه یکونندن فضله اوله میب، صاغ صحیفه یکوننك صول صحیفه یکوننه نسبتله فضله سی ایسه تمغا ائمانندن مکلفین اوزرنده کی بقایابی کوستره جکی کبی؛ مذکور « ویرکو تذا کری تمغا ائمانی » حسابنك صول صحیفه سی یکونی « ویرکو تذا کری تمغا ائمانی تحقیقات وارسالانی » حسابنك صاغ صحیفه سی یکونندن فضله اولدینی تقدیرده، ارده کی فرق تمغا ائمانی تحصیل اتندن هنوز دیون عمومی اداره سنه تسلیم اولنیه رق مال صندوقده نقداً موجود یعنی دیون عمومی اداره سنك مال صندوقده تمغا ائمانندن نقداً مطلوبی دیمک اولور.

۱۹۹. — ولایت مال صندوقلرینك اساسی دفترده آمیدیه حسابات — تحصیل واردات و تأدیة مصارف خصوصنده ولایت مال صندوقلرینك وظائفی لوا مال صندوقلرنده کینک عینی اولدیقندن، مرکز ولایت مال صندوقده طوتیه جق اولان اساس دفترنده کی حسابات دخی لوا اساس دفترنده کی حساباتک عینی در. یالکز قضا ولوالرک فضله وارداتی ولایت مرکزنده طوبیلا نوب خزینیه ولایت مرکز لرندن کوندریله جکی کبی؛ هر ولایتک تأدیة مصارفی ایچون خزین دن کوندریله جک مبالغ دخی ولایت مرکز لرینه کوندریلوب اورادن ایجابنه کوره لوا وقضالره توزیع ایدیه جکندن وکذلک تخصیصات حواله نامه لری دخی

هر نظارتدن ولایاته کوندربلوب اورادن دفتردارقلر معرفتیه ملحقاته توزیع اولنه جفتدن، ولایت مال صندوقلرینک دفترنده لوا مالصندوقلرندن فضله اوله رق « خزینیه ارسالات » و « خزینهدن مأخوذات » و « موازنه عمومیه » نامیه اوج حساب دهآچلمشدر .

۲۰۰ — موازنه عمومیه حسابی . — بر ولایتیه کوندربیلان تخصیصات حواله نامه لرینک محتویاتی ، ولایتجه ایجابیه کوره ولایتک مرکز قضاسیله ملحق سنجاقلرینه حواله ایدیلنجیه قدر تماماً و یا قسماً برمدت هیچ بر طرفه توزیع ایدلمکسزین مرکزده موقوف طوقلسی ممکن اولدینی کی ؛ بعض نوع مخصصاتک تعلق ایتدیکی خدماتک ایفاسنه وقت بولنه مامق کی اسبابدن طولایی بر قسم مخصصاتک سنه نهایته قدر بر طرفه توزیع و حواله ایدلمکسزین موقوف قالمسی دخی ممکندر . ولایتک مرکز و ملحقاتنده طوتیلان اساس دفترلرنده کی « مخصصات » حسابی ایسه ، حوالات مذکوره دن ولایتجه مرکز قضاسیله ملحقاته توزیع اولنان تخصیصات کوستره جکی جهته ، نظارتلرندن ولایتیه و بریلان تخصیصات حواله نامه لری محتویاتندن ولایتجه مرکز و ملحقاته توزیع اولنان و اولنمین مجموع مقداری کورنمک ایچور ، مرکز ولایتک اساس دفترنده برده « موازنه عمومیه » حسابی آچلمشدر . ایمدی ولایتیه ، هانکی دائریه عائد اولور ایسه اولسون تخصیصات حواله نامه سی ورود ایتدجه یکون محتویاتی دفعه مذکور حسابک طرفینه ترقیم اولنور .

۲۰۱ — خزینیه ارسالات و خزینهدن مأخوذات . — لوارک مرکز ولایت ارسال ایتدکلی مبالغ لوارجه « مرکز ارسالات » .

حسابه، قید اولنه جنی جهته و لایحه خزینیه کوندریلان مبالغ دخی مرکز ولایتک دفترنده «مرکزہ ارسالات» نامیلہ بر حسابہ قید اولنسه ولایتک اجمالنده الویہ نک ولایتہ و ولایتک خزینیه ارسالاتی برلشوب ولایتدن خزینیه وقوعولان ارسالاتک مقدار ی ولایت جدولنده کورینہ میہ جکندن، جدوللرده ولایتلرک خزینیه ارسالاتی آبروجہ کورینہ بیلیمک ایچون ولایتک اساس دفترنده مرکزہ ارسالات حسابنک یرنده «خزینیه» ارسالات نامیلہ بر حساب آچلمشدر. عینی اسبابہ مبنی لوا دفترلرنده کی مرکزدن مأخوذات» حسابنک یرنده ولایتک دفترنده «خزینہ دن مأخوذات» نامیلہ بر حساب آچلمشدر. ائمدی ولایتدن ارسالات وقوعنده «خزینیه ارسالات» حسابنک صاغ طرفنه و خزینہ دن ولایتہ کلان مبالغ دخی «خزیندن مأخوذات» حسابنک صول طرفنه یازیلور و بویکی حساب طبقی ملحقاته ارسالات و ملحقاندن مأخوذات حسابلری کی «خزینہ حساب جاریسی» حسابیلہ آی نهایتلرنده قیادتیریلور.

۲۰۲. — اشبو خزینیه ارسالات و خزینہ دن مأخوذات حسابلری یالکز ولایت و مستقل لوا مرکز لرنده کی اساس دفترلرینہ مخصوص اوله رق آچلمش ایسهده، بعض قضا و لوا مرکز لری واردرکه، تابع اولدقلری لوا و یا ولایت مرکز لریله آره لرنده تعاطی نقود ایچون وسائط کافیه بولنمیوب، بونلرک احتیاجی اولدینی نقودک طوغریدن طوغریه خزینہ دن محللرینہ کوندرلسی و بالمقابلہ فضلہ وارداتنک تابع اولدقلری لوا و یا ولایت مرکز لریله اوغرندیرلمسزین

طوغریخه خزینیه جلب اولغنی دها قولای اولدیغندن ، وینه بعض قضا لکده نه لواو ولایت مرکز لرله نده استانبول ایله آره لرند و سائط نقلیه کافیه بولندیفی جهتله ، محللرند کی رسومات و پوسته وارداتی مال صندوقارینه تسلیم ایتدیرلرک وزنه عمومی ایله رسومات و پوسته اداره مرکز یلری وزنه لری آره سنده محسوب ایدملک اقتضا ایتمکده بولندیغندن ، قضا مال صندوقله وزنه عمومی ویا لوا مال صندوقله وزنه عمومی آره لرند متبادیاً طوغریدن طوغری جریان ایدمک اولان بو مراسلاتدن طولایی ، هر دفعه لوا و ولایت مرکز لرندن اوراق طولاشدیروب حقیقته بی لزوم معاملات محسوبیه محل قالماق اوزره ، اوکی قضا و لوا مال صندوقلرینک دفتر لرند دخی خزینیه ارسالات و خزیندن مأخوذات حسابلری آچدیرلشدرک ، خزینیه کوندر دکلری مبالغی طبقی ولایت مرکز لرند اولدیفی کی خزینیه ارسالات حسابنه ، وکذلک وزنه عمومیدن جلب ایتدکلری ویا محللرند کی پوسته و رسومات اداره لرندن الدقلری مبالغی دخی خزیندن مأخوذات حسابنه قید ایدرلر .

۲۰۳ — استقراضه مرتبانه خزینیه ارسالات. — معلوم درکه محرم قرار نامه سیله دیون عمومیه واردات مخصوصه اداره سنه متروک اولان وارداتدن ماعداء ، بعض استقراضات تقاسیطیه بعض تأسیسات نافعه تأمیناتی ایچون بعض لوا و ولایتلرک برر قسم اعشاری قارشولق کوسترلش اولقدن ناشی ، واردات مذکور دن هر قاچ غروش تحصیل اولنور

ایسه مال صندوقلرنجه - واردات سائرہ تحصیلانہ قاریشدریمہرق -
 طوغریدن طوغری بر بانقہیہ تودیعی اولنور . بوکی تودیعیاتندن
 تراکم ایدن مبالغہ بانقہجہ آرو بر حساب جاریده حفظ اولنہرق
 مشروطہلری اولان تأدیاتک زمانی کلنجهیہ قدر بر طرفہ صرف اولنماز ،
 وتادیات مقررہنک یوم معینی حلولنده مبالغہ متراکمہدن تأدیات لازمه
 اجرا وفضلهسی خزینہیہ اعاده اولنور ؛ واکر مبالغہ متراکمہ تأدیات
 مقررہدن نقصان قالور ایسه نقصانی خزینہجہ تحصیلات سائرہدن
 اکمال ایدیلور . ایسته بوکی واردات تحصیلانندن اولہرق مال
 صندوقلرنجه بانقہلرہ هانکی لوا وولایتلرہ نہ مقدار تودیعی ایدیلہرک
 هانکی بانقہده قاج غروش تراکم ایتدیکنک حسابی وزنه عموميجہ
 طوتیلہجغندن ، وبر لوا مال صندوقنجه بو یولده بر بانقہیہ تودیعی اولنان
 مبالغہ آرتق استرداد اولنہمیوب انک حوضہ تصرفدن چیقمش دیمک
 اولدینی درکار بولمغله ، بونلرک خزینہیہ ارسالات قیداولنمسی لازم
 کلور ایسهده ، حقیقنده وزنه عمومیہکلامش اولان تودیعات مذکورہ
 ایچون وزنه عمومی ایله تودیعی ایدن مال صندوقی آرہسندہ مکرر
 مقبوضلر تعاطی ومعاملات محسوبیہ اجرا ایدلمسہ محل قالماق اوزرہ ،
 بو نوع تودیعاتک قیدی ایچون بو یولده معاملہسی اولان ولایت ولوا
 مال صندوقلرینک دفترندہ « استقراضات مرتباتندن ارسالات » نامیلہ
 بر حساب آچلمشدر . بو حساب طبقہ « خزینہیہ ارسالات » حسابنک
 ماهیتندہدر . استقراض مرتباتی ایچون بانقہیہ تودیعی اولنان تحصیلات
 وزنهنک مطلوبہ مقابل بو حسابک ضاغ طرفہ یازیلور ، وهر آی

نهایتند اشبو حساب دیگر ارسالات حسابلری کبی « خزینه حساب جاریسی » حسابنک صاغ طرفیله قیاتدیریلور .

۲۰۴ . — مطالعه . — طشره مال صندوقلرندن قضا مال

صندوقلرینک دفترلرنده « مرکزیه ارسالات » و « مرکزدن مأخوذات » حسابلرینه مقابل لوا مال صندوقلرینک دفترلرنده « ملحقاندن مأخوذت » و « ملحقاته ارسالات » نامیله ایکی حساب آچلمقله برابر ، لوانک مرکز ولایتله وقوعبوله جق مراسلاتی ایچوندده « مرکزیه ارسالات » و « مرکزدن مأخوذات » نامیله ایکی حساب آچیلهرق لوا مال صندوقلرنده مراسلات حسابلرینک درده ابلاغ ایدلمش اولمسی ، وولایت مرکز لرنده کی مال صندوقلرینک دفترلرنده دخی ملحق لوالر ایله مرکز ولایتله ملحق قضالره قارشو « ملحقاته ارسالات » و « ملحقاندن مأخوذات » حسابلریله برابر « خزینه دن مأخوذات » و « خزینه یه ارسالات » ناملریله دیگر ایکی حساب دهآ آچلمسی ، قضا دن لویله کلان جدول اوزرندن قضانک « مرکزیه ارسالات » حسابنده کوریلان مبالغه لواجه مرکز لوانک دفترنده کی « ملحقاندن مأخوذات » حسابی محتویاتیه قارشو لاشدیریلوب تدقیق ایدیله بیله چکی کبی ؛ لوان ولایتله کلان جدول اوزرندن ده ولایتجه لوانک « مرکزیه ارسالات » حسابنده کورینه جک مبالغه مرکز ولایت دفترنده کی « ملحقاندن مأخوذات » حسابیه قارشو لاشدیریلهرق تدقیق ایدیله بیلمسنی ، وولایتدن خزینه یه کلان جدوللر اوزرندن ده خزینه جه ولایتک « خزینه یه ارسالات » حساب

بندہ کورینہ جک مبالغہ وزنہ عمومی دفترندہ کی « ملحقانہ ارسالات » حسابیلہ قارشولشـدیریلوب تدقیق ایدیلہ بیلمسفی ، وکذلک « ملحقانہ ارسالات » حسابیلرینکـده وزنہ عمومی و مرکز ولایت و مرکز لواجه عینی صورتلہ تطبیق و تدقیق ایدلمسفی تأمین ایتمک مقاصدینہ مستند بولنمشدر . آنجق بو حسابلر احداث اولندیفی زمان مرعی اولان نفر موالسی کوندرمک اصولی الیوم رفع ایدیلهرک ، بودجهـده کی مخصصاتک هانکی قسمندن اولورسه اولسون ، طشرهـده تأدیہ ایتدیرلمسی اقتضا ایدن هر نوع مصارف ایچون لزومنه کوره ولایانه تخصیصات حواله نامه سی کوندرلمکده ، وبعض مفتش معاش و خرجراهلرندن ماعدا تأدیاتک سندنلری نقد مقامنده مرکزہ جلب ایدلماکده اولدینی کبی ؛ استقراض مرتباتی اولهرق بانفهلره تودیع اولنلق اوزره طشرهـیه حواله اولنان مبالغ ایلہ مرکزده کی تحقیقات مقابلی اولهرق طشرهـده تأدیہ ایتدیریلان تقاعد معاشاتی ایچون ایلر حسابلر آچدیرلمش اولدیغندن ، وقضالرك لوالزه ولوالرك ولايتلره وولایتلرك خزینهـیه و متقابلاً مراسلاتی ایچون بشقهـجه مفردات جدوللری تنظیم ایتدیریلہـرك شهریه جدوللرینه ربط ایتدیرلمکده اولوب؛ مع هذا بالاده ۲۰۳نجی فقرهـده کوسترلدیکی اوزره طرق اختلاطیهـنک مناسبته نظراً بعض قضا ولوالرك طوغریدن طوغری وزنہ عمومی ایلہ وبعض قضالرك طوغریدن طوغری مرکز ولایتلہ مراسلات یاعسی دخی بالضروره تجویز ایدلمش اولدیغندن ، ملحقانندن مأخوذات و مرکزندن مأخوذات و خزینهـدن مأخوذات ناملریلہ اوج حسابک یرینه « مأخوذات » نامیلہ

يالكز بر، وكنلك ملحقـاته ارسالات و مركزه ارسالات و خزينه
ارسالات نامليله اوج حسابك يرينده « ارسالات » ناميله يالكز
بر حساب بولنديرلسي ممکن ودها زياده موجب سهولتدر و بويله ياللسي ده
متصورددر .

۲۰۵ . — وير کوتذ کرملری تمغا اثماني حقنده ۱۹۶ - ۱۹۸ نجی .
فقرم لرده تعريف اولنان ايکي حساب قضا مال صندوقلرينك دفترلرنده
دخی بولنه رق طبقی لوا وولایته اولدینی کبی معتمله کورور .

مرکز خزینه ده کی وزنه عمومینک

۲۰۶. — وزنه عمومینک اساس دفترنده کی

- | | |
|-----------------|-------------------------|
| بودجه حسابدر | ۱. — واردات عمومیه |
| بودجه سی حسابدر | ۲. — سنه حالیه وارداتی |
| » | ۳. — سنین سابقه وارداتی |
| » | ۴. — مخصصات |
| » | ۵. — حوالات |
| » | ۶. — دیون عمومیه مصارفی |
| » | ۷. — خاندان سلطنت |
| » | ۸. — مجلس عمومی |
| » | ۹. — مالیه |
| » | ۱۰. — دیوان محاسبات |
| » | ۱۱. — دفتر خاقانی |
| » | ۱۲. — صدارت |
| » | ۱۳. — داخلیه |
| » | ۱۴. — امنیت عمومیه |
| » | ۱۵. — شورای دولت |
| » | ۱۶. — خارجیه |
| » | ۱۷. — علمیه |
| » | ۱۸. — عدلیه |

اساس دفتری

حسابات شونلردر :

طشره مال صندوقلرنده اولدینی کییدر .

بو دخی

بو دخی

بو دخی

بو دخی

بواوچ حساب طشره مال صندوقلرنده
یوقدر . فقط صورت قیدی دیگر دوائر
مصارفی کییدر .

طشره مال صندوقلرنده اولدینی کییدر .

۸،۷،۶ کییدر

طشره مال صندوقلرنده اولدینی کییدر .

۸،۷،۶ کییدر

طشره مال صندوقلرنده اولدینی کییدر .

بو دخی

۸،۷،۶ کییدر

بو دخی

طشره مال صندوقلرنده اولدینی کییدر .

بو دخی

۱۹ . - معارف	مصارفی	بودجه حسابیدر
۲۰ . - تجارت نافعہ	»	»
۲۱ . - اورمان و معادن		
و زراعت	»	»
۲۲ . - حجاز تیموریولی	» [۱]	»
۲۳ . - بحریہ	»	»
۲۴ . - حربیہ	»	»
۲۵ . - اعمالات حربیہ	»	»
۲۶ . - ژاندارمہ	»	»
۲۷ . - مدت متممہ تحصیلاتی		حساب انضباطی
۲۸ . - مدت متممہ تأدیاتی		»
۲۹ . - ولایاتدن مأخوذات		معاملات نقدیہ حسابی
۳۰ . - ولایاتہ ارسالات		»
۳۱ . - مؤسساتدن مأخوذات		»
۳۲ . - مؤسسات ارسالات		»
۳۳ . - امانات		»
۳۴ . - صرفیات موقتہ		»
۳۵ . - اشخاص ذمی		»
۳۶ . - خزینہ حساب جاریسی		»
۳۷ . - دیگر مال صندوقلری نامنہ تحصیلات		»

[۱] ۳۴۷ سنہ سندن اعتباراً حجاز تمور یولی واردات و مصارف موازنہ
عمومیہ دن چیقاریلہرق بوئت ایچون ملحق بر بودجه تنظیم ایدلش و مذکور
تیمور یول منفعتنہ اولہرق محدث قیمتلی اوراقلک حاصلاتی کما کان خزینہ جہ بالتحصیل

طشیره مال صندوقلرنده اولدیفی کبیدر .

بو دخی

بو دخی

بو دخی

بو دخی

بو دخی

بو دخی

بو دخی

بو دخی

بو دخی

طشیره مال صندوقلرنده کی ارسالات و مأخوذات .
حسابلری کبیدر

طشیره مال صندوقلرنده اولدیفی کبیدر .

بو دخی

بو دخی

بو دخی

بو دخی

واردات قید اولنه رق حاصلات عمومیة صافیة سنه مقابل تیمور پول اداره سنه هر سنه تخمیننه کوره مقطوعاً ویریله جک تخصیصات مالیه بودجه سنک . تخصصات مقطوعه فصلنه درج ایدلش اولدیفندن ۳۲۷ سنه سندن اعتباراً کرک طشیره مال صندوقلری و کرکوزنه عمومی دفترلرنده حجاز تیمور پول مصارفی نامیله حساب بولنیه جقدر .

۳۸. دیکر مال صندقلرینک مأخوذاتی معاملات نقدیه حسابی
۳۹. — مستقرضات »
۴۰. — خزینه تحویلاتی »
۴۱. — اوانسالر »
۴۲. — استقراضات مرتبتاندن مأخوذات »
۴۳. — تعهدات مقابلی بانقه لره تودیمات »
۴۴. — بانقه یه محول تأدیات حساب جاریسی »
۴۵. — بانقه دن سنداتی کله جک اولان حساب انضباطی
۴۶. — طشر مده تقاعد معاشاتی تأدیاتی معاملات نقدیه حسابی
۴۷. — عثمانلو بانقه سی حساب جاریسی معاملات نقدیه حسابی
۴۸. — دیکر بانقه لر حساب جاریسی معاملات نقدیه حسابی
۴۹. — عثمانلو بانقه سنک اوانس »
۵۰. — محسوبات حساب انضباطی
۵۱. — مناقلات »
۵۲. — وزنه معاملات نقدیه حسابی

طشړه مال صندوقلرنده اولديڼی کيډر

طشړه ده يو قدر

طشړه مال صندوقلرنده کی استقراض مرتباً-
تندن ارسالات حسابنک مقابليدر

طشړه ده يو قدر

طشړه مال صندوقلرنده کی تقاعد معاشاتی

حسابنک مقابليدر طشړه ده يو قدر .

طشړه ده اولديڼی کيډر .

طشړه ده يو قدر ماهيته بالاده کی کيډر.

طشړه مال صندوقلرنده

اولديڼی کيډر يالکړا احتوا

ايتدکلری حسابلرده

فرق واردر .

طشړه مال صندوقلرنده اولديڼی کيډر .

۲۰۷ . — ویرکو تذاکری تمفا ائمانه متعلق اوله رق طشره مال صندوقلرینک دفترلرندن بولنان ایکی احساب وزنه عمومی دفترنده یوقدر .

۲۰۸ . — طشره مال صندوقلرینک دفترلرنده کی معاشلر ذاتیه حسابی وزنه عمومی دفترنده کی دیون عمومیه حسابی ایله برلشور . زیرا معاشلر ذاتیه مخصصاتی دیون عمومیه بودجه سنک بر قسمنی تشکیل ایدر و طشره ده بو حسابیه معاشلر ذاتیه نامی ویرلمسی ده دیون عمومیه بودجه سنک معاشلر ذاتیه قسمندن ماعداسنده طشره مال صندوقلرنجه معامله وقوع بولماسندن منبعثدر .

۲۰۹ . — بالاده کوستریلان حساباتدن برنجی دن ۲۸ نجی به قدر اولان حسابلرک معاملاتی طشره مال صندوقلری اساس دفترلرنده کی مائل حساباتک عینیدر . یالکیز خاندان سلطنت و مجلس عمومی و صدارت و دیوان محاسبات و شورای دولت و خارجییه دائره لرینک طشره ده شعباتی بولنمیوب مخصصاتی کاملاً مرکزیه استعمال ایدلمکده اولدیغی جهتله ، بوداثره لر نامنه طشره مال صندوقلرینک دفترلرنده حساب اچیلمیوب بولنلرک حسابلری یالکیز وزنه عمومی دفترنده آچلمشددر .

۲۱۰ . — مرکز حکومتده تحصیل اولنه حق وارداتک هر بر قسمتک تحقیقاتی دواثر مرکزیه دن بری طرفندن اجرا و تعقیب ایدیلرک . وزنه عمومی مدیرینه ترتب ایدن وظیفه ، دواثر مرکزیه جه تحقق ایدیلرک تعقیب ایدیلان وارداتک دواثر مذکورده دن ویریلان تحصیل مذکورلرینی کاملاً وزنه عمومی به مراجعت ایدن مکلفیندن

مذکور تحصیل مذکره لری موجبہجہ پارہ بی قبض ایدوب مقبوض و برہ مکن عبارت بولندیفی جہتلہ، وزنہ عمومینک دقترندن طوغریدن طوغری یہ وزنہ معاملاتندن متکون وارداتندن ماعداسنک تحقق قیدلری اجرا اولنمبوب، بالککز تحصیلات قیدلری یورویہ جک، و بونلرک تحقق قیدلری تحقق معاملاتیلہ مشغول اولان دواژدن الہ جق حسابانہ کورہ محاسبہ عمومیہ جہ اکمال ایدیلہ جکدر .

۲۱۱. — ولایانہ مأخوذات . — بو حساب طشرہ مال صندوقلرینک « خزینہ ارسالات » حسابنک مقابلی در . طشرہ دہ خزینہ ارسالات حسابنہ قید اولنان ارسالات و تأدیات وزنہ عمومیہجہ ولایاتندن مأخوذات حسابنہ قید اولنوب، مقابلنہ عائد اولدینی صندوقہ ایجابنہ کورہ نقد و یا محسوب مقبوضی کوندریلور . و آی نہایتلرنده خزینہ حساب جاریسنک مطلوبیلہ قباتدیریلور .

۲۱۲. — ولایانہ ارسالات . — بو حساب طشرہ مال صندوقلرینک « خزینہ دن مأخوذات » حسابنک مقابلیدر . بو حسابنک ذمتنہ قید اولنان مبالغ ایچون طشرہ دن ایجابنہ کورہ نقد و یا محسوب مقبوضی طالب اولنور و آی نہایتلرنده خزینہ حسابنک ذمتیلہ قباتدیریلور .

۲۱۳. — مؤسسانہ مأخوذات و مؤسسانہ ارسالات . — بو حسابلر طبق ولایاتندن مأخوذات و ولایانہ ارسالات حسابلرینک ماہیتندہ اولوب، بالککز طشرہ مال صندوقلرینک غیری شعبات خزینہ ایلہ وزنہ عمومی ارہ سندنہ کی مراسلاتہ مخصوصدر . طشرہ مال صندوقلرینک

غیری اوله رق وزنه عمومی ایله مراسلاتده بولنان شعبات ایسه ایوم
شونلردر :

۱ . — رسومات اداره مرکزیه سی

۲ . — پوسته و تلغراف و تله فون اداره مرکزیه سی

یا لکز واردات قبضنه مأذون اولوب بورادن وزنه عمومی یه تحصیلات تسلیم اولنور فقط وزنه عمومیدن اورایه ارسالات یا پیله ماز .	۳ . — دفتر خاقانی اداره مرکزیه سی
--	--

۴ . — مطبعه عامره

۵ . — بك اوغلی مکتب سلطانی سی

۶ . — لیلی دارالمعلمین

۷ . — درس عادت اعدادی سی

۸ . — مهندس مکتبی

۹ . — مکتب صنایع

۱۰ . — خلقه لی زراعت مکتبی

۱۱ . — بیطر مکتبی و باقتر یولوژی خانه

۱۲ . — بلغراد اورمان مکتبی

۱۳ . — ارکلی کمور معدنی

۱۴ . — ارغنی باقر معدنی

۱۵ . — توقاد قالحانه سی

۱۶. — امور طبیهٔ ملکیه اداره‌سی

۱۷. — مسکوکات اداره‌سی

۱۸. — بغدادده ادارهٔ نه‌ریه

حجاز تیموریولی مخصوصاتی
موازیة عمومیة دن چیقاریله‌رق
ملحق بودجه یاییلدینی جهته
۳۲۷ سنه سندن اعتباراً
شعبات خزینه دن معدود اوله‌ماز
وزنهٔ عمومی ایله مراسلاتده
بولانه‌ماز

۱۹. — حجاز تیموریولی اداره‌سی

۲۰. — دیون عمومیة عثمانیه واردات مخصوصه اداره‌سی

۲۱۴. — بحریه نظارتیه مربوط فابریقه‌لر ایله دونمناک محاسبه.

جیلکیری هنوز تأسس ایدمه‌دیکندن، بحریه‌نک مؤسسانه و دونمنایه
تعلق ایدن مصارفی آوانس صورتیه و زنهٔ عمومی دن تأدیه ایدلمکده
اولدینی کبی، حریه‌نک اردولر مخصوصاتی دخی یکون اعتباریه قول
اردو قوماندانلقریله ردیف مفتشلیکری امرینه حواله موجنبجه
تأدیه ایدیلرک طشره مال صندوقلرنجه حریه مصارفی حسابنه مصرف
قید ایدلمکده اولدینی جهته، وزنهٔ عمومی ایله مراسلاتده بولسان
مؤسسات میاننده بونلر کورینه‌مز. (۱۱۴ نجی فقره‌یه مراجعه)

۲۱۵. — امانات و صرفیات موقته و اشخاص ذمی حسابلرینک

معاملاتی طبقی طشره مال صندوقلرنده کی کبی اولدیغندن محتاج تفصیل
دکلدر.

۲۱۶. — خزینہ مساب ہاریسی. — بودخی طشرہ مال صندوق. قلمندہ اولدینی کبی خزینہ عائد اولہرق کرک واردات تحصیلاندن و کرک ولایات و مؤسساندن وزنہ عمومیہ نقداً و یا محسوباً داخل اولان و یا خود خزینہ عائد تأدیات و ارسالات ایچون نقداً و یا محسوباً وزنہ عمومیدن چیقان مبالغی احتوا ایدر. شو قدرکہ وزنہ عمومینک دفترندہ بوحسابک مطلوبی تشکیل ایدن حسابات میانندہ «مستقرضات» و «استقراض مرتباندن مأخوذات» و «طشرہ محول تقاعد معاشاتی» حسابلری دخی داخل اولورکہ بونلر طشرہ مال صندوقلرینک دفترلرندہ یوقدر.

۲۱۷. — دیگر مال صندوقلری نامہ تخصیصات و دیگر مال صندوقلرینک مأخوذاتی. — بوحسابلرک معاملاتی طشرہ مال صندوق. قلمندہ اولدینی کبیدر.

۲۱۸. — مستقرضات. — بوحساب استقراض طریقہ النان یارہ لرک قیدینہ مخصوصدر. استقراض طریقہ آلنان یارہ لر بوحسابک مطلوبہ یازیلور و ذمتی آی غایہ لرندہ خزینہ حساب جاریسینک مطلوبہ قباتدیریلور.

۲۱۹. — خزینہ تحویلی. — بوحساب Bons du trésor تعبیر اولنان خزینہ تحویلاتنک قیدینہ مخصوص اولوب، چیقاریلان تحویلاتنک بدللری بوحسابہ مطلوب قید اولنور، و تادیہ اولندجہ تأدیات واقعہ بوحسابہ ذمت قید اولنور. وضعیتی اعتباریلہ امانات حسابی کبیدر. شو فرقہ کہ امانات استعمال اولنہ ماز. خزینہ امانت اقچه لری بودجہ مصارفی

تأديه ايتمك ايجون استعمال ايدمهز، آلدینی کبی اصحابنه تسلیم ایتمک اوزره حفظ ایدر بونلره فائض دخی ویرمز. خزیننه تحویلاتی مقابلهنده وزنهیه کیرن یاره ایهسه خزیننه نك هر درلو صرفیاتنده استعمال اولنه بیلور. ذاتاً مصارفك وقت وزمانیهه تأمین تأدیه سی ايجون آلنور و آلنان یاره نك ختام وعدهیه قدر ایشلیه جك فائضی اوزرینه ضم اولنه رق خزیننه تحویلی مع فائض رأس المالك حاصلنه کوره ترتیب اولنور.

۲۲۰. — آرانسر. — بو دخی خزیننه تحویلاتی حسابنك ماهیتنده اولوب آوانس طریقیه آلنان یاره لر ایله بونلرک تأدیاتنه مخصوصدر. آوانس طریقیه آلنان یاره بو حسابك مطلوبه قید اولنور، و تأدیه اولندجه تأدیات واقعه بو حسابه ذمت قید اولنور.

۲۲۱. — شایان دقتدرکه: شو اوچ حسابك احتوا ایتدیکی معاملات هب اودونج یاره آلمق معامله سی اولدینی حالده، معاملات مذکوره بر حسابده جمع ایدلمیوب اوچ حسابه تقسیم ایدیلیور، بونلردن خزیننه تحویلاتیه آوانس حسابلری امانات حسابی وضعیتنده بونلره رق انجق تأدیات ایله قیاندینی حالده، مستقرضات حسابی واردات حسابی کبی خزیننه حساب جاریسیله قیاتدیربله رق تأدیاتی قارشوسنه یازلمیور.

۲۲۲. — بونك اسبابی اكلا شلمق ايجون استقراض و خزیننه تحویلاتی و آوانسر حقنده صددمزك خارجهه چیقمه سزین بر درجه ایضاحات ویرمك ایسترز.

۲۲۳. — اولجه دخی بیان و ایضاح ایدلمش اولدینی اوزره،

خزینہ دواژدن هر برينك بودجه ده کی مخصوصاتی درجه سنده مصرفلری محال و اوقات لازمده تأدیه ، و بو صورتله تأدیات یابه بيلمك ایچونده مالیه نظارتنك قوانین و نظامات مخصوصه سی دائره سنده طرح و توزیع ایدوب تحقّق ایتدیردیکی بالجله وارداتی جبايت ایدوب، نقود متحصله یی ایجابی وجهله جلب و جمع و لازم کلان محللره سوق و ایصال ایتمکه مکلف اولدیفندن ، بودجه نك وارداتی مصارفدن نقصان اولدیفنی، یعنی بودجه نك آچینی بولندیفی سنه لرده واردات یکونندن فضله اولان مصرفلری تأدیه ایده بيلمك ایچون اودونج آلق صورتیه باره تدارك ایتمکه مجبور قاله جنی کبی ؛ بودجه ده اساساً آچیق بولنسه دخی ، وارداتك زمان تحصيلیه مصارفك زمان تأدیاتی اکثریا بربرینه تماماً توافق ایده میهرک ، مثلاً ك اهمیتلی وارداتك زمان تحصيلی سنه نك دردنجی بشنجی آیلرنده باشلادیفی حالده ، سنه نك ایلک اوج درت آینده مصارفك کلیتلی بر قسمنی تأدیه یه مجبور بولنسی اکثریتله واقع اوله جفندن ، بو کبی احوالده دخی سنه نك ایکنجی التی آینده وقوع بوله جق تحصيلاتدن اوده مك اوزره ینه اودونج آلق صورتیه باره تدارك ایتمکه لزوم کورور .

۲۲۴ . — ایشته خزینه نك باره تدارك ایتسی معامله سی.

باشلوجه اوج صورتله وقوع بولور . برنجیسی هر سنه معین تقسیط ویرمك بش، اون، اوتوز ، الی، یوز سنه کبی اوزون فقط معین بر مدت ظرفنده اوده مك اوزره بورس لرده آنور صاتیلور تحویلات عمومیه چیقارمقدر . ایکنجیسی مع فائض دفعهٔ اوده مك اوزره ایجابنه

کوره بر، ایکی، اوج، بش، آلتی آی ونهایت بر سنه وعده لی وتجار پولیچه سی کی جیرو طریقہ الدن الہ کجہ بیلور امرہ محرر بنولر یعنی تحویلر چیقارمقدر. اوچنجیسی ده مؤسسات معلومه مالیہ دن حساب جاری صورتیہ ویا مقاولہ مخصوصه دائرہ سنده معین وعده ایله ومع فائض تأدیہ ایتک اوزره پاره المقدر.

۲۲۵. — کوریلیور که بونلرک هر اوچی اودونج آلق یعنی استقرار ایتمکدر وهر اوج صورتله تنکون ایدن دیون دولتک دیون عمومیه سی Dette publique تشکیل ایدر. فقط اصطلاح مالیہ استقرارن Emprunt تعبیری یالکز برنجی شقه مخصوص اولوب، بصورتله عقد اولنان دیونه دیونه تابتہ Dette consolidée و بونلرک ضمیمه چیقاریلان تحویلاتده دیونه عمومیه تحریری دنیلور. و بو کی استقرارلرک تقاسیط سنویه سی اوله رق تأدیہ ایدلرک لازمکلان مبالغ ایچون هر سنه نکل بودجه سنک دیون عمومیه قسمنده لزومی قدر تخصیصات درج ایدیلرک تقاسیط مذکوره بودجه نکل ذکر اولنان ترتیب مخصوصه محسوباً سائر مصارف دولت مثللو تأدیہ اولنور.

۲۲۶. — ایکنجی شقه خزینہ تحریری چیقارم واول صورتله تنکون ایدن دیونی مبین اولان سندلره خزینہ تحویلاتی Bons du trésor دنیلورکه، بونلر بر، ایکی، اوج، بش، آلتی آی ونهایت بر سنه وعده لی اوله رق سائر اوراق تجاریه کی جیرو طریقہ الدن الہ تداول ایتمکه برابر، وعده لی سنه جاریه نکل ویا سنه آتیہ نکل هر هانکی بر آینه

تصادف ایدم بیله جی کبی، هر هانکی بر زمانده حتی سینه نهایتلرنده کی مقداری دخی اوسنه بودجه سنک آچیقلی ویا فضله لی اولسنه، و وارداتک زمان تحصیلله مصارفک زمان تأدیاتی آرمسنده حاصل اولان تفاوتلره، وسنه ایچنده براستقراض عقد ایدلمش اولوب اولماسنه کوره متفاوت اوله جی جهته، بونلرک تأدیاتی ایچون بودجه یه تخصیصات وضع ایدلمیوب تحویلات مذکوره وعده لری حلوانده طبقی امانات کبی وزنه جه تأدیه اولنور. واشته بونلرک یکونی متمادیاً تزايد و تناقص ایدم بیله جک ماهیتده بولمسندن کنایه اوله رق بونوع دیونه ربوره متمرجه Dette flottante دنیلور.

۲۲۷. — اوچنچی شق اوزره یاره تدارکی ایسه آوانس المق تعبیر اولنورکه بونده بورسده آلنور صاتیلور دیون عمومیه تحویلاتی ویا جیرو طریقله تداول ایدن اوراق تجاریه نوعندن خزینه تحویلاتی کبی سندات چیقارماز، وبو صورتله آلمان مبالغ بالاده بیان اولندیخی اوزره مؤسسات مالیهدن حساب جاری طرزنده النور ویریلور، ویا مقاوله مخصوصه ایله معین شرائط دائره سنده مقبوض مقابلی النوب ینه شرائطی دائره سنده تأدیه اولنور. فقط آوانس صورتیه عقد ایدیلان دیون دخی خزینه تحویلاتسندن متکون دیون کبی بودجه یه تعلق ایتدیرلمکسزین وزنه جه تأدیه اولنور، و مقداری طبقی خزینه تحویلاتی کبی متحول اولدیغندن بودخی دیون متموجه یه داخل اولور.

۲۲۸. — قوائم نقدیه چیقارمق دخی یاره تدارکنک دردنجی برشتی اوله رق ذکر اولته بیلور ایسه ده، بونده کی مقصد و شرائط یتون

بتون بشقه اولوب، مع هذا بزده دها يك چوق زمانلر قوائم نقديه چيقارلق احتمالى ده بولندينى جهتلہ بوندن بجه لزوم كوريله مز .

۲۲۹ — استقراض و اوانس خزينه تحويلاتى حسابلرينك محاسبه عموميه نقطه نظرندن يكدىكرى ارمسندہ اولان فرقلر ايضاً - حات مسروده دن استنتاجاً بروجه زير خلاصه ايديلور :

اولا استقراض صورتيه آلان بارہ سنين آتیه نك مصرف بود - جہلرينى قبارتمى اوزرہ سنہ جاريہ بودجہ سنك آچيغنى قبايور . يعنى سنہ جاريہ نك عادتاً وارداتہ انضمام ايديلور . خزينه تحويلاتيله آوانسلر ايسہ بودجہ نك آچيغنى قبايور ، يالكز خزينه نك وارداتى آزا ولدنيى زمانلرہه تأديسى لازم كلان مصارفى در حال تأديه ايدوب اصحاب استحقاقہ بارہ يوقدر يولندہ جواب ويرمامك ايچون موقتاً بارہ بولد - يريور . بوكا مقابل تأدياتى ده بودجہ يہ تعلق ايتيور . وزنه بارہ سى آزا ولدنيى زمانلرہه بارہ سى چوقجہ كلہجكى زمان تأديه ايتمك اوزرہ اودونج اليور . بناءً عليه بونك بودجہ يہ تأثيرى الدينى بارہ ايچون ويرديكى ويا ويرہجكى فائضدن عبارت قاليور .

ثانياً آوانس صورتيه تكون ايدن بورج تماماً النان بارہ قدر اولور . يالكز شرطه مقاوله يہ كورہ مقرر اولان فائضى اوقات معينه سنده حساب اولنوب مصرف بودجہ سنك ترتيب مخصوصندن بشقه جہه تأديه اولنور . خزينه تحويللرى ايسہ النان بارہ نك تاريخ تأديه يہنى تحويلدہ معين اولان وعدہ نك ختامه قدر فائض مقررينك ضميمه حاصلنہ كورہ ويريلور . بناءً عليه بر خزينه تحويليله النان بارہ ختام وعدہ ده اوده -

نه جك اولان پاره يه تماماً معادل دكلسه ده، آره ده كې فرق فائضدن عبارت ندر. استقراضده ايسه بورج اوله رق قبول اولنان مبلغك فائض مقررې سنه بسنه تأديه اولغله برابر، مبلغ مذكور ايله انسان پاره نك مقداری آره سنه مصارف اخراجيه وپياسه فرقی وقوميسيون كې برچوق فرق لر داخل اوله رق، مثلاً يكرمی بش ليرالق بردين سندی دیو موقع تداوله اخراج اولنان بر استقراض تحویلی مقابلنده خزینه يه هر حالده تمام يكرمی بش ليرا کيرمیوب، اذن آز برپاره اننه بيلور. فقط كرك رأس المال كرك فائض تأدياتی بالاآخره تمام يكرمی بش ليرا يعنی تحویلک قيمت اعتباريه سی اوزرندن حساب وايقا اولنور .

ثالثاً كرك استقراض عقدی وكرك آوانس ويا خزینه تحویله پاره تدارك اولنه بيلمسی ایچون مأذونیت قانونیه لازمدر. فقط مأذونیت قانونیه به احتیاج کوسترن سبب، استقراضده سنین آتیه بودجه لینه برابر تحمیل ایدلمسیدر. آوانس وخزینه تحویلاتنده ايسه، بالاآخره استقراض عقدینه مجبوری حاصل ایتدیره جك درجده آوانس ويا خزینه تحویلی چیقارلاماسنی تأمین ایتسکدر .

۲۳۰. — ايشته استقراضك بودجه آچيغنی قیامق اوزره عقد اولنوب، آلندیفی سنه نك عادتاً وارداتنه انضمام ایتش حکمنده بولنمسندن وتأدياتی دخی آتیا هر سنه بودجه سنده كې تخصیصات مرتبه سنندن مصرف قید ایدلك لازم كلنننن طولاییدرکه، مستقرضات حسابنه مطلوب قیدله انسان پاره لر امانات دیونی كې سنه آتیه به دوراولنه میوب، واردات حسابی كې خزینه حساب جاریسی حسابيله آی غایه لرنده قیادیرلق اقتضا

ایدر. آوانس و خزینه تحویلاتندن متکون دیونك تأدیاتی ایسه بودجهیه مصرف قید اولنه میوب، امانات کبی کندو حسابندن ردیات قیدیه حسابلری قباتدیرلق لازم کله جکی جهته، آوانس و خزینه تحویلاتی حسابلری بالطبع استقراض حسابیه برلشه منزلر و خزینه حساب جاریسی حسابیه قباتدیریه مازلر .

۲۳۱ . — کذلک عقد ایدیلان بر استقراض مقاولهسی موجبنجه قبول ایدیلان دینك مقداری نه اولورسه اولسون، بودجه آچیفنی قارشولایه حق اولان مبلغ، استقراض واقعدن قومیسسیون و مصارف اخراجیه و پیاسه فرقی کبی ضایعات دن غیرى اوله رق سنه ایچنده خزینه یه داخل اولان مقدار دن عبارت اولدیفندن، مذکور فرقلر ایچون وزنۀ عمومینك اساس دفترنده بر کونا معامله قیدیه اجرا اولمیبوب، « مستقرضات » حسابنه یالکیز استقراضه طریقیدر آلتانه یارمك مقدارى قید اولنه جقدر . و استقرضات دن طولایى دولك بر زمانده نه قدر بورجی اولدیفنی مستقرضات حسابنك یکو - ننده دکل، دیون عمومیه نك اصلیات و تأدییات و بقایاسنی مبین اوله رق آیروجه دفاتر مخصوصه سندن چیقاریلوب هر سنه نك حساب قطعینه ربط اوله حق جروللردن آ کلاشیه حق، وصول سنه ایچنده استقراض یایلمش ایسه مقاولهسی موجبنجه قاچ غروش بورج آلتنه کیرلمش و بوکا مقابل قاچ غروش آلتوب آرمده کی فرق نه کبی اسباب ایله نرمه ویرلمش اولدیفنی ده مذکور جدوللرده کوریه جکدر . خزینه تحویلاتی حسابی ایسه دائما تداولده اولان خزینه تحویلاتی موجبنجه

خزینہ نك نه مقدار دینی بولندیغنی کوسترمك لازمكه جکسندن، خزینہ تحویلاتی حسابنك مطلوبنه چیقاریلان بر خزینہ تحویلی مقابلنده خزینہ کیرن نقدك مقداری دکل، مقدار مذکور اوزرینہ ختام وعدمیه قدر ویریله جك فائضك دخی ضمیله تحویلك ناطق اولدیغنی مبلغ یازلق لازمكلور. شویله كه اوچ آی وعده لی بیك ایرالق بر تحویلك مقابلنده خزینہ کیره جك اولان نقد یوزده درت فائض حسابیله

$$961,04 \text{ لیرا اولوب، فرقی اولان اوتوز سکز لیرا } = \frac{1000 \times 9000}{9360}$$

قرق آتی غروش فائض اوله رق تحویلك یوم اخراجنده اوزرینہ ضم ایدلش دیمك اوله جغندن، فائض اولان اوتوز سکز لیرا قرق آتی غروش مصرف بودجه سنك ماده مخصوصه سنه محسوباً «مالیه مصارفی» حسابنه مصرف قید ایدیلوب، محسوبات حسابندن طولاشدیرلقدن و نقداً «۹۶۱ لیرا ۵۴ غروش» دخی وزنه ذمت قید اولندقدن صکره ایکسنگ حاصلی اولان بیك لیرا خزینہ تحویلاتی حسابنه مطلوب قید اولنه جقدر. اوانسده النوب ویریلان پاره دائماً رأس المال اولوب مقاوله سی موجینجه اوقات معینه سنده فائض مقرری بشقه جه تأدیه اولنه جغندن، اوانس صورتیله النان مبالغ کاملاً صافی رأس المال اوله رق «اوانس» حسابنه مطلوب و بو رأس المال محسوباً وقوعبولان تأدیات «اوانس» حسابنه ذمت قید اولنور، و اوقات معینه سنده ویریلان فائضلر دخی مصرف بودجه سنك ماده مخصوصه سنه محسوباً حین تأدیه ده «مالیه مصارفی» حسابنه ذمت قید ایدیلبور.

۲۳۲. — دنیله بیلورکه : استقراضده قومیس-یون و مصارف
 اخراجیه و پیاسه فرقی اوله رق اله کچمیان مبالغ دخی دولت حسابنه
 واقع اولمش مصارفدر؛ و دولتک دیون عمومیه سنه انضمام ایدن مقدار
 استقراض واقعدن طولابی اله کچن یازده ایله ضایعات مذکور منک
 حاصل یکونی یعنی استقراضک مقدار اعتبار یسیدر . بناءً علیه یاییلان
 قید حقیقته موافق اولمق ایچون لازمدرکه، استقراضک مقدار اعتبار یسی
 تماماً مستقرضات حسابنه مطلوب قید اولنوب هر درلو ضایعاتی دخی
 بودجهیه مصرف قید اولنسون . آنجق بر سنه بودجه سنک آچیغنی،
 و یاخود اوانسار و خزیننه تحویلاتیه اداره ایدلمش اولان بر قاج سنه منک
 بودجه آچیقلمنی قیامق ایچون عقدینه مأذونیت ویریلان بر استقراضک
 بالمله شرائطی، و چیقاریله حق استقراض تحویلاتنه درجهیه قدر طالب
 بولنه بیلوب، منلایوز لبرالق قیمت اعتباریه ایله اخراج اولنه حق بر استقرض
 تحویلنک قاج لیرایه قدر فروختی ممکن اوله بیله جکی اولدن معلوم اوله میوب،
 بالخاصه بوفر قی حقدنه اولدن هر هانجی بر تخمین نتیجه سی اوله رق بودجهیه
 تخصیصات وضع ایدلمسی اساساً غیر ممکن و پیاسهیه سوء تأثیر ایده بیلیمک
 اعتباریه غیر جائز بولندیغندن، و ذاتاً بودجه حساب قطع یسیله محاسب
 مسئوللرک اداره حسابلری دولتک سرماییه عمومیه سی و بوکا مقابیل
 دیون عمومیه سی محتوی اوله میوب، یالکیز خزیننه منک بر سنه ملک واردات
 و مصارفاتیه بونلرک اجرا سندن طولابی محاسب مسئوللرک اللرندن
 کچن قیامتارک حسابی مبین اولمق لازمکله جکندن، و دولتک دیون
 عمومیه سی تزید ایدن اسباب یالکیز استقراضاتدن عبارت اولمیوب،
 حالبوکه استقراضدن غیری تضمینات و امثالی اسبابدن تولد ایده بیله جک

اولان دیون عمومیه حقنده محاسب مسئوللرک دفترلرنده معامله قیدیه اجراسنی ایجاب ایدیه بیله جک بر حال واقع اوله میه جقندن، استقراضلرک یالکیز حاصل نقدیسنی قید ایتمک طوغریدر . قالدیکه : عقد ایدیلان بر استقراضک مقدار اعتباریسیله داخل موازنه اولان حاصل نقدیسی آرسننده کی فرقک مقدار و اسبابی حقنده ایضاحات لازمه یی حاوی جدولار حساب قطعی قانوننک اسباب موجب مضبوطنه بشقه جه ربط ایدیه جکندن، بونلرده حساب خارجنده قالمش اولماز .

۲۳۳. — استقراض مرتبانه مأخوذات . — بو حساب طشره مال صندوقلرینک دفترلرنده آچیلمش اولان «استقراض مرتبانه» تندن ارسالات « حسابنک مقابیلدر . طشره مال صندوقلرنجه بویولده بانقعه تسلیم اولنوب «استقراضات مرتباندن ارسالات» حسابنه ذمت قید اولنان مبالغی مبین بانقعه مقبوضاری وزنه عمومییه ورود ایتدیکه، وزنه عمومینک اساس دفترنده اشبو «استقراضات مرتباندن مأخوذات» حسابنک مطلوبنه وزیرده تعریف ایدیه جک اولان «تعهدات مقابلی بانقعه لره تودیعات» حسابنک ذمتنه قید اولنور . بو حساب طبقی ولایاتدن مأخوذات حسابنک ماهیتنده بولندیقندن آی غایه لرنده خزینه حساب جاریسی حسابنه مطلوب قیدیه قیادیریلور .

۲۳۴. — تعهدات مقابلی بانقعه لره تودیعات . — مقاولات مخصوصه اقتضاسنجه بعضی استقراضات تقاسیطیله تشبثات نافعنه تأمیناتی اوله رق تأدیسه لازم کلان مبالغک اوقات معینه ده بانقعه لرده حاضر بولمنی ایچون بعضی نوع واردات حاصلاندن اوله رق بانقعه لره تودیعی

ایدیلان مبالغی کو سترمک ایچون آچلمشدر . کرك طشرده و كرك مركززده بوصورتله بانقهیه تودیع ایدیلان مبالغك یكونی بو حسابده کورینه جکدر . بناءً علیه طشره مال صندوقلرنجه « استقراضات مرتباندن ارسالات » حسابنه ذمت قیديله بانقهیه تودیع ایدیلان مبالغ بانقهك مقبوضلری ورودایتدکجه، وزنۀ عمومینك دفترنده - فقرۀ سالفده کوسترندیکی اوزره - « استقراضات مرتباندن مأخوذات » حسابنه مطلوب اشبو « تعهدات مقابلی بانقهلره تودیعات » حسابنه ذمت قید اولنه جنی کی، بالایحساب مركزز موجودندن دخی بویولده بانقهیه اچۀ تودیع اولندیغنده اشبو حسابنه ذمت و ایجابنه کوره بانقه حساب جاریسی ویا وزنۀ حسابلرندن برینه مطلوب قید اولنور . تودیعات واقعہ مقابلنده بانقهیه تأدیات امری ویرلدکجه بو حسابنه مطلوب قید اولنور .

۲۳۵ . — بوحساب طبقی وزنۀ و بانق حساب جاریسی ماهیتنده اولدیغندن، ذمتی مقبوضاتی و مطلوبی مدفوعاتی وبقیۀ ذمتی دخی مقاوله لی تأدیات قارشولنی اوله رق موجودینی کوسترر، و طبقی وزنۀ حسابی کی حسابات سائر ایلہ معاملہ ده بولنور . بناءً علیه مركزز وزنۀ سندن بو حسابنه پاره ویرلمك لازمکلدکده ویریلان مبلغ وزنۀ حسابنه مطلوب بوحسابنه ذمت قید اولنغله برابر برکرده « مناقلات » حسابنك طرفیننه کچورلمك اقتضا ایدر .

۲۳۶ . — بانقیر محول تأدیات حساب جاریسی . — دیون عمومیه تحویلالتنك قوبوللری و سائر بعض امور نافعہ تأمیناتی مقاولات مخصوصه سی موجبنجه عثمانلی بانقہ سی ویا دیگر بانقہ لر معرفتیه

تأديه اولنق مشروطدر . مقاوله بويله بر شرط موجود اولسه بيله ،
ممالك اجنبیهده خزینہك شعباتی بولندينی جهتهله ، اورالرده تأديه سی
لازمکلن هر درلو دیون و مصارفك تأدياتنه بانقهلرك توسط ایتمی
ضروریدر . از جمله ممالك اجنبیهده بولنان سفیر و شهیندرلرك وسائر
طلبه و مأمورینك معاشات و مصارفی دخی عثمانلی بانقهسی طرفندن
تأديه ایدیلررك اوراق مثبتہسی وزنہ عمومیہ تسلیم ایدیلور . عثمانلی
بانقهسی دخی کندوسنك شعبہسی اولمیان محللرده کی تأديات ایچون
دیگر بانقهلری توسط ایدر . بانقهلر معرفتیهله ممالك اجنبیهده اجرا
قلنه حق تأدياته عائد اوراق مثبتہك مرکز وزنہ سنہ وصولی بر ایکی
آی و بعضاً دهـا زیاده مدت مرورینه توقف ایدمـه چکی کبی ، بالخاصه
دیون عمومیهك بر تقسیطه عائد قوبولرك تأدياتی مقاولات مخصوصه سیله
معین مرور زمان مدتنه قدر دوام ایدوب ، مدت مذکورہ ایسه بش
القی سنهدن اوتوز سنهیه قدر متفاوت اولدیفندن . تأديات مذکورہك
مصرف قیدلرینك اجراسیچون ذکر اولنان تأديات اوراق مثبتہسنك
وصولنه انتظار ایدمك بالطبع ممکن اولهـماز . زیرا مصرف قید اولنماز
ایسه تخصیصات قیدی آجیق قالور . بودجه حساب قطعیسنی جبقارمق
ایچون آجیق قالان تخصیصات احما ایدلسه ایرتمی سنه ظرفنده تأديه سی
اقتضا ایدمـه ك اولان مبالغ ایچون تخصیصات منضمه استحصـال اولنق
لازمکلور . بو ایسه كرك اداره ایچون وكرك اصحاب استحقاق ایچون
ملفرسا برکلفت اولوب بالوجوه داعی مضررات اولور . ایشته بوکی
تایره محل قلامق ایچون بانقهلر معرفتیه داخلده ویا ممالك اجنبیهده
تأديه سی لازمکلان دیون و مصارفك تصفیہ سنده وزنہ عمومیجه اعطا

امری اوزرندن در حال مصرف قید اولنہرق ایجابی وجهله اصحاب استحقاقه اعطاسی بانقیہ حوالہ اولنور . بناءً علیہ مذکور مصرف حائد اولدینی دائرہ مصرفہ ذمت قید اولنہسی مقابلندہ اوراق مثبتہسی ورود ایتدجک قید۔ اندیرملق اوزرہ زیردہ تعریف ایدیلہ جک اولان بر حساب مخصوصہ مطلوب قید اولنمغلہ برابر، او مصرفہ کفایت ایدہ جک مقدار اقچہ دخی ایجابہ کورہ «وزنہ» ویا «بانق غنائی حساب جاریسی» ویا «تعہدات مقابلی بانقلرہ تودیعات» حسابلرندن برینہ مطلوب قیدیلہ اشبو «بانقیہ محول تأدیات حساب جاریسی» حسابہ ذمت قید اولنور۔ بانقہ دن تأدیات اوراق مثبتہسی ورود ایتدجک محتویاتی اشبو حسابہ مطلوب قید اولنہرق سالف الذکر حساب مخصوصی۔ بانقہ دن کلہ جک سندات حسابی۔ قیاتدیریلور .

۲۳۷۔ بانقہ دنہ کلہ جک سندات . — فقرہ سالفہ دہ کی تعریف۔ یافتدن مستبان اولہ جنی اوزرہ، بانقیہ تأدیہسی حوالہ ایدیلان مصارفک اوراق مثبتہسی کلزدن اول بودجہ قیدینہ مقابل آچیلمش بر حساب اولمغلہ، تأدیہسی بانقیہ حوالہ ایدیلان ہر نوع مصارف ایجابہ کورہ حائد اولدینی دائرہ مصارفی حسابہ ذمت ومحسوبات حسابہ مطلوب، ومتعاقباً محسوبات حسابہ ذمت وبو حسابہ مطلوب قید اولنور۔ تأدیاتی مبین اوراق مثبتہ بانقلرہ وزنہ عمومیہ تسلیم اولندجک محتویاتی «بانقیہ محول تأدیات حساب جاریسی» حسابہ مطلوب واشبوہ بانقہ دن کلہ جک سندات» حسابہ ذمت قید ایدیلور .

۲۳۸۔ کوریلور کہ: کرک «تعہدات مقابلی بانقلرہ تودیعات»

حسابی و كرك « بانقيه محول تأديات حساب جاريسی » طبقی « بانقه حساب جاريسی » حسابی کبی خزینہ نك بانقه لردہ کی پارہ لرینی کوسترہ؛ و بو حسابلرك هر اوچنك ذمتندہ بولنان پارہ لر بانقه لرجہ خزینہ اعادہ و یا خزینہ نك امر ایستدیکی محلہ تأدیہ اولنجهیه قدر خزینہ فائض کتورور . فقط بونلرك یکدیگرندن فرقی شودر که، « بانقه حساب جاريسی » حسابندہ طوران پارہ لر خزینہ نك بلا قید و شرط ایستدیکی زمان بانقہ دن استرداد ایدہ بیله جکی پارہ لردر . تمہدات مقابلی بانقہ لره تودیعات» حسابندہ کی پارہ لر ایسہ عہود و مقاولات مخصوصہ اقتضاسنجه معین دیون و مصارفك اوقات معینہ سندنہ تأدیہ اولنہ جق تقاسیطنی تأمیناً بانقہ لره تودیعی اولنان بعض وارداتدر که ، تقاسیط مذکورہ نك تأدیہ سنہ کفایت ایدہ جك مقدارہ بالغ اولنجهیه قدر بانقہ تر اکم ایدہ جك، و تقاسیط مذکورہ نك تأدیہ سنہ کفایت ایدہ جك مقداری اوقات معینہ سندنہ اوچنچی حسابہ یعنی « بانقيه محول تأديات حسابہ » چکوریلوب، فضلہ قالور ایسہ انجق بوفضلہ قالان مقداری خزینہ جه استرداد ایدہ بیله جکدر . « بانقيه محول تأديات » حسابہ لجن پارہ لر بودجهیه مصرف قید اولنہ رق خزینہ دن چیقمش بر قسم اولوب، بوندن خزینہ یه عودت ایدہ بیله جك اولان مقدار مقاولات مخصوصہ سی دائرہ سندنہ معین مرور زمان مدتلك ختامنہ قدر صاحبی ظهور اتمان مبالغدن عبارتدرکہ، بویله مرور زمان جہتیلہ خزینہ یه عودت ایدن مبالغ آلدیغندنہ بودجهیه واردات قید اولنور .

۲۳۹. — طمرہ ده تقاعد تأدیاتی . — بو حساب « طشرہ مال

صندوق قلیزینک دفترلرنده کی «تقاعد معاشاتی» حسابنک مقابلی در .
 طشره مال صندوق قلیزینک دفترلرنده «تقاعد معاشاتی» حسابی خزینہ بہ
 ارسالات حسابی ماہیتندہ اولہرق، خزینہ حساب جاریسی حسابنک
 ذمیتلہ قیاتدیرلدینی کبی؛ وزنہ عمومینک دفترلرنده «طشرہدہ تقاعد تأدیاتی»
 حسابی دخی «ملقحاندن مأخوذات» حسابی ماہیتندہ بولنہرق «خزینہ
 حساب جاریسی» حسابنک مطلوبیلہ قیاتدیریلور. شویلہ کہ تقاعد
 معاشاتی ماہ بجاہ مرکزجہ اعطا امرینہ اقتران ایتدیرلدیکجہ دیون عمومیه
 بودجہ سنک معاشات ذاتیہ فصلنہ مصرف یعنی ذمت قید اولنہرق
 محسوبات حسابنک توسطیلہ امانات حسابنہ مطلوب قید اولنور. طشرہدن
 تقاعد معاشاتنک تأدیاتی مبین بوردرولر ورود ایتدیکجہ محتویاتی امانات
 حسابنہ ذمت قید اولنہرق ینہ محسوبات حسابنک توسطیلہ اشبو «طشرہدہ
 «تقاعد تأدیاتی» حسابنہ مطلوب قید اولنور. آی نہایتلرنده «خزینہ
 حساب جاریسی» حسابنک مطلوبیلہ قیاتدیریلور .

۲۴۰ . — اوچیوز یکریمی سکیز سنہ سندن اعتباراً یوردلق
 او جالق چراقلق محتاجین معاشی وامثالی بالعموم معاشات ذاتیہنک
 طشرہدہ تقاعد معاشاتنہ تطبیقاً تأدیہ سنک اصول اتخاذای متصور
 اولدیفندن، بوصورت تطبیق اولنور ایسہ اووقت طشرہ مال صندوقلر
 ینک دفترلرنده «تقاعد معاشاتی» حسابنک «معاشات ذاتیہ»، ووزنہ
 عمومینک دفترلرنده «طشرہدہ تقاعد تأدیاتی» حسابنک دخی «طشرہدہ
 معاشات ذاتیہ تأدیاتی» دیو اسملرینک تبدیل و تعمیم ایدلمسی طبیہی در .

۲۴۱. — عثمانلو بانقه نك آوانس حساب هاریسی. — عثمانلو بانقه سیله عقد ایدیلان بره مقاوله مخصوصه اقتضاسیجه، خزینه لزوم کوردیکی تقدیرده آوانس طریقیله فقط بلامدت ایستدیکی وقت قسماً و یا تماماً تأدیه ایتک و تأدیه ایتدیکه ینه آله بیلیمک اوزره بر بحق میلیون لیرایه قدر یاره آله بیله جکندن؛ بانق عثمانیدن بو صورتله آله حق مبالغ ایله بوکا مقابل وقوعه بولجق تأدیاتک قیدینه مخصوص اوله رق بو حساب آچلمشدر. بو حسابک بالاده تعریف اولنان آوانس لر حسابندن ماهیه بر فرقی یوقدر. فقط بو آوانس دیگر آوانس لر کبی بر دفعه یه مخصوص و یا مدتله مقید اولمیه رق، ذکر اولنان حد معین دائره سنده هر وقت آلتوب اعاده ایدیله بیله جکندن؛ بونک ایچون دیگر آوانس لردن آیرو بر حساب مخصوص اچلمشدر. بانق عثمانیدن بو بر بحق میلیونلق مقاوله یه استناداً یاره آلدیقه بو حسابیه مطلوب یازیلور، و تأدیاتی بو حسابک ذمتته قید اولنور و بقیه مطلوبی هر وقت بوجه تندن خزینه نك بانقه یه بورجی کوستیر.

۲۴۲. — عثمانلو بانقه سی حساب هاریسی. — بو حساب طشره مال صندوق لرنده اولدیغی کبی در. ذمتی خزینه نك ایستدیکی وقت استرداد ایتک اوزره عثمانلو بانقه سنه تودیع ایتدیگی مبالغی، و مطلوبی بوندن استرداد ایتدیگی مبالغی و بقیه ذمتی ده خزینه نك بانقه ده کی موجودی کوستیر. بالاده تعریف اولنان «بانق عثمانینک آوانس حساب جاریسی» حسابنک بقیه ذمتی اوله میه جنی کبی، بو حسابک ده بقیه مطلوبی اوله ماز.

۲۴۳. — دیگر بانقه لر حساب هاریسی. — ماهیه عثمانلو بانقه سی

حساب جاریسندن فرقی دکلدر . بانق عثمانینک خزینیه قارشو خصوصیت حالته و بالخاصه طشره مال صندوقلرنجه هان بانق عثمانیدن بشقه بانقه لرله حساب جاری بولمديغنه بناءً وزنۀ عمومینک دیگر بانقه لر ایله اوله بیله جک حساب جاریلری بانق عثمانی حساب جاریسندن آرو کورنمک ایچون حسابی تفریق اولمشدر .

۲۴۴ . — محسوبات . — طشره مال صندوقلرنده اولدینی کیدر .

۲۴۵ . — مناقضات . طشره مال صندوقلرنده اولدینی کیدر .
یالکیز طشره مال صندوقلرینک دفترلرنده مناقضات حسابی « وزنۀ »
ایله « بانق عثمانی » آره سنده تعاطی ایدیلان مبالغه منحصر بولمدينی
حالده ، وزنۀ عمومینک دفترنده « وزنۀ » و « بانق عثمانی حساب جاریسی »
و « دیگر بانقه لر حساب جاریسی » و « بانق عثمانینک اوانس حساب
جاریسی » و « بانقه یه محول تأدیات حساب جاریسی » و « تعهدات
مقابلی بانقه لر تودیعات » حسابلری آره سنده تعطی ایدیلان مبالغی
احتوا ایدمکچدر .

— رسومات اداره مرکزیه سنک اساسی دفترنده —

آچیله جق حسابات .

۲۴۶ . — رسومات اداره مرکزیه سنک اساس دفترنده آچیله .
جق اولان حسابات طبقی ولایت مال صندوقلرینک اساس دفترنده کی
حسابات کیدر . شو قدرکه رسومات اداره سنک مرکز وشعباتنده

تأديه ايديلهك مصارف، يالکيز رسومات بودجه سنده کی مصارفدن عبارت اولوب، ديگر دوائر مصارفی ایچون رسومات اداره سنک مرکز وشعباتی وزنه لری اوزرینه اعطا امری ویرلیسه جکندن ؛ ولایت مال صندوقلرینک اساس دفترلرنده کی دوائر مصارفی حسابلرینک یرینه رسومات اداره سنک اساس دفترلرنده يالکيز بر مصرف حسابی واردره برده یوزده اوچ رسم منضمدن متکون حاصلات محرم قرارنامه سی اقتضای سنجه خزینه طرفدن صرف ايديلمه رک تماماً دیون عمومیه واردات مخصوصه اداره سنه تأديه سی لازم کله چکی جهتله، اشبو رسم منضمندن نه مقدار حاصلات اولوب بوکا محسوباً دیون عمومیه اداره سنه نه وقت نه مقدار تسلیمات واقع اولدینی آبروجه کورینه بيلمک ایچون، « رسم منظم حساب جاریسی » و « دیون عمومیه اداره سنه ارسالات » نامیه بشقه جه ایکی حساب آچلمشدر .

۲۴۷ . — رسم منظم حساب جاریسی . — رسومات اداره مرکزیه سنک اساس دفترنده اشبو « رسم منظم حساب جاریسی » ، « خزینه حسابات جاریسی » حسابنک ماهیتنده اولوب ، « خزینه حساب جاریسی » حسابی کړك واردات و صرفیاتدن وکړك خزینه عائد مراسلاتدن اولسون بر محاسب مسئولك النندن کچن خزینه پاره لرنی کوستردیکی کبی ؛ « رسم منظم حساب جاریسی » دخی رسم منضمندن منبعث اوله رق رسوماتنده کی محاسب مسئولك دیون عمومیه اداره سنه عائد معاملاتنی کوستریر . شویله که : ادخالات اوزرندن آلنان یوزده اون بر رسم تماماً « واردات متحققیه » مطلوب « وزنه » یه ذمت قید

اولندقدنصكره، بوندن رسم اصلی اولان يوزدهسكز مقداری «واردات عمومی» به ذمت «خزینة حساب جاریسنة» مطلوب قید اولنوركن، رسم منضم اولان يوزده اوچ مقداری دخی «واردات عمومی» به ذمت فقط «رسم منضم حساب جاریسی» حسابنه مطلوب قید اولنور. يوزده اون بر ادخالات رسمی آلتش اولان امتعه مدت معینه ظرفنده ممالك اجنبیه به اخراج اولنقدن ناشی يوزده اون مقدارنده کی رسمك اعادهسندده دخی، اعاده اولنان مبلغ بودجهنك ردیات مادهسنة محسوباً «مصرف» حسابنك ذمتنه و «وزنه» نك مطلوبنه قید اولندقدنصكره، بونك رسم اصلی به تعلق ایدن يوزده یدی مقداری «تخصیصات» حسابنه مطلوب «خزینة حساب جاریسی» حسابنه ذمت قید اولندیفی کبی، رسم منضم اولان يوزده اوچ مقداری دخی كذلك «تخصیصات» حسابنه مطلوب فقط «رسم منضم حساب جاریسی» حسابنه ذمت قید اولنور.

۲۴۸. — دیونه عمومی ادارهسنة ارسالات. — بو حساب رسم منضم حاصلاتندن دیون عمومی ادارهسنة وقوعبولان تسلیمانه مخصوص اولوب، طبق «خزینة ارسالات» حسابنك ماهیتنده در. رسم منضم حاصلاتندن رسومات ادارهسندده تراکم ایدن مبالغ دیون عمومی ادارهسنة ارسال اولندقچه وزنه به مطلوب بو حسابنه ذمت قید اولنور. وبو حسابنك مطلوبی هر آی غایهسندده رسم منضم حساب جاریسی حسابنك ذمتیه قیادتیریلور.

۲۴۹. — برحاسب مسئولك وزنهسندده خزینةنك قاج پارهسی

اولدینی خزینه حساب جاریسی حسابک بقیه مطلوبنده کورینه جکی کبی؛ رسم منضم حساب جاریسی حسابک بقیه مطلوبی دخی رسومات اداره سنده رسم منضم حاصلاتندن دیون عمومیه اداره سنه تسلیم اولنلق اوزره قالان مبالغی کوستیر .

۲۵۰ . — مصر کرکری و مصر کرکری نامه مقبوضات. —

رسومات اداره مرکزیه سنک اساس دفترنده بو نام ایله ایکی ده ملحق حساب واردر . بو حسابلر رسومات اداره عمومیه سیله مصر کرکی آره سنده کی حساب جاری بی کوسترمک ایچوندور . شویله که بوراده ادخالات رسمی ویرمش اولان امتعه، مصره نقل اولن دینی تقدیرده اوراجه رسم آلتیوب، یالکیز بوراجه النمش اولان یوزده اون بر رسمدن یوزده سکز مقدارینک مصره اعاده سی ایچون علم و خبری بورایه کوندریلور . علم و خبرک ورودنده بوراجه یوزده سکز رسم «مصر کرکی» حسابنه مطلوب و «مصر کرکی نامه مقبوضات» حسابنه ذمت قید اولنور . یوزده سکز رسمی مصرده تأدیه ایدلمش اوله رق مصر کرکنک تذکره سیله بورایه واصل اولان اشیا دن یالکیز یوزده اوچ رسم منضم اخذ اوله رق علی العاده واردات قید اولنغله برابر، مصرده آلتمش اولان یوزده سکز مقداری دخی «مصر کرکی» حسابنه ذمت و «مصر کرکی نامه مقبوضات» حسابنه مطلوب قید اولنور . اوقات معینه ده مصر کرکیله حساب قطعی تعاطی اوله رق مصر کرکنک مطلوبی ذمتدن زیاده ایسه بقیه مطلوبی ردیات ماده سنندن مصرف قید ایدیلرک تأدیه اولنغله برابر، «مصر کرکری» حسابنه ذمت و «مصر کرکی نامه

مقبوضات» حسابنه مطلوب قید اولنه رق بو ایکی حساب قیایدیریلور؛
واکر مصر کمرکنک ذمتی مطلوبندن زیاده ایسه، بقیه ذمتی مصرفدن
نقداً تحصیل اولنه رق علی العاده واردات قید اولنغله برابر «مصر کمرکی»
نامه مقبوضات «حسابنه ذمت و «مصر کمرکی» حسابنه مطلوب
قید اولنه رق بو ایکی حساب قیایدیریلور .

— پسته و تلغراف و تلهفون اداره مرکزیه سنک —

اساس دفتری

۲۵۱ . — پسته تلغراف و تلهفون اداره مرکزیه سنک اساس
دفترنده کی حسابات طبقی رسومات اداره مرکزیه سی حساباتی کیبدر. یالکیز
رسوماتک دفترنده بولنان رسم منظم حساب جاریسی دیون عمومییه
اداره سنه ارسالات کی حسابلره لزوم کوسترن معاملات پسته و تلغراف
و تلهفون اداره سننده بولندینی جهته، اداره مذکور سنک دفترنده بو
حسابلرک مقابللری یوقدر .

۲۵۲ . — ممالک اجنبیه یه سوق ایدیلان مکتوب و تلغرافنامه لر
ایچون النان اجر تلردن ممالک اجنبیه پسته و تلغراف اداره لرینه حصه
ویرلمک، و کذلک ممالک اجنبیه دن ممالک عثمانیه یه کلان مکتوب و تلغرافلر
ایچون اجنبی پسته اداره لرینجه تحصیل اولنان اجوار اتدن حصه النقی
جاری ایسه ده، بونلر ایچون هر مملکت ایله حساب جاریلر طوتیلوب،
اوقات معینه ده قطع اولنان حساباتی موجبجه اجنبی اداره لرینه تأدیسه سی
لازم کلان حصه اجوارات بودجه نك «ادارات اجنبیه» ماده سنندن

مصرف قیدیه تأدیه، و ممالك اجنبیه اداره لرندن التقی لازم کلان حصه اجوارات دخی عادیاً واردات قیدیه تحصیل اولندیجی جهتله؛ پوسته و تلفراف و تله فون اداره سنک دفترنده بونلر ایچون شمیدیک آرو حسابلر اچلما مشدر .

۲۵۳. -- پوسته حواله سی صورتیه نقل نقود معامله سی پوسته اداره لرینک اک مهم بر قسم معاملاتنی تشکیل ایدر ایسه ده، محاسبه عمومیه نقطه نظرندن معاملات مذکوره اشخاص اماناتی مقبوضات و تأدیاتیله شعبات آره سند مراسلات نقدیه دن عبارت بولندیجی جهتله بوکا عائد حسابات بتون بتون آرو طو تلمقه در .

❖ دفتر خاقانی اداره سنک اساس دفترنده کی حسابات ❖

۲۵۴. — دفتر خاقانی نظارتک مرکز و شعباتنده مصرف وزنه سی اولمیوب، هر درلو صرفیات تأدیاتی مرکزده وزنه عمومیدن و طشرده مال صندوق لرندن ایفا ایدلمکده اولدیجی کی ؛ طشرده هر درلو واردات دخی اداره مذکوره شعباتی طرفندن ویریلان تحصیل مذکره لری اوزرینه طوغریدی طوغری مال صندوق لر نجه قبض و تسلیم ایدلمکده ایسه ده؛ استانبول ولایتده شمیدیک دفتر خاقانی اداره سی بولنمیوب، استانبول داخلنده کی املاک و اراضینک معاملاتنی نظارتک مرکز اداره سند ایفا ایدلمکده اولدیجی جهتله، اداره مذکوره ده بالکنز قبض واردات ایچون بر وزنه واردر . بناء علیه بو وزنه نک اساس دفترنده دخی مصرفه متعلق هیج بر حساب بولنمیوب ، بالکنز

وارداته متعلق حسابلر ایله امانات و دیگر صندوقلر نامنه تحصیلات و دیگر صندوقلرک مأخوذاتی و خزیننه ارسالات کی معاملات نقدیه حسابلری بولنور .

❧ مؤسسات اساس دفترلرنده کی حسابات ❧

۲۵۵ — . مؤسساتک اساس دفترلرنده دخی طبقی رسومات و پوسته اداره لرنده اولدینی کی کندولرینه عائد بر مصرف حسابیه واردات و معاملات نقدیه حسابلری بولنور . بوندن بشقه مطبعه عامره، مکتب صنایع کی اعمالخانه قیلمدن اولان مؤسساتک هر برنده اشتغال ایستکلری اعمالانه مخصوص حسابلر دخی بولنور ایسه ده؛ بونلر عینیاته متعلق ملحق حساب نوعندن اوله رق محاسب مسئولک اداره حسابیه بودجه حساب قطعینه داخل اولمازلر .

۲۵۶ — . مؤسسات مذ کورده دن الک اهمیتلیسی مسکوکات اداره سی اولوب، بونک اجزای اصلیه سی النون و کموش، و اشیاى معموله سی مسکوکات اولوق اعتباریه، ملحق حساباتی دخی ده ا زیاده شایان دقت بولنوق لازم کلور ایسه ده؛ مؤسسه مذ کورمک حساباتی هنوز محاسبه عمومیه جه آرزو اولنان شکه افراغ ایدیه میوب وضع عتیقی اوزره جریان ایتمکده بولندینی جهتله، شمذیلک بوباید تفصیلات ویریه میه جکدر .

❧ جداول و اجمالات شهریه ❧

۲۵۷ — . شهریه جدولی هر هانکی بر مرکزده طونیه لان

اساس دفترينك بهر آی غايه سنده کی حالی مبین اوله رق مافوقنده بولان مرکزہ کوندر بله جک متوازن خلاصہ حسابیہ در .

۲۵۸ — خزینہ نك طشرہ دہ کی شعباتندن قضا مالصندوقلری لوا محاسبہ جیلککرینے، و لواء محاسبہ جیلککری ولایت دفتر دار لقلرینے مربوط اولوب، لوا محاسبہ جیسی لواسی داخلندہ بولان قضا مالصندوقلرینك معاملات مالیه سندن خبردار اوله رق انلرہ نظارت ایتسی لازم کله جکی کی؛ ولایتدہ کی دفتر دار دخی اول امرده مرکز ولایت اولان لوا داخلندہ کی قضا لک مالصندوقلری اوزرنده بر لوا محاسبہ جیسینك وظائفیله مکلف اولغله برابر، ولایتی داخلندہ بولان الویہ ملحقه محاسبہ جیلککری اوزرینده حق نظارتی اوله رق ولایتدہ کی عموم مالصندوقلری نامنه خزینہ حساب ویرمه مجبور اولدیقندن؛ قضا مالدیرلری هر آی تابع اولدقلری لویه شهریه جدولی کوندره جکاری کی، لوا محاسبہ جیلری دخی مرکز لوا ایچون طوندقلری اساس دفترندن هر آی برر شهریه جدول چیقاردقندن صکره، بو جدولی قضا لردن کلان جدوللر ایله برلشدیروب مع ملحقات لوانک او آی غایه سنه قدر اولان معاملات مالیه سنی کوستر بر جدول چیقاریرلرکه، بوکاده اجمال دینلور. ولایتدہ کی دفتر دارلر دخی اول امرده مرکز ولایت نامنه طوندقلری اساس دفترندن بر شهریه جدولی. ثانیاً مرکز ولایت لواء سنه تابع قضا لردن کلان جدوللر ایله آمرکز ولایت شهریه جدولنی توحید مرکز لواسی معاملاتنی مبین بر اجمال، وثالثاً مرکز ولایت لواسی نامنه چیقاریلان اجمال ایله ملحق لوالردن کلان اجماللرک توحیدیلر ولایتک عموم معاملات مالیه سنی مبین ایکنجی بر اجمال چیقاریرلر .

۲۰۹. — بو صورتله قضا شهریه جدوللرینک توحیدیله بر لوا معاملاتین مبین اوله رق چیقاریلان اجماله «لوا اجمالی»، ولوا اجماللرینک توحیدیله بر ولایت معاملاتین مبین اوله رق چیقاریلان اجمالده «ولایت اجمالی» دینلور .

۲۶۰. — محاسبه عمومیه ایسه طشره مالصندوقلرینک حساباتی ولایت اجمالری اوزرندن، ودیگر شعبات خزینه ایله وزنّه عمومینک حساباتی بونلرک طوغریدن طوغری هر آی کوندره جکلری شهریه جدوللرندن جمع وتوحید ایدرک خزینه نک حساب عمومیسنی حیقاریر .

۲۶۱. — قضا شهریه جدولی . — قضا شهریه جدولی اوچ طابلو اوزرینه مرتبدر . برنجی طابلو، اساس دفترنده کی حسابلرک آی نهاینده کی صاغ وصول صحیفه لری یگونلریله هر بر حسابک بقیه لری کویسترر . ایکنجی طابلو وزنّه حسابک مقبوضات ومدفوعات یگونلرینی تشکیل ایدن مبالغه انواع حساباته کوره مفرداتی ارانه ایدر . اوچنجی طابلو دخی وزنّه نک مقبوضات ومدفوعات یگونلریله آی غایه سنده کی موجود نقاینک جنس مسکوکات اعتباریله مفرداتی مبیندر .

۲۶۲. — مذکور اوچ طابلونک صورت ترتیبی ایله هر برینک ارقام مفروضیه کوره املا اولنمش برر نمونه سی زیرده موضوعدر .

(شکل ۳۰۲، ۱، ۴)

قضا شهریه جدولی نمونہ سی

(۱) (شماره)

[illegible]

قضا شهریه جدولی

برنجی طابو (شکل ۲)

بقیه حسابات		اساس دفترینک		اسامی حسابات	ردیف
صاغ صحیفه دن	صول صحیفه دن	صاغ صحیفه سی	صول صحیفه سی		
		یکون	یکون		
۱۱۱۸۰۰		۱۳۵۰۰۰	۲۳۲۰۰	واردات عمومی	۱
	۲۶۸۰۰	۱۳۲۰۰	۴۰۰۰	سنة حالیه واردات متحققه سی	۲
	۸۵۰۰۰	۱۰۰۰۰	۹۵۰۰۰	سنین سابقه وارداتی	۳
	.	۴۰۵۲۰	۴۰۵۲۰	مرکزیه ارسالات	۴
	.	۶۰۰۰	۶۰۰۰	مرکززدن مأخوذات	۵
۲۱۰۰		۲۶۰۰	۵۰۰	امانات	۶
	.	۷۰۰	۷۰۰	دیگر صندوقلر نامه تحصیلات	۷
	.	۶۲۰۰	۶۲۰۰	دیگر صندوقلرک مأخوذات	۸
	۲۰۰	۸۰۰	۱۰۰۰	صرفیات موقته	۹
	۲۰۰	۹۰۰	۱۱۰۰	اشخاص ذممی	۱۰
	.	۶۴۰۰	۶۴۰۰	مدت متممه تحصیلات	۱۱
۷۵۸۰		۵۴۳۰۰	۴۶۷۲۰	خزینہ حساب جاریسی	۱۲
				تذاکر تمفارسمی تحقیقات	۱۳
۶۰۰		۳۰۰۰	۲۴۰۰	وارسلاتی	
	۴۰۰	۲۶۰۰	۳۰۰۰	تذاکر تمفارسمی	۱۴
	۹۴۸۰	۵۱۷۲۰	۶۱۲۰۰	وزنه	۱۵
۱۲۲۰۸۰	۱۲۲۰۸۰	۲۳۳۹۴۰	۳۳۳۹۴۰	یکون	

قضا شهریه جدولی

اوجنجی طابو (شکل ۳)

شهر حال ابتدا سند	شهر حال مقبوع	یکون	شهر حال وقوعاتی	شهر حال غایه سند	مسکوکات جنس
موجود نقدی	ضانی	غروش	پاره	غروش	پاره
۰	۵۱۳۰	۵۱۳۰	۰	۵۱۳۰	التون
۱۳۸۴۸	۱۶۷۰۰	۳۰۵۴۸	۲۶۲۸۸	۴۲۶۰	گوش
۳۳۳	۷۰	۴۰۲	۳۱۲	۹۰	مفشوشه
۱۴۱۸۰	۲۱۹۰۰	۳۶۰۸۰	۲۶۶۰۰	۹۴۸۰	یکون

صرفیات		تخصیلات	
ایضاحات	بارہ غروش	ایضاحات	بارہ غروش
مرکزہ ارسالات	۴۰۵۲۰	سنہ حالہ وارداتی	۱۳۲۰۰
دیگر صندوقلرک مأخوذاتی	۶۲۰۰	سینین سابقہ وارداتی	۱۰۰۰۰
امانات	۵۰۰	مرکز کردن مأخوذات	۶۰۰۰
صرفیات موقوفہ	۱۰۰۰	امانات	۲۶۰۰
اشخاص ذمہ	۱۱۰۰	دیگر صندوقلر نامنہ تخصیلات	۷۰۰
تذاکر تمغا رسمی تحقیقاتی و ارسالاتی	۲۴۰۰	صرفیات موقوفہ	۸۰۰
» صرفیات موقوفہ (حسابلرینک کچن سنہ دون		اشخاص ذمہ	۹۰۰
» اشخاص ذمہ ادوراولانان قبیلہ لری منہا		تذاکر تمغا رسمی	۲۶۰۰
		مدت متممہ تخصیلاتی	۶۴۰۰
یکون صرفیات	۵۴۷۲۰	یکون	۴۳۲۰۰
شہر حال غاہہ۔ سنہ وزنہ موجودی	۹۴۸۰	امانات حسابلرک کچن سنہ دون دوری اولوب تنزیل	۱۱۰۰
		وزنہ حسابلرک کچن سنہ دون دوری اولوب ضم	۴۲۱۰۰
			۱۹۱۰۰
			۶۱۲۰۰

۲۶۳ —. برنجی طابلر. — (شکل ۲) برنجی طابلر نمونه ده کوريله چكى وجهله یدی ستونی حاویدر .

برنجی ستونه حسابلرک صره نومروسی، ایکنجی ستونه حسابلرک اسملری، اوچنجی ستونه هر حسابک صاغ صحیفه سی یکونی، دردنجی ستونه صول صحیفه یکونی، بشنجی ستونه ذمتی مطلوبیدن چوق اولان حسابلرک بقیه ذمتلری یعنی صاغ صحیفه دن قالان بقیه لری، التنجی ستونه مطلوب ذمتدن چوق اولان حسابلرک بقیه مطلوبلری یعنی صول صحیفه دن قالان بقیه لری یازيله جقدر. سکزنجی ستون ایسه عندالایجاب ملاحظات تحریرینه مخصوص صدر .

۲۶۴ —. اساس دفترنده هر معامله بر ویا برقاچ حسابک ذمتنه یعنی صاغ صحیفه سنه یازلمسنه مقابل، مطلقا دیگر بر ویا برقاچ حسابک مطلوبنه یعنی صول صحیفه سنه یازلمش اوله رق، هیچ بر رقک یالکیز بر حسابک ذمتنه یازیلوبده دیگر بر حسابک مطلوبنه یازلماسی واقع اوله . میه جفتندن، اشبو برنجی طابلونک اوچنجی و دردنجی ستونلرینه اساس دفترندن نقلاً ترقیم اولنان رقم جمع ایدلکده، اوچنجی ستونک یکونی مطلقا دردنجی ستونده چیقہ جق یکونه مساوی بولمق لازم کله چکی کبی؛ بونلرک بقیه لرینی محتوی اولان بشنجی والتنجی ستونلرک یگونلری دخی بالطبع یکدیگره مساوی بولمق اقتضا ایدر .

۲۶۵ —. اساس دفترنده سنه ابتداسندن اعتباراً نهایتنه قدر یگونلر آیدن آیه تسلسل ایده چکی جهتله، اشبو برنجی طابلوده

دخی سنه ابتداسندن اعتباراً جدولك طائد اولدينى آى نهايته قدر اولان ماملاتك يگونلری کورینه جکدر .

۲۶۶ — ایکنجی طابور (شکل ۴) . بو طابور ایکیسی تحصیلاته وایکیسی صرفیاته مخصوص اوله رق درت ستونی حاویدر . سنه حالیه « واردات متحققه سی » ؛ « سنین سابقه وارداتی » ، « مرکزدن مأخوذات » ، « امانات » ، « دیگر صندوقلرنامه تحصیلات » ، « صرفیات موقته » ، اشخاص ذمی و « مدت متممه تحصیلاتی » و « تذاکر تمغا اثمائی » حسابلرینک صول صحیفه لرنده (و بناءً علیه جدولك برنجی طابورسینک دردنجی ستوننده بو حسابلرک حذالرنده کورینان) یگونلر اشبو ایکنجی طابورنک برنجی ستوننه درج اولنوب یگون ایدیلمور ، امانات حسابنک سنه سابقه دن سنه حالیه ابتداسنه دور اولنمش بر قسیمی وار ایسه ، بو قسم ، چونکه سنه حالیه ابتداسندن برو وزنه یه ذمت مقید مبالغ میساننده اولمیوب وزنه نك سنه ابتداسنه دور اولنمش موجودی میاننده بولنه جفی جهته ، مذکور یگونك التمه یازیلوب تنزیل ایدیلمور ، و وزنه نك سنه ابتداسنه دور اولنان موجودی دخی باقینك التمه یه بر قلم اوله رق یازیلوب جمع ایدیلمورکه ، بوضورتله حاصل اوله جق یگون وزنه نك صاغ صحیفه سی یگوننه مساوی بولنق لازمکلوره . ارقام مذکورده دن هر برینك تعلق ایتمدیکی حسابلرک اسملری ده ، عوننده کوسه ترلیدیکی اوزره ، ایکنجی ستونه یازیلمور . کذلک « مرکزه ارسالات » ، « دیگر صندوقلرک مأخوذاتی » ، « امانات » ، « صرفیات موقته » ، « اشخاص ذمی » و « تذاکر تمغا اثمائی تحققاتی وایالاتی » .

حسابلرینک صاغ صحیفه لرنده (و بناء علیه جدولک برنجی طابلو - سنک اوچنجی ستوننده بو حسابلرک حذالرنده کوریلان) یکونلر اشبو ایکنجی طابلونک اوچنجی ستوننه درج اولنوب یکون ایدیلور . صرفیات موقته واشخاص ذمی حسابلرینک سنه سابقه دن سنه حالیه یه دور اولنمش قسملری وار ایسه ، بو قسملر ، چونکه سنه حالیه ابتدا - سندنبرو وزنه یه مطلوب مقیدمبالغ میاننده داخل اولیوب ، طبقی واردات بقایاسی کبی خزینهنک بقایای مطلوباتی اوله رق دور اولنمش اولدیفندن ؛ دردنچی ستوننده ایروجه بالترقیم جمع ایدلدکن صکره یکونی . صرفیات یکوننک البته برقلم اوله رق یازیلوب تزیل ایدیلورکه ، باقیسی وزنه حسابنک مطلوب یعنی صرفیات یکوننه مساوی بولنه جقدر . بونک البته وزنه نک آی نهایتنده کی موجودی برقلم اوله رق یازیلوب جمع ایدیلورکه ، بویک ندخی وزنه نک ذمت یکونی اوله رق برنجی طابلونک اوچنجی و ایکنجی طابلونک برنجی ستوننده کوریلان مقداره مساوی بولنق لازم کلور . اشبو اوچنجی ستونه درج اولنسان ارقامک تعلق ایتدیکی حسابات دخی نمونده کوسترلیدیکی وجهله دردنچی ستونه یازیلور .

۲۶۷ . — اوچنجی طابلو (شکل ۳) . — اشبو طابلو صوک آیک مقبوضات و مدفوعاتیه صندوق موجودینک جنس مسکوکات اعتباریه مفرداتی ارائیه مخصوص ، بولغله وزنه معاونه دفترندن استخراجاً املا ایدیه جکدر . وزنه معاونه دفرینک مقبوضات و مدفوعات صحیفه لرنده « اجمال » ستونلرینک غیری ستونلرده کی

يكونلر هر آي نهايتنده قطع ايديلوب آي غايهسنده كي موجود صندوق ايرتسي آيه دور ايديله چكي جهته ، هر آيك جدولنك اشبو اوچنچي طابولوسنك برنجي ستونه اول آيك ابتداسنه دور ايدلمش اولان موجود نقدي ، و ايكنچي ستونه او آيك ابتداسندن نهايته قدر وقوعبولان تحصيلاتك مقداري ، و اوچنچي ستونه بو ايكي ستونده كي ارقامك يكوني ، و دردنچي ستونه او آي طرفنده كي مدفوعاتك يكوني ، و بشنچي ستونه دخی اوچنچي و دردنچي ستونلرده كي ارقامك تفاضلي ترقيم اولنوركه ، آي غايهسنده وزنهك موجودني كوسترن بو مقدار جدولك برنجي طابولوسنده وزنه حسابنك بقيه ذمتي ستوننده كورينان مقدارده بالطبع مساوي بولمق لازم كلور .

۲۶۸ . -- مركز لوا شهريه جدولی . — مركزز لواده كي اساس دفتري اوزرندن چيقاريله جق اولان شهريه جدولنك قضا جدولندن فرقي ، يالكز لوا اساس دفتريده حساباتك تعدندن طولايي جدولك برنجي و ايكنچي طابولورينك دها زياده حساباتي محتوي اولمسندن عبارت بولمغله ، بوراده تكرار تفصيلاتدن صرف نظر اولنورق ارقام مفروضهيه كوره بر نمونه سنك درجيه اکتفا اولندي .
(شكل ۵ و ۶)

باقیه حسابات		اساس دفترینک		اسامی حسابات	
صول صحیفه دن	صاغ صحیفه دن	صول صحیفه یکونی	صاغ صحیفه یکونی	صول صحیفه یکونی	صاغ صحیفه یکونی
پاره غروش	پاره غروش	پاره غروش	پاره غروش	پاره غروش	پاره غروش
۸۹۹۱۴۷		۹۰۷۵۱۰	۲۰	۵۹۵۶۳	۲۰
.	۴۸۲۸۴۷	۲۰	۲۶۳۵۴	۵۰۹۲۰	۱۲۰
.	۴۱۵۰۹۹	۲۰	۳۳۲۰۹	۴۴۸۳۰	۹
.	۱۲۴۹۱۰		۱۲۵۰۹۰	۲۵۰۰۰۰	
.	.		۲۵۰۰۰۰	۲۰۴۰۰۰	
۴۶۰۰۰	.		۲۰۴۰۰۰	۱۲۵۰۹۰	
۷۸۹۱۰	.		۲۳۶۱۳	۲۰	۲۳۶۱۳
.	.		۱۰۷۰۰	۱۰۷۰۰	
.	.		۳۳۵۲۰	۳۳۵۲۰	
.	.		۶۰۰۰	۶۰۰۰	
.	.		۲۰۰۰۰	۲۰۰۰۰	
.	.		۱۷۵۴۰	۱۷۵۴۰	
.	.		۳۴۰۰	۳۴۰۰	
.	.		۱۲۰۰	۱۲۰۰	
۵۳۲۲	.		۱۳۸۲۲	۸۵۰۰	
.	۱۰		۹۰	۱۰۰	
.	۱۰۰۰۰		۵۰۰۰	۱۵۰۰۰	
۴۹۰۰			۱۲۵۰۰	۷۶۰۰	
۲۱۶۶۷			۱۸۸۵۹۷	۱۶۵۷۳۰	
.	۱۱۵۰		۳۷۰۰	۴۸۵۰	
۱۱۵۰	.		۴۸۵۰	۳۷۰۰	
.	.		۵۲۰۰	۵۲۰۰	
.	۱۳۵۶۰		۲۰۵۹۰	۳۴۱۵۰	
.	.		۲۷۵۲۰	۲۷۵۲۰	
.	.		۳۴۵۴۲	۳۴۵۴۲	
.	۹۵۱۹		۱۷۳۰۱۸	۱۸۲۵۳۷	
۱۰۵۷۰۹۶	۱۰۵۷۰۹۶	۲۲۰۱۵۶۶	۲۰	۲۲۰۱۵۶۶	۲۰

واردات عمومی
 محاسبه واردات متحققه سی
 تساقه وارداتی
 مصاصات
 الاات
 اثر مصارفی
 متمم تحصيلاتی
 « » تأدیاتی
 حاقادن مأخوذات
 حقاته ارسالات
 کزردن مأخوذات
 کززه ارسالات
 ککر صندوق نامنه تحصيلات
 ککر صندوق مأخوذاتی
 امانات
 رفیات موفته
 شخاص ذمی
 ناعصندوق قری امانات وصر-
 فیاتی
 بنه حساب جاریسی
 رکوئذا کری تمغا اثمائی
 برکوئذا کری تمغا اثمائی
 تحققات وارسالاتی
 مستقرضات مقابل ارسالات
 نفق عثمانی
 متناقلات
 محسوبات
 وزنه

تخصیلات			صرفیات		
پاره	غروش	ایضاحات	پاره	غروش	ایضاحات
	۲۶۳۵۴	حالیہ وارداتی	۱۲۵۰۹۰		دوائر مصارفہ
۲۰	۳۳۲۰۹	سابقہ »	۱۰۷۰۰		مدت متممہ تأدیاتی
۲۰	۲۳۶۱۳	مدت متممہ تخصیلاتی	۶۰۰۰		ملحقانہ ارسالات
	۳۳۵۲۰	ملحقانہ مأخوذات	۱۷۵۴۰		مرکزہ »
	۲۰۰۰۰	مرکزہ مأخوذات	۱۲۰۰		دیگر صندوقر مأخوذاتی
	۳۴۰۰	دیگر صندوقر نامنہ تخصیلات	۸۵۰۰		امانات
	۱۳۸۲۲	امانات	۱۰۰		صرفیات موقتہ
	۹۰	صرفیات موقتہ	۷۶۰۰		تقاعد صندوقری صرفیاتی
	۵۰۰۰	اشخاص ذمی	۳۷۰۰		ویرکو تذکری تمفا اماناتی ارسالاتی
	۱۲۵۰۰	تقاعد صندوقری اماناتی	۵۲۰۰		استقراض مقابلی ارسالات
	۳۷۰۰	ویرکو تذکری تمفا اماناتی	۱۵۰۰۰		اشخاص ذمی
	۱۷۵۲۰۹		۲۰۰۶۳۰		
		تقاعد صندوق			صرفیات موقتہ
		۱۶۰۰ اماناتک			اشخاص ذمی
	۳۶۰۰	۳۶۰۰ کچن سندن مدور موجودلری			تقاعد صندوقری آجینی
	۱۷۱۶۰۹	یکون			یکون سندن دوری
		۴۱۷۴۰ وزنہ	۲۰۰۶۳۰		یکون صرفیات (۲)
		۱۰۲۶۰ بانق عثمانیہ			۹۵۱۹ وزنہ
	۵۲۱۰۰	۵۲۱۰۰ موجود اولہرق کچن سندن مدور			۱۳۵۶۰ بانق عثمانیہ
	۲۲۳۷۰۹	یکون تخصیلات (۱)	۲۳۰۷۹		۲۳۰۷۹ آی غایہ سندنہ موجود
			۲۲۳۷۰۹		
		(۱) بیانی			(۲) بیانی
	۱۸۲۵۳۷	۱۸۲۵۳۷ وزنہ حسابک ذمت یکونی			۱۷۳۰۱۸ وزنہ حسابک مطلوبی
	۳۴۱۵۰	» بانق عثمانی »			» بانق عثمانی ۲۰۵۹۰
	۳۴۵۴۲	» محسوبات »			» محسوبات ۳۴۵۴۲
	۲۵۱۲۲۹				۲۲۸۱۵۰
	۲۷۵۲۰	۲۷۵۲۰ مناقلات منها			۲۷۵۲۰ مناقلات منها
	۲۲۳۷۰۹				۲۰۰۶۳۰

۲۶۹. — مرکز ولایت شهریه جدولی. — مرکز ولا-
یتده کی اساس دفترندن چیقاریله جق شهریه جدولی دخی، طبق مرکز
لواده چیقاریلان شهریه جدولی کبی اولوب، فصل مخصوصنده ایضاح
اولنان بر قاج حسابی فضله بولمسندن بشقه برفرقی اولمديغندن، بونک
ایچون ایلوجه نمونه وضعنه دخی لزوم یوقدر.

۲۷۰. — لوا اجمالی (شکل ۷). — لوا داخلنده بولنان
بالموم مال صندوقلرینک معاملات حسابیه سنی جمع و تلفیق ایدرک
لوانامنه بر حساب چیقارمق ایچون طوتیلان بو دفترک قارشولقی بهر
صحیفه سی لوانک بر آیلقی معاملاتنه مخصوص اوله رق، هر صحیفه سی
یدی قضانک معاملاتنی استیعاب ایدمک صورتده ترتیب ایدلمش، وقضا
ستونلرنده مرقم مبالغک مجموعنی ارانه ایدمک برده یکون سستونی
اچلمش اولدینی کبی، اسامی حسابات دخی ایلوجه کوستریلور. بر لوانک
مرکزیه ملحق قضالری یدیدن زیاده اولدینی تقدیرده، بر آیلقی معا-
مله ایچون ایکی صحیفه تخصیص اوله رق، بر صحیفه نک استیعاب ایتدیگی
قضالرک معاملاتنی ایکنجی صحیفه یه کجوریله رک مذکور صحیفه ده کی یکون
ستونی بالطبع بوش بر اقیلور. مذکور ستونلرک هر برینک بالاسنه
تخصیص اولدینی قضانک اسمی یازیله رق، مرکز و ملحق قضالردن
هر برینک شهریه جدولنده کی ارقام عیناً عائد اولدینی قضا سستوننه
کچریلور، و ذمت ستونلرنده بویله جه ترقیم اولنان مبالغک یکونی ذمت
طرفنده کی یکون ستوننه، و مطلوب ستونلرنده مرقم مبالغک یکونی ده
مطلوب طرفنده کی یکون ستوننه ترقیم اولنورک، ایشته اجمال دفتیرینک مذکور

• اصول صحیفہ بکو نلری

صالح حنیف بکونتری

[illegible]

ولایت اجماعده ستونلرک هر بری سرکر لو اسباه ملحق لواله شخصی اوانه رن بالاکرینه... لوالی بازیدرد

يكون ستونلری لوانك مع ملحقات معاملات حسابیه سنك اجمال عموم .
میسنی ارائه ایدر .

۲۷۱ . — (شكل ۸ و ۸) بالاده كوستریلان قضا شهریه جدولیه .
لوا شهریه جدولیه كوره املا ایدلش بر لوا اجمالی نمونه سی در .
قضالرك عددی نه قدر چوق اولور ایسه اولسون اجمالك صورت
املاسی دكشمیه جكندن ، بو باده دها زیاده تفصیلات اعطاسنه لزوم
كورلما مشدر .

۲۷۲ . — بر قضانك بر آیلق جدولی نه وقت كلور ایسه
كلسون ، لوا اجمال دفترینك او آیه مخصوص اولان ستوننه كجوریلوب
بر آيك اجمالی تمام اولدقده نسخین صورتی چیقاریلوب بر نسخهی
لوانك تابع اولدینی ولایت مركزینه و بر نسخهی ده طوغریجه
محاسبه عمومییه كوندریلور .

۲۷۳ . — ولایت اجمال دفتری . — مركزز ولایتده ، اول
امرده مركزز لواسی نامنه اوله رق طبقی الویه ملحقه ده اولدینی كبی ،
مركزز لواسنه ملحق قضالر ایله مركزز ولایت شهریه جدوللرینی جمع
و تلفیق ایدرك مركزز لوانك حساب عمومیسی كوسترمك ایچون
بر لوا اجمالی طو تلیقله برابر ، برده مركزز لواسیله الویه ملحقه نك
حساباتی جمع و تلفیق ایدرك ولایتك عموم حسابی كوسترمك ایچون
بر ولایت اجمال دفتری طوتیلور . بو دفتر لوا اجمال دفترینك عینی
اولوب ، باللكز بونده ستونلردن هر بری برلوایه مخصوص اوله رق ،

(شکل ۸)

مفروض قضا و مرکز لوا جدول الرندن مقتسی لوا اجالی

صاغ صحیفه یکونلری

قضاسی	قضاسی پاره	مرکز قضاسی پاره	یکون پاره	اسامی حسابات
	۲۳۲۰۰	۵۹۵۶۳۲۰	۸۲۷۶۳۲۰	ردات عمومیه
	۴۰۰۰۰	۵۰۹۲۰۱۲۰	۵۴۹۲۰۱۲۰	مبالغه حالیه واردات متحققه سی
	۹۵۰۰۰	۴۴۸۳۰۹	۵۴۳۲۰۹	بین سابقه وارداتی
	.	۲۵۰۰۰۰	۲۵۰۰۰۰	مبصات
	.	۲۰۴۰۰۰	۲۰۴۰۰۰	الات
	.	۱۲۵۰۹۰	۱۲۵۰۹۰	اثر مصارفی (۶ الی ۲۰)
	۶۴۰۰	۲۳۶۱۳۲۰	۲۳۶۱۳۲۰	ت متممه تحصيلاتی
	.	۱۰۷۰۰	۱۰۷۰۰	ت متممه تأدیاتی
	.	۳۳۵۲۰	۳۳۵۲۰	حقاقدن مأخوذات
	.	۶۰۰۰	۶۰۰۰	حقاقدن ارسالات
	۶۰۰۰	۲۰۰۰۰	۲۶۰۰۰	کزدن مأخوذات
	۴۰۵۲۰	۱۷۵۴۰	۵۸۰۶۰	کزه ارسالات
	۷۰۰	۳۴۰۰	۴۱۰۰	بکر صندوقلر نامنه تحصيلات
	۶۲۰۰	۱۲۰۰	۷۴۰۰	بکر صندوقلر مأخوذاتی
	۵۰۰	۸۵۰۰	۹۰۰۰	نات
	۱۰۰۰	۱۰۰	۱۱۰۰	فیات موقته
	۱۱۰۰	۱۵۰۰۰	۱۶۱۰۰	مخاص ذمی
	.	۷۶۰۰	۷۶۰۰	عد صندوقلری
	۴۶۷۲۰	۱۶۵۷۳۰	۲۱۲۴۵۰	بنه حسات جاریسی
	۳۰۰۰۰	۴۸۵۰	۷۸۵۰	رتکو تذاکری تمغا اثمائی
	۲۴۰۰	۳۷۰۰	۶۱۰۰	اکر تمغا اثمائی تحقیقات و ارسالاتی
	.	۵۲۰۰۰	۵۲۰۰۰	تقریضات مقابلی ارسالات
	.	۳۴۱۵۰	۲۴۱۵۰	ن عثمانی
	.	۲۷۵۲۰	۲۷۵۲۰	قلاط
	.	۳۴۵۴۲	۳۴۵۴۲	سوبات
	۶۱۲۰۰	۱۸۲۵۳۷	۲۴۳۷۳۷	نه

(شکل ۸)

مفروض قضا و مرکز لوا جدول لرندن مقتسی لوا اجمالی

صول صحیفه یکونلری

اسامی حسابات	قضای	قضای	مرکز قضای	یکون
واردات عمومی		۱۳۵۰۰۰	۹۵۷۵۱۰	۱۰۹۲۵۱۰
سنه حالبه واردات متحققه سی		۱۳۲۰۰	۲۶۳۵۴	۳۹۵۵۴
سین سابقه وارداتی		۱۰۰۰۰	۳۳۲۰۹	۴۳۲۰۹
مخصصات		.	۱۲۵۰۹۰	۱۲۵۰۹۰
حوالات		.	۲۵۰۰۰۰	۲۵۰۰۰۰
دوائر حساباتی (۶ الی ۲۰)		.	۲۰۴۰۰۰	۲۰۴۰۰۰
مدت متممه محصلاتی	۶۴۰۰	۲۳۶۱۳	۳۰۰۱۳	
مدت متممه تأدیاتی	.	۱۰۷۰۰	۱۰۷۰۰	
ملحقانیدن مأخوذات	.	۳۳۵۲۰	۳۳۵۲۰	
ملحقاته ارسالات	.	۶۰۰۰	۶۰۰۰	
مرکززدن مأخوذات	۶۰۰۰	۲۰۰۰۰	۲۶۰۰۰	
مرکززه ارسالات	۴۰۵۲۰	۱۷۵۴۰	۵۸۰۶۰	
دیگر صندوقلرنامه تحصیلات	۷۰۰	۳۴۰۰	۴۱۰۰	
دیگر صندوقلر مأخوذاتی	۶۲۰۰	۱۲۰۰	۷۴۰۰	
امانات	۲۶۰۰	۱۳۸۲۲	۱۶۴۲۲	
صرفیات موقته	۸۰۰	۹۰	۸۹۰	
اشخاص ذمی	۹۰۰	۵۰۰۰	۵۹۰۰	
تقاعد صندوقلری	.	۱۲۵۰	۱۲۵۰۰	
خزینہ حساب جاریسی	۵۴۳۰۰	۱۸۸۵۹۷	۲۴۲۸۹۷	
وبرکوتذاکری تمغا اثمافی	۲۶۰۰	۳۷۰۰	۶۳۰۰	
تذاکر تمغا اثمافی تحقیقات و ارسالات	۳۰۰۰	۴۸۵۰	۷۸۵۰	
استقراضاته مقابل ارسالات	.	۵۲۰۰	۵۲۰۰	
باقی عثمانی	.	۲۰۵۹۰	۲۰۵۹۰	
مباقلات	.	۲۷۵۲۰	۲۷۵۲۰	
محسوبات	.	۳۴۵۴۲	۳۴۵۴۲	
وزنه	۵۱۷۲۰	۱۷۳۰۱۸	۲۲۴۷۳۸	

یکون

۳۳۳۹۴۰

BMM KUTUPHANESI

مرکز لواسیله ملحق لواردن هر برینک اجمالرینک یکون ستونلرنده
مرقم اولان مبالغ ولایت اجمالک اولویه مخصوص اولان ستونلرینه
ترقیم ایدیلور، و بر آیک ولایت اجمالی تمام اولدقده بر صورتی چیقا-
ریلوب محاسبه عمومیه به کوندریلور .



— شهریه جدوللریله اجمالرده ارایله جق موازنتلر —

۲۷۴ . — قضا شهریه جدولنده :

۱ . — اساس دفترنده کی حسابلرک صاغ صحیفه لرندن النوب
جدولک اوچنچی ستوننه و صول صحیفه لرندن النوب جدولک
دردنچی ستوننه ترقیم ایدیلاں مبالغک یکونلری بربرینه مساوی
اوله جقدر .

۲ . — مذکور ایکی ستونده کی ارقامک تفاضلاری اوله رق
جدولک بشنچی و آلتنچی ستونلرینه ترقیم ایدیلاں مبالغک یکونلری
بربرینه مساوی اوله جقدر .

۳ . — جدولک ایکنچی طابلوسنک صاغ طرفنده اراثة ایدیله-
جکی وجهله، جدولک برنجی طابلوسنک دردنچی ستوننده تحصیلات
کوسترن ارقام، یعنی سنه حالیه واردات متحققه سی، سنین سابقه
وارداتی، مرکزدن مأخوذات، امانات، دیگر صندوقلر نامنه تحصیلات،
صرفیات موقته، اشخاص ذمی، مدت متممه تحصیلاتی، ویرکونذا کری
تمفا اثمائی حسابلرینک صول صحیفه یکونلری جمع ایدیلوب حاصلندن

امانات حسابنك سنه ابتداسنه دور اولمش اولان بقیه سی تزیل اولنور و باقیه سنه ابتداسنه دور اولمش اولان وزنه موجودی علاوه ایدیلور ایسه، حاصلی وزنه حسابنك یكونه مساوی بولنه جقدر.

۴. — جدولك ایکنجی طابولوسنك صول طرفنده ارايه ایدیلجهکی وجهله، جدولك برنجی طابولوسنك اوچنجی ستوننده تأدیات کوسترین ارقام، یعنی مرکزہ ارسالات، امانات، دیگر صندوقلر مأخوذاتی، صرفیات موقتہ، اشخاص ذمی، ویرکو تذاکری تمفا ائمانی تحقیقات و ارسالاتی حسابلرینك صاغ صحیفه یکونلری جمع ایدیلوب حاصلندن صرفیات موقتہ و اشخاص ذمی حسابلرینك سنه ابتداسنه دور اولمش اولان بقیه لری تزیل اولنور ایسه، باقیسی وزنه حسابنك صول صحیفه سی یكونه مساوی بولنه جق؛ و بوکا آی غایه - سنده کی موجود نقدی اوله رق وزنه دفترندن اقتباساً جدولك اوچنجی طابولوسنك بشنجی ستوننده مرقم مقدار علاوه ایدیلور ایسه، حاصلی ینه وزنه حسابنك صاغ صحیفه سی یكونه مساوی بولنه جقدر.

۵. — سنه حایه واردات متحققه سی وسنین سابقه وارداتی حسابلرینك صاغ صحیفه یکونلرینك مجموعی واردات عمومیه حسابنك صول صحیفه یكونه مساوی اوله جقدر.

۶. — سنه حایه واردات متحققه سی وسنین سابقه وارداتی حسابلرینك صول صحیفه یکونلرینك مجموعی واردات عمومیه حسابنك صاغ صحیفه سی یكونه مساوی اوله جقدر.

۷. — مرکزہ ارسالات، مرکزدن مأخوذات، دیگر صندوقلر

نامنه تحصیلات، دیگر صندوقار مأخوذاتی، مدت متممه تحصیلاتی حسابلرندن هر برینك ذمت و مطلوب یكونلری متوازن اوله رق بو حسابلردن هیچ برینك بقیه سی بولمیه جقدر .

۸ . — خزینه یه عائد مقبوضاتی کوسترن ارقام، یعنی سنه حالیه واردات متحققه سی سنین سابقه وارداتی، مرکزدن مأخوذات، دیگر صندوقار نامنه تحصیلات، مدت متممه تحصیلاتی حسابلرینك صاغ صحیفه یكونلری جمع ایدیلوب خزینه حساب جاریسی حسابنك سنه ابتداسنه دور اولنمش اولان بقیه مطلوبی ضم ایدیلور ایسه حاصلی خزینه حساب جاریسی حسابنك صول صحیفه سی یكوننه مساوی بولنه جقدر .

۹ . — خزینه یه عائد تأدیات کوسترن ارقام، یعنی مرکز مرسالات و دیگر صندوقلرک مأخوذاتی حسابلرینك صاغ صحیفه یكونلری جمع ایدیلور و شاید خزینه حساب جاریسنك سنه ابتداسنه بقیه ذمتی دور اولنمش اولدیغی حالده — مذکور بقیه علاوه ایدیلور ایسه حاصلی خزینه حساب جاریسی حسابنك صاغ صحیفه سی یكوننه مساوی بولنه جقدر .

۲۷۵ . — مرکز لوا شهریه جدولنده :

۱ . — قضا شهریه جدوللری حقنده بالاده ۱، ۲، ۵، ۶، نومرولرده کوستریلان موازنلر لوا شهریه جدوللرنده عیناً جاریدر .
۲ . — مخصصات حسابنك ذمتی حوالات حسابنك مطلوبنه مساوی اوله جقدر .

۳. — حوالات حسابنك ذمتى دوائر مصارفنى كوسترن حسابلارك
مطلوب يكو نلرينك مجموعنه مساوى بولنه جقدر .

۴. — دوائر حسابلرينك ذمت يكو نلرينك مجموعى مخصصات
حسابنك مطلوبنه مساوى اوله جقدر .

۵. — طبقى قضااده اولدينى كې، لوا جدولنده دخى خزينه يه
عائد مقبوضاتى كوسترن ارقام جمع ايدىلوب خزينه حساب جاري سنك
سنه ابتداسنه دور اولنمش اولان بقيه مطلوبى علاوه ايديلور ايسه
حاصلى خزينه حساب جاري سى حسابنك مطلوب يگونه معادل بولنه جقدر.
شو قدركه خزينه يه عائد مقبوضاتى كوسترن حسابات ميانمه لواده
ملحقا تدن مأخوذات حسابى دخى داخل اولور .

۶. — طبقى قضااده اولدينى كې، لوا جدولنده دخى خزينه يه عائد
تأديات كوسترن ارقام جمع ايديلوب خزينه حساب جاري سى حسابنك
سنه ابتداسنه دور اولنمش بقيه ذمتى (شايد وار ايسه) علاوه اولندينى
تقديرده حاصلى خزينه حساب جاري سى حسابنك ذمت يگونه مساوى
بولنه جقدر . شو قدركه خزينه يه عائد تأديات كوسترن حسابات ميانمه
لواده ملحقا ته ارسالات حسابى دخى داخل اولور .

۷. — لوا مركززلرنده يالكز نقداً وقوعبولان مقبوضات
ومدفوعات وزنه يه قيد اولنوب، ايرادمصرف يعنى تقاص طريقه انتوب
ويريلان مبالغ وزنه حسابنه اوضر اندير لمقميزين محسوبات حسابنك
نوسطيله حسابات عائده سنه تحصيلات وتأديات قيد اولنه جفتدن؛ لوا
جدولنده تحصيلات كوسترن حسابات ايله وزنه حسابى اره سنده

ارانیله جتی موازننده محسوبات حسابنك طرفینده مرقم مبالغك دخی نظر دقته النسی لازم كله جكدرد . كذلك لوا مركزلرنده بولسان تقاعد صندوقلری امانات و صرفیاتی حسابی دخی امانات و صرفیات موقته حسابلرینك هر ایکیسینه بكدزر بر حساب اولوب، بونك سنه ابتداسنه موجودی یعنی بقیه مطلوبی دور اولمش ایسه امانات حسابنك ماهیتنده، و اكر اچینی یعنی بقیه ذمتی دور اولمش ایسه صرفیات موقته حسابنك ماهیتنده بولمش اوله جفتدن؛ مقبوضات و مدفوعات کوسترن ارقام ایله وزنه حسابی ارمسنده ارانیلان موازننده، تحصیلات کوسترن ارقامك یکونندن امانات حسابنك سنه ابتداسنه دور اولمش اولان بقیه مطلوبی تنزیل ایدلنکده اولدیغی کی، مذکور تقاعد صندوقلری امانات و صرفیاتی حسابنك دخی سنه ابتداسنه دور اولمش بقیه مطلوبی وار ایسه اشبو بقیه طبق امانات حسابنك دوری کی تحصیلات کوسترن ارقامك یکونندن تنزیل اولنه جق؛ و اكر بو حسابنك سنه ابتداسنه بقیه ذمتی دور اولمش ایسه اشبو مبلغ طبق صرفیات موقته و اشخاص ذمتی حسابلرینك سنه ابتداسنه دور اولمش اولان بقیه لری کی مدفوعات کوسترن ارقامك یکونندن تنزیل ایدیله جكدرد . [۱]

۸. — بانق عثمانی حسابی طبق وزنه حسابی ماهیتنده بولندیغندن، تحصیلات و تأدیات یکوننلریله وزنه حسابی ارمسنده ارانیلان موازننده،

[۱] تقاعد عائداتی کاملاً واردات بودجه سنه و بالعموم تقاعد و مغرولیت معاشرلی مصرف بودجه سنه ادخال ایدیلهرك ۳۲۷ سنه سنده تقاعد صندوقلری امانات و صرفیاتی حسابی لغو ایدلدیکی جهته ۳۲۸ سنه سنندن اعتباراً بو قاریش قلفه محل قالیه جقدر .

باق عثمانیده موجود اوله رق سنه ابداسنه دور اولنش اولان مبلغ وزنه نك سنه ابداسنه دور اولنش اولان موجودی کبی تحصیلات کوسترن ارقامك یكونه علاوه ایديله چکی کبی، بوکا قارشو باق عثمانیك ذمت یكونی دخی وزنه نك ذمت یكونه علاوه نظر اعتباره الله جق؛ ومدفوعات کوسترن ارقامك یكونه قارشوده باق عثمانی حسابنك مطلوب یكونی وزنه حسابنك مطلوب یكونه علاوه داخل موازنه ایديله جکدر .

۹ . — وزنه دن، باق عثمانی یه و باق عثمانیدن وزنه یه طوغریدن طوغری یه آننش ویرلمش مبالغ، تحصیلات و تأدیات کوسترن حسابلرک هیچ برنده کورینه میه چکی جهته، بر صندوقده وزنه دن باق عثمانی یه و باق عثمانیدن وزنه یه طوغریدن طوغری آنوب ویرلمش مبالغ بولندیقی تقدیرده، تحصیلات کوسترن ارقام مجموعنك وزنه و باق عثمانی حسابلرینك ذمت یكونلری مجموعنه، و تأدیات کوسترن ارقام مجموعنك وزنه و باق عثمانی حسابلرینك مطلوب یكونلری مجموعنه توافقی ایده . مامسی طبیعیدر . ایشته، بو موازنه ده فرق ظهورنده، فرقک بوندن ایلرو کلمش اولوب اولمندیقی صراحة آ کلاشیلوب شبهه یه محل قالماق اوزره — بالاده تعریف اولنش اولدیغی وجهله — مناقلات نامیله بر حساب آچلمش اولوب، وزنه ایلله باق عثمانی آرده سنده طوغریدن طوغری آنوب ویریلان مبالغ بر کرده مناقلات حسابنك طرفینه یازلمقده اولدیغی جهته، وزنه و باق عثمانی حسابلرینك ذمت یكونلری مجموعندن مناقلات حسابنده کورینان مقدار تنزیل ایدلدکن صکره حاصلنك

تخصیلات کو سترن ارقام یکوننه ، ووزنه ایله بانق عثمانی حسابلرینک مطلوب یکونلری مجموعندن مناقلات حسابنده کورینان مقدار تنزیل ایدلدکدن صکره حاصلنک تأدیات کو سترن ارقام یکوننه مساوی بولنسی لازمدر .

۱۵ . -- لوا مرکز لرنده دخی قضاالرده اولدینی کبی مرکزله ارسالات و مرکز دق مأخوذات ومدت متممه تخصیلاتی وامثالی خزینه حساب جاریسیله قیانون حسابلرک ذمت ومطلوب یکونلری مساوی اوله رق بقیه لری بولنیه جقدر .

۲۷۶ . -- مرکز ولایت جدولنده . -- مرکز ولایت جدولنک مرکز لوا جدولندن فرقی، مرکز ولایتده بر ایکی حسابک فضلہ بولنسنندن عبارت اولوب، ماهیه آرالرنده هیچ بر فرق اولمدیغندن، مرکز لوا جدولی حقنده تعریف اولنان شرط موازنت مرکز ولایت جدولنده دخی جاریدر .

۲۷۷ . -- وزنه عمومینک جدولنده . -- وزنه عمومینک جدولنده دخی لوا جدولی حقنده تعریف اولنان شرائط موازنت عیناً جاری ایسهده، وزنه عمومی وارداتک تحققاتیه مشغول اولمیوب، وزنه عمومینک جدولنده تخصیلاتی کورینان وارداتک تحققاتی اکثریتله دوائر محاسبه مدیریترلندن الته حق حسابلرندن آلتوب محاسبه عمومیه جه علاوه ایدیه چکی جهنتله، وزنه عمومینک جدولنده وارداتک تحققاتی بالطبع تخصیلاتندن آز کورینور .

۲۷۸ . -- بر محاسب کندی النده کی اساس دفترندن چیقاروب